





EE.2.


6-29.E.37





X. 19. 21.

M



V I T A
J O A N N I S
M A B I L L O N I I

Presbyteri & Monachi Ordinis S.
Benedicti, Congregationis
Sancti Mauri,

A THEODORICO RUINARTO
EJUS SOCIO

Olim Gallice scripta,

Nunc vero ab alio ejusdem Congrega-
tionis Monacho in Latinum ser-
monem translata,

Rerumque nova accessione aucta.



P A T A V I I, M. DCC. XIV.
Ex Typographia Seminarii.
Apud Joannem Manfrè.
SUPERIORUM PERMISSU.







Illustris. & Excellentiss.

ALEXANDRO ALBANO

EQUITI ORDINIS HIERSOLYMITANI,
MAGNO BAJULATUS ARMENIÆ PRIORI,

SS. D. N.

D. CLEMENTIS PAPÆ XI.

Fratris Filio.



Ogitanti mihi, cu-
jus sub auspiciis prodire in lu-
cem deberet vultus & animi sui

a 2 ima-



imagine redivivus Mabillonius,
Benedictinæ Familiæ decus,
haud diu deliberandum fuit. Si-
ve enim præcipuam, qua du-
dum Sodales nostros totamque
Congregationem dignaris, be-
nevolentiam, sive amorem il-
lum, quo litteras litteratosque
omnes complecteris, spectarem,
tibi præ cæteris uni nuncupan-
da illius acta existimavi, ut no-
minis tui fulgore ornata clarius
ubique luceant, adeantque fe-
licius litterarium orbem.

Et si vero attendenti sigilla-
tim eas animi dotes, quibus te
affatim instructum suspicit ac
demiratur Italia, aut præcel-
sum illum, quem apud Supre-
mum Ecclesiæ Principem, lo-
cum obtines, verendum erat,
ne opellam hanc minimi duce-
res: eum nihilominus timorem
levavit humanitas illa prope sin-
gularis, qua reliquas dotes sic
tem-

temperas , ut earum copia magnus , usu major , contemptu maximus habearis. Neque enim is es , qui tuo demortuum Mabillonium patrocínio non dignum judices , quem viventem Sacra Purpura dignum non semel pronunciarunt claræ nec umquam interituræ memoriæ Cardinales Leander Coloredus , & Josephus Maria Thomasius non sine bonorum omnium luctu , gravique Reipublicæ cum Ecclesiasticæ , tum Litterariæ jactura nobis ereptus ; quem literis dignati Summi Sanctæque memor. Pontifices Alexander VIII. , & Innoc. XII. in primis vero qui Christianam hodie Rempubicam sanctissime moderatur Clem. XI. P. M. a quo Mabillonius sive ante , sive post obitum nulla non accepit benevolentiae , ac existimationis argumenta ; quem Rex

Christianis. Ludovicus XIV. viros inter Regni sui eruditissimos juxta ac modestissimos recensuit ; cujus pietatem prope venerabatur Majoris Britanniae Rex Jacobus II. cujus denique doctrinam cum singulari prope modestia foederatam ubique mirati sunt eruditi omnes.

Viro quidem modestissimo talem decebat fortiri patronum , quem undequaque spectabilem reddunt & clari splendor generis , & Familiae dignitas , & venerandae Sanctissimi Patruī virtutes cum publicae tum privatae , quae omnes in te ceu in speculo expressae conspiciuntur , quibusque Ecclesiastico ministerio nuper addici meruisti , dudumque jam fuisses addictus , nisi ad eas , quae Melitensem Equitem decent exercitationes animum aliquandiu divertere
com.

compulisset temporum infelicitas, qua cessante, teipsum mox totum intermissis politiorum literarum, ac rerum in primis Ecclesiasticarum studiis reddidisti, & quidem eo animi ardore, ut repudiatis omnibus etiam licitis vitæ oblectamentis, ad hoc unum incumbere, id unum cogitare videaris, quo te Ecclesiastico ministerio dignum, moribusque Sanctissimi Patruī tui similem efficias. Hinc ille omnium virtutum & exercitiorum spiritualium amor, disciplinæ studium, discendæ non minus quam comparandæ literariæ suppellectilis cura, cum lectissimis viris necessitudo, cum Purpuratis Præsulibus doctissimis, atque optimis commercium.

Cætera, quæ in te haud vulgari laude digna sunt, nec te mediocriter ornant, egregiam

& ad optima quæque comparatam indolem, assiduam in ea excolenda rerum bonarum disciplinis diligentiam, maturam in annis immaturis sapientiam, præclaram de omnibus bene merendi voluntatem, lenitatem morum, modestiam prope singularem, vultum denique liberalem & apertum, litteras illas commendatitias præferentem, quas aiebat Plato quibusdam a natura concessas, amoris ac benevolentiae illices tacitus prætereo. Neque enim ea mihi dicendi vis, ea copia est, ut verbis exprimere valeam quæ de te, Abbas amplissime, probi quique sentiunt, quæ ipsa suspicit domina ac magistra gentium Roma, quæ in te demum amat is, cui non parere religio, in omnibus placere voluptas, proxime accedere felicitas, cujus denique sequi consilia, virtutes

tes æmulari unum tibi studium est.

Dum his porro commemorandis læta procedit oratio ; ne ulterius pergat monet laudis impatiens , tibi , totique tuæ Familiæ innata modestia , jubetque sic tecum loqui ut citra verecundiam æquis auribus ferre valeas . Præstat igitur obtestari te ut in finum tuum meo non magis ductu, quam sponte sua convolantem Mabillonium benigne pro more tuo suscipias , sub immortalis nominis tui præsidio altera immortalitate donandum ; patiarisque eundem Mabillonium nostrum vel potius jam tuum & testem esse tuæ erga Sodalitium nostrum benevolentiæ non vulgaris, & perenne ejusdem in te observantiæ monumentum. Vale , Abbas Nobilissime, & de Republica Ecclesiastica & Litteraria

rariora bene mereri perge. Ita
vovet

Nobilitatis tuæ

Addictiss. & obsequentiss. Servus
D. C.

*Presbyter & Monachus Or-
dinis S. Benedicti & Con-
gregatione S. Mauri.*

TY.

TYPOGRAPHUS Ad LECTOREM.

Mabillonium si quis ignorat, is in Rep. litteraria non est, vel in ea hospes est. Typographus certe ignorare non potest, a quo Viri polyhistoris opera identidem postulantur. Hinc factum est, ut cum de ejus Vita in publicam lucem edenda Vir literatissimus mecum egisset, negotium statim arripuerim. Prodierat illa quidem non ita dudum Gallice scripta, sed nec ea lingua communis est omnibus, nec tam multa per Italiam disseminata exempla fuerant, ut ingenti hominum desiderio satisfacerent. Furvit ergo & Latinam edere, & multarum rerum notitia amplificatam, ut & nostri haberent quod Galli, & Galli ipsi de suo Mabillonio a nobis discerent, quæ antea non norant. Adde huc causam consilii mei sane maximam, quod Ty-

*Typographiæ hujus Auctori Gregorio
Cardinali Barbadico τῷ μακαρίτῃ, cui
nihil unquam pro immortalī merito-
rum genere satis tribuam, tribuere
aliquid hac in re mihi videor, &
ingentium beneficiorum memoriā gra-
ti animi significatione renovare. Vi-
rum enim hunc amavit in primis
Barbadicus, qui viros amabat omnes
pietatis, ac litterarum laude sibi si-
miles. Quam vero amaret insigni-
ter, non erit sane difficile ex hoc i-
pso libro cognoscere. Fruamini illo,
quo certe fruimini, vestrorum labo-
rum præmio, Sanctissimæ Animæ æ-
terna societate conjunctæ; fruamini
divino sapientiæ vestræ fructu; frua-
mini pietatis, charitatis, virtutum
denique omnium mercede illa, quam
vobis unam contentione pari, mutuis-
que auxiliis comparastis. Nulla jam
loci, nulla conditionis dissimilitudo
separabit & simul beatos, & æque
beatos. In tuto res est. Sed quo me
rapit animi sensus utrique devinctis-
simi? Ad institutum redeo. Habes
hic,*

bic, Lector, hiftoriam elegantiffimam, non ad unius hominis laudem, fed ad multorum institutionem exaratam. Hinc tibi probitatis exemplum, hinc ftudiorum methodum, hinc rerum a doctiffimo Viro fcriptarum rationem, cauffas, ordinem, quasque compendium petito. Quibus fi recte uti volueris, habebis tu quoque aliquando qui de te fcribant. Vale.

NOI REFFORMATORI

Dello Studio di Padoa.

HAvendo veduto per la fede di revisione , & approbatione del P. F. Ambrosio Lifotti Inquisitore di Padoa nel Libro intitolato: *Vita Jo: Mabillonii Presbyteri & Monachi Ordinis S. Benedicti a Theodorico Ruinarto ejus Socio olim Gallice scripta, & ab alio in Latinum translata* non v'esser cos' alcuna contro la Santa Fede Cattolica ; e parimente per Attestato del Segretario Nostro, niente contro Principi, & buoni costumi , concedo Licenza à Gio: Manfrè Stampatore , che possi esser stampato, osservando gli ordini in Materia di Stampe, & presentando le solite copie alle Publiche Librarie di Venetia , & di Padoa .

Dat. 22. Marzo 1714.

(Francesco Loredan Kav. Proc. Reff.
(Alvise Pisani Kav. Proc. Reff.

Agostino Gadaldini Segretario.

THE
JOURNAL
OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME LXXV. PART 1. 1945
PUBLISHED BY THE INSTITUTE
21, BEDFORD SQUARE, LONDON, W.C.1
1945

I
V I T A
JOANNIS MABILLONII

Presbyteri & Monachi Ordinis S.
Benedicti, Congregationis
Sancti Mauri.

Amplissimo Viro

D. DUCI DE PERTH,

*Majoris Britanniae Regis JACOBI SECUNDI
Moderatori, ejusdemque primo
Cubiculario :*



Ameti defunctorum Monachorum
acta publicam in lucem proferre,
a Congregationis nostrae moribus
longe alienum sit ; Vir Clarissi-
me ; votis tamen precibusque tuis addu-
ctus ; quæ patris ac magistri mei Mabil-
lonii vitam simul & obitum spectant ,
brevis ac compendiario stylo lubens refe-
renda suscipio : arbitrorque fore nemi-
nem, qui perpensis egregiis , iisque qua-
quaversus disseminatis Mabillonii in rem
litterariam atque ecclesiasticam meritis,
virtutum ac doctrinae splendore , hunc ,
quem ipsi deferri cupis honorem , sit vel
minimum improbaturus : honorem , in-
quam , tanto magis demortuo debitum ,
quanto viventi semper ingratum fuisse
testatus ipse non semel est . Enimvero

A ob



ob singularem, quæ in eo potissimum eminuit, animi modestiam, cæteris sodalibus liberalius haberi detrectavit; ac sæpe etiam ipsis longe inferiorem se gessit; talisque ut haberetur, vehementer studuit.

Si quid igitur, Vir Amplissime, quominus voluntati tuæ morem geram, me teneat; id unum erit, quod tantæ suscipiendæ provinciæ viribus me longe impari sentiam profitearque: at timorem simul & pudorem tollere ipse videris: quandoquidem præclara, quæ vel ipse vidi, vel ab aliis accepi Mabillonii gesta simplici nec fucato stylo me tibi narrare jubes. Nec certe diffitebor, cum ab incunte mea ætate sub tanti viri magisterio eruditus, sexque supra viginti annos rerum ab eo gestarum testis fuerim oculatus, quin etiam multos ejus æquales, a quibus non pauca accepi, familiariter noverim; me si non cæteris ingenio parem, at in præsentī negotio fide digniorem videri.

Cæterum in hoc compendio, uti jam inter nos convenit, ea potissimum memorabo, quæ ad virtutes, eximiamque Mabillonii pietatem pertinent: si quid vero aut de iis, quæ in lucem emisit, operibus, aut quæ Christianissimi Regis, Præpositorumque jussu suscepit itineribus; obiter attingam; id certe ad illustrandas atque

que adstruendas ejus virtutes, texendamque narrationis seriem a me dictum velim.

Ad sui suorumque decus, nec non Benedictinæ atque Ecclesiasticæ Reipublicæ ornamentum in Campaniæ finibus ortus est Joannes Mabillonius die **XXIII. Novemb. MDCXXXII** ortuque suo Vicum Sancti Petri de Monte Remensis Diocesis, duabus circiter gallicis leucis a Mussi ponte supra Mosam, Belvallensem Abbatiam inter & nominatissimum Cartusianorum Montis-Dei Cœnobium, positum, mirum in modum illustravit. Ibi sacro fonte ablutum, quam in eo hauserat vitæ innocentiam, ad mortem usque illibatam custodisse cum ex morum integritate, tum ex assidua gratissimaque baptismalis sanctitatis memoria, ac ne illam pueri violarent, sed continuo in Deum adfectu studiose foverent, singulari propemodum sollicitudine, tum denique ex plis quas ea de re passim adhibere solebat adhortationibus, haud temere conjici potest. Fuere Mabillonio parentes Stephanus Mabillonius, & Joanna Guerin, ambo honesto loco prognati; atque hoc uno maxime insignes, quod insignem adeo filium in lucem ediderint, omnibusque studiose curaverint imbui Christianæ vitæ documentis: ex quibus eorum in primis memor erat, quæ ab optima sed præma-

^I
Mabillonii
ortus.

Mabillonii
Parentes.

tura sibi morte erepta matre adolescens acceperat. Vixerat Mabillonii Avus sexdecim supra centum annos; Pater vero quem anno ætatis centesimo non sine stupore vidisse me testor exquisito judicio, roboreque florentem, annos vixit centum circiter octo. Ex multis porro quos iste susceperat liberi, superstes illi remansit Mabillonius noster, cum altero fratre, qui morum ejus suavitatem, vitæque innocentiam mirum in modum referebat; quique ut pie admodum vixerat, pie similiter quinquagenario proximis e vita migravit:

II
Remos
studiorum
causa mit-
titur.

Sub parentum oculis primis litterarum elementis, duce potissimum ac Magistro avunculo, cujusdam vicinæ Ecclesiæ Parocho, primum instituitur Mabillonius: subinde provectior factus, cum eum uterque parens litterarum peritum ac ingenuis artibus perinde ac virtutibus expositum vehementer cuperet, Remos litterarium cursum peracturus mittitur: ubi non pecunia modo, quam pater ad id paraverat, sustentatus est, sed opibus etiam Clarissimi Abbatis Boucher Remensis Ecclesiæ Præpositi, simul & Regis ab eleemosynis, qui illum ad studia pergentem & domo & sumptu, & quod plus est, animo liberaliter excepit. In hac eloquentiæ palæstra mox præclari ingenii specimen dedit, brevique cæteris fo-

da-

dalibus longe antecelluit. Jam tum in Mabillonio elucebat singularis illa (quam postmodum tantopere suspexere omnes) mentis sublimitas sagacitasque ingenii, qua magistrorum captabat amorem, simul & existimationem sodalium, nullam istis (ea erat ejus modestia, animique moderatio) invidiam concitans; illos vero, quorum ipse nonnullos novi, ob magnos ad studia progressus incredibili lætitia afficiens, adeo ut ab iis velut virtutis ac doctrinæ assequendæ exemplar cæteris ad imitandum proponi soleret, unde hæc ei, rara cæteris, felicitas contigit, ut ab omnibus ex æquo probaretur & amaretur: neque enim aut existimationi officiebat livor, quem inimici ingenii dotibus superabat; aut amoris odium, cujus causas propensissima de omnibus bene merendi voluntate procul amandabat. Necdum humaniorum deposuerat litterarum tirocinia, cum primam publice dixit orationem; quam subinde non sine auditorum applausu excipere aliæ non paucæ: in primis vero oratio illa gratulatoria, qua, ut fertur, & ab ipsomet, ni fallor, accepi, Dominum de Nemours post initam Remensis Ecclesiæ Metropolis possessionem, Academiæ gymnasium perlustrantem profecutus est: quo in commisso sibi præ aliis munere obeundo, Archipræsulem

modo laudatum, omnesque auditores in sui admirationem convertit.

111
In Semi-
narium
Remense
suscipitur,
arisque de-
vovetur.

Iis animi dotibus, quibus omnium ad se studia animosque rapiebat, ornatus adolescens Mabillonius, de gravissimorum virorum consilio aris devovetur; huiusque rei gratia a Georgio de Aubusson per tonsuram clericali militiae adscribitur VII. Januar. ann. MDCLI. in Ecclesia Sanctimonialium Benedictinarum Parthenonis S. Petri. Anno proxime sequente, incunte Julio, Magistri artium laurea insignitus, Theologiae dat operam in Academia Remensi; subindeque cum Sancti Patricii, tum Sandionysiani Coenobii magistros audit. Haud ita pridem locum obtinuerat in Remensis Ecclesiae Seminario, quod e Concilio Tridentino redux Cardinalis Lotharingius, illius instar Sancti Caroli Mediolanensis, efformandis ad pietatem ac disciplinam ecclesiasticam Clericorum animis, institui, extruique curaverat. Horum munus est in Ecclesia Metropolitana chori ministerio per vices interesse; ex iisque deinde non pauci ad varia Dioeceseos obeunda munia deputantur. Id porro officii eo libentius obibat Mabillonius, quo divinis inde officiis saepius adesse cogebatur; indeque vitabat continua lascivientis juventutis discrimina. Diebus a schola feriatis,

cos

eos unos frequentare solebat studiorum socios, quos noverat optimis vitæ moribus institutos; cum iisque lectitandis libris, qui vel ad pietatem vel ad studia juvare magis poterant, libenter animum relaxabat. Suo muneri juxta ac Ecclesiæ ministerio intentus, ejusdem discendis ritibus, rebusque in ea decantari solitis sic animum adjecerat, ut ea pene omnia extremis etiam vitæ temporibus memoria teneret. id a me nuper ann. MDCCIII. non sine stupore observatum in Assumptæ Deiparæ festo; cujus prolixo licet ac solemni prorsus officio mecum adesse voluit; cujusque ne verbum quidem aut ceremoniam ullam prætermisit. Porro suspiciens quanta cum dignitate, splendore simul & religione cuncta ibi sacra peragerentur, incredibili pietatis sensu Deo Optimo Maximo gratulabatur, quod etiamnum perinde ac Superioribus sæculis foret hæc conspicua Metropolis, * cæterarum Galliæ Ecclesiarum norma & exemplar, siue ministerii majestate, siue ministrorum modestia prope singulari.

Nec officiebat is, quo in Remensem Metropolim tenebatur, amor ac sollicitudo, cæterarum urbis Ecclesiarum frequentationi, & earum maxime, quæ in excelsa Remensis civitatis vertice sitæ sunt, quasque Flodoardus ob locorum celebri-

* *Ivo Carnuntens. epist.*
48.

IV
Mabillonii
pietas.

tatem Basilicarum regionem nuncupare solebat. Quæcumque ibi aut scitu aut veneratione digna sunt, plane noverat; nec umquam ea loca sine pio quodam mentis adfectu aut brevi oratione pertransibat. Ea in primis erant, sepulchra Martyrum; Ecclesia S. Timothei, ubi ingens adservatur reliquiarum copia; subterranea S. Mauri cella, in quam, ut fertur, prisca Christiani convenire solebant; Sancti Nicasii tumulus; locus Martyrii Sancti Arnulphi; aliaque id genus monumenta variis in urbis regionibus, in miraculorum S. Remigii memoriam collocata. Clarissimum hunc Remensis Ecclesiæ Antistitem præcipuo pietatis cultu venerabatur Mabillonius; opem patrociniumque quotidianis precibus implorabat. nec perperam sane: ejus enim tumulum frequentanti primum Deo inspirante menti occurrit incundæ vitæ religiosæ consilium. & quidem Remense Archicœnobium, in quo sacra Antistitis hujus ossa religiose adservantur, adeunti ita placuit quæ ibidem ducebatur religiosæ vitæ ratio, ut tunc eandem amplecti, spretisque mundi illecebris Congregationi nostræ nomen dare constituerit: ad id potissimum consilii adductus fervore ac singulari prope Tyro-num modestia, silentio, solitudine, morum integritate, præsertim vero tenero quodam, quem in ipsis mirabatur, quove, ut ipse testat-

Consilium
init vitæ
religiosæ
implecten-
de.

status non semel est, summopere movebatur, nascentis pietatis adfectu. Ne in hoc porro tanti momenti negotio temere quicquam moliatur Mabillonius, prius probare se, atque etiam explorandæ vocationis causa, ab iis quibus jam mentem aperuerat suam, probari voluit. nec diuturnâ probatio fuit. Siquidem Remensis Archimonafterii Prior Mabillonii consilii conscius, ejusque cum enixis precibus, tum ardenti quo flagrabat ineundæ vitæ monasticæ studio, tum demum assidua nunc Ecclesiæ, nunc Cœnobii frequentatione permotus, illum brevi admissum voluit. Quis tum fuerit Mabillonii fervor, vel ex eo, quem quinquaginta post annis ostendit, abunde colligi potest. mihi enimvero Remis cum eo moranti, atque ex murorum horti monasterii, quos una circuibamus, aspectu commotum advertenti, ingenue aperuit, incredibili se voluptate captum; quod ibidem accepta a Deo beneficia mente recoleret, sibi quæ videretur, ut agebat, Remense Archimonafterium tunc primum adire, vitæ religiosæ consilium initurus.

Mabillonii
fervor.

In hoc Remensi Archicœnobio inter vitæ monasticæ Candidatos, seu Postulantes, ut vocant, adscitus die Sancti Joannis Baptistæ Decollationi sacro (quem ideo quotannis tanti beneficii memoria

v
Habitum
monastici
suscipit.

pia

pia devotione celebrabat) monasticum habitum suscepit v. Sept. proxime sequentis a P. Mummulo Gaufrido , qui tum magni Prioris munus obtinebat non sine eximiae apud cives omnes virtutis ac sanctitatis laude , ab eo potissimum die , quo celebrato ad Sancti Remigii tumulum Missae Sacrificio , filia Marchionis de Rothelin Remensis urbis Praefecti , qua diu laborabat paralyfi , mirabiliter sanata memoratur . Quaecumque in tyronibus illustria , pietatis ardor , rerum humanarum contemptus , & odium sui , quia sunt ipsi cum multis aliis communia , tacitus praetermitto . E-

voluto probationis anno professionem emisit coram P. Vincentio Marfollio , qui non ita pridem Remensis Archicœnobii Prior renunciatus fuerat ; cujusque venerandam prope memoriam , ac præclara in Congregationem nostram merita nulla apud nos delebit oblivio . Hujus viri virtutes , præsertim vero singulare regularis disciplinæ studium tanti fecit Mabillonius , ut ea scriptis suis posteritati commendare duxerit operæ pretium . Is generali Congregationis nostræ præpositura diu ac summa cum laude perfunctus , mortalem vitam immortalī commutavit in Monasterio Sancti Germani a Pratis die v. Septemb. ann. MDCLXXXI.

Professionē
emittit .

Sub

Sub tanti, tamque religiosi Viri disciplina eruditus Mabillonius tantum in virtute profecit, ut omnium in se converteret sodalium oculos; moveret Præpositorum admirationem, Percepta sic diligenter scientia pietatis, idoneus visus est, qui aliis eam traderet, quare majorum judicio post emissam professionem in Remensi Archicœnobio per annos aliquot detinetur, quo suo Tirones exemplo ad pietatem animaret, vitæque monasticæ perfectionis asssecutionem; immo quod ipsi juniori licet creditum est, eos ad omnia monasticorum exercitiorum officia effingeret, efformaret ad disciplinam. Verum cum ejus, qui in dies augebatur, mentis ardori haud responderent fluxæ tenuesque corporis vires, gravissimo capitis dolore assidue divexitus sic debilitatur sensimque frangitur, ut qui aliis recte studendi methodum traditurus erat, nullum ipse studii genus, ne divini quidem recitationem officii ferre posset. Id acerbe prorsus ferentes Majores nostri, nullum non adhibent remedii genus, quo tantæ spei juvenem saluti restituant. verum cum nec monasteriorum nec purioris cœli mutatione fieret inde melior corporis valetudo, id tandem excogitatur remedii, ut campestre aliquod monasterium adeat; ubi ab omni prorsus sive negotiorum,
sive

VI
Mabillonius in pietate progressus.

In morbo incidit.

sive studiorum sollicitudine expeditus ad unam recuperandam salutem animum intendat. Eapropter ad Monasterium B. Mariæ de Novigento sub monte de Coucy Diœcesis Laudunensis, hanc inter, & Sueffionensem urbem positum mittitur Mabillonius.

VII
In mona-
sterio Bea-
tæ Mariæ
de Novi-
gento com-
moratur.

Quam id acerbo animo remedii genus tulerit Mabillonius, facile quis intelligat, cum ex iis, quas initio abunde fudit, lachrymis; tum ex nobili, a quo discedebat, Remensi Archicœnobio; in cujus augustissima Basilica nihil ad officiorum splendorem juxta ac majestatem desiderari videbatur: tum ex sodalium, qua privari cogeatur, gratissima sibi consuetudine, ut desertum iisque pene omnibus vitæ solitariæ oblectamentis destitutum adiret Cœnobium; cujus Ecclesia solo pene æquata, inculta juxta ac incommoda ædificia ruinis minisque pendentibus horrida, grassantium hæreticorum furorem, luctuosumque factum Cardinalis Odeti Castillionei horrendum in modum præferebant. Eo advenienti Mabillonio sex aut septem occurrunt multa jam ætate proveci Monachi, ac proinde juvenili genio parum accommodati. Ea mutatione non parum mœstus, pristinaeque memor felicitatis, ingratham sui vicem per aliquod tempus amare deflevit. paulatim tamen huic

huic campestri vitæ assuefacto non parum arridere cœpit remota ab omni hominum frequentia Monasterii solitudo; eamque præter expectationem suavissimam reddidere Sodalium ibi degentium sincera in eum commiseratio, intimusque, quem ipsi certatim testabantur, amicitiae sensus. Ibi porro favente interiusque consolante, qui pater est misericordiarum & Deus totius consolationis, sic vilissima quæque Monasterii munia lætus obiit, ut multis post annis, quæ ibidem expertus fuerat cœlestis gratiæ dona, non sine quodam suavitatis sensu in mentem revocaret, amaretque interdum animi gratia ab amicis vocari, *Joannes de Nogent*. In hoc Cœnobio quatuor una die minoribus ordinibus simul & Subdiaconatu, subinde vero anno proxime sequente Diaconatu in urbe Sueffionensi initiatur Mabillonius a claræ mem. Carolo de Bourlon ejusdem urbis Episcopo. Interim Mabillonium acerbè adeo discruciant dolores capitis, totiusque corporis incommoda, ut ad scientias licet omnes natus, vix alicujus studio animum intendere valeat. elucebat tamen in eo ingenium ad præclara quæque comparatum; ac in primis innato quodam studio in rem antiquariam adeo incitatum, nullum ut intra ac extra Monasterium non moveret

Minores
Ordines
cum sacris
suscipit.

ret lapidem ; nulla non monasterii , vicinorumque locorum rudera , aliave , si qua detegendi spes affulgeret , antiqua monumenta sollicitus indagaret . hujus res studio totius fere Ecclesiæ pavimentum effodisse narratur , spe potissimum ductus reperiundi tumuli clarissimi Abbat̃is Guiberti , quem ibidem sepultum audierat .

VIII
Corbejam
veterem
mittitur .

Ubi porro Mabillonium sacræ illustrandæ antiquitati natum , maximeque propensum advertunt Præpositi nostri ; Cœnobium , quo suo facile indulgere genio queat , cogitant , rati nec immerito fore ut id , quo tantopere oblectari videbatur , studii genus , recuperandæ valetudini plurimum sane conducere . Eo consilio Corbejam veterem insigne agri Ambianensis Cœnobium ann. MDCLVIII mittitur . Ibi ferendæ regulari observantiæ viribus longe impari Mabillonio , janitoris , totiusque Monasterii rerum dispensatoris officium traditur ; ut vel utriusque muneris sollicitudine , motibusque pene continuis sanaretur , vel saltem remitteretur , quo laborabat , dolor capitis . Nec mirere lector , si ad summa natus Mabillonius , vilibus adeo Cœnobii curis deputatus sit : ipse enim vilioribus mirifice tenebatur ; eorumque frequentem copiam sibi quotidie postulabat . siquidem exorsus ab humilitate & despi-

cien-

cientia sui, hoc indagabat unum, quo maxime se abjiceret, aliisque contemnendum præberet. Ea porro erat de reficienda ejus salute majorum cura anxique sollicitudo, ut ne ad excipiendas quidem Philosophiæ aut Theologiæ lectiones vellent ab eo scholas frequentari; ne forte morbus ingravesceret, studiorum contentione. cæterum commissa sibi prædicta Monasterii munia eo libentius amplectebatur, quod pauperes, ad quos propenso animo ferebatur, reficiendi, ac familiariter alloquendi occasionem suppeditarent. Et vero is erat ejus in pauperes amor ac commiseratio, ut quamvis Magnatibus, apud quos plurimum valebat, quemquam commendare ut plurimum refugeret: iis tamen juvandis suam apud eos auctoritatem ultro impendere non dubitaret, Christi memor dicentis: *Quæ uni ex minimis meis fecistis, mihi fecistis.*

Anno MDCLX. die XXVII. Martii in pervigilio Paschatis a Francisco Faure Ambianensis Urbis Antistite ad sublimem Sacerdotii gradum promotus. Non inde tamen animo elatior, sed obeundis potius humilitatis caritatisque officiis longe ferventior visus est, ac religiosæ studiosior pietatis. Etenim vel lectandis libris tam sublimi ministerio congruis, vel exercendis religionis operibus se totum

IX
Ad Sacerdotiū promovetur.

tum dabat : unde plenior Deo ; inde humilior ; inde ad obedientiam , cæterasque vitæ monasticæ virtutes paratior ; inde demum caritas ejus vivacior novos fumpfit ignes ad amandum supremum Numen , cujus Sacerdos initiatus fuerat . Neque vero retardabat illa rerum externarum sollicitudo studiorum cursum , aut Theologicarum , quibus interdum intererat , concertationum frequentiam . In his porro sic eminebat Mabillonii ingenium , ut quæcunque inter disputandum proferret , non tam a discipulo , cujus nomen amabat , quam a Magistro prolata viderentur . In primis autem libenti animo frequens perlustrabat Corbejenſis Cœnobii Bibliothecam , antiquis , quæ ibi adhuc adſervantur , quibusque olim claruit , monumentis , manuque exaratis codicibus inſignem . Iis evolvendis etſi ob afflictaſ vires haud diuturnam operam dabat : inde tamen vel minimam eruditionis partem cum colligeret , mirum in modum lætabatur . In ſingulis , quæ perlustrabat , ſive noſtræ ſive aliarum Congregationum monaſteriis , prima ei cura præcipuumque ſtudium erat , de illorum hiſtoria , viris illuſtribus , ſanctis locorum : a ſimul & Eccleſiarum patronis ac tutelaribus , eorundemque reliquiis erudiri . & certe præclaris Corbejenſium Monachorum geſtis
mi-

mirum in modum permotus, singula illorum acta, ac ea maxime, quæ illos posteris tantopere commendaverant, ediscere voluit: præ cæteris vero impensius historiæ studuit Adalhardi, qui ipse rerum mortalium blandimentis; ac ipsam quoque Carlomanni, cujus germanus erat, aulam regiam pertæsus, in Corbejensi Cœnobio libertatem abdicavit.

Hujus quam Sanctus Gerardus Corbejensis undecimo sæculo Monachus adornaverat, vitæ lectione, in spem recuperandæ salutis adducitur Mabillonius. ubi enim eam percurrenti compertum est Gerardum modo laudatum ob negotiorum peritiam, rerum temporalium curis ab Abbate deputatum, iisdem (quæ tum pessimo loco erant) redintegrandis nimio studio ac labore fractum, perperamque adhibitis remediis, una Sancti Adalhardi intercessione pristinæ salutis mirabiliter restitutum fuisse; statim ejusdem opem implorandam sibi proposuit, ejusque patrocinio omnia se consecuturum speravit. nec vana sane fuit spes. licet enim neque illico neque miraculo, (non enim id sibi pollicebatur) sanitatem sit affecutus: exinde tamen paullatim levare ac remitti, quibus dudum conflictabatur, dolores capitis; studiis denique paulo expeditior fieri. Tanti, dum vixit,

x
Saluti re-
stituitur.

B be-

Hymnos
in honorē
S. Adalhar-
di con dit .

beneficii haud immemor Mabillonius ; Adalhardum præcipua pietate coluit ; utque se accepti beneficii memorem præberet , Gerardi (qui præter vitam , antiphonas & responsoria in ejus honorem concinnaverat) exemplo ductus , hymnos ipse quoque condidit , qui etiam nunc in Adalhardi festo , in Ecclesia Corbejensi decantari solent . Quantum præclaris hifice in Adalhardum laudibus hymnisque gloriatur vetus Corbeja , vel ex duorum auctorum , quibus præstantiorem habuit neminem , vitæ doctrinæque meritis facile quisque conjiciat . Hymnis modo laudatis alios subinde in laudem Augustissimæ Sanctissimæque Reginæ Bathildis (cujus munificentia ac pietate conditum legitur Corbejense Cœnobium) suadentibus Præpositis superaddidit , una cum multis huic Monasterio propriis officiis ; quæ vel de novo edidit , vel instauravit . Hæc omnia in unum collecta typis edita sunt , interque primos Mabillonii paratus , quos postmodum excepere longe uberiores jure ac merito recenseri possunt .

XI
Rerū tem-
poralium
curis præ-
ficitur.

Obtinebat tum temporis Mabillonius depositarii , seu dispensatoris officium in Corbejensi Cœnobio ; cum de Præpositi judicio ob affectam valetudinem , qua studiis impar omnino putabatur , ac probatam vitæ integritatem , Cellerarii munus , rerum scilicet totius monasterii tem-
po-

poralium sollicitudo ei committitur. Quod sane munus ob ingentes vastissimæque Cœnobii ditiones longe licet honorificum, quanto cæteris acceptius, tanto illi molestius accidit. Terrebat namque in eo munere ingens ac multiplex negotiorum moles; frequentiorque cum sæcularibus, iisque clarissimis, a quibus plurimi æstimari jam cœperat, regionis hujus hominibus consuetudo; de quorum mūdano pulvere non sordescere religiosa corda difficillimum. vitam præterea solitariam, etiam non sine valetudinis discrimine, severioris disciplinæ observantiam frequenti gratissimoque hominum consortio longe anteponebat: malebatque (si quæ salutis recuperandæ necessaria forent) quæ sibi ante commissæ fuerant janitoris ac dispensatoris officia: per ea quippe pauperum, quos impense diligebat, frequentiam, consuetudinemque sibi curabat. Muneris hujus impatiens nullum non movet lapidem, quo ab eo absolvatur: qua in re semel tantum in vita Præpositorum suorum voluntati repugnasse, atque apud illos expostulasse observatum est. Insolens sane atque Præpositis non parum accepta religiosa hujusmodi expostulatio. *Felix, inquit Doctor Mellissus, felix domus, in qua Martha de Maria conqueritur. nec ad tumultuosam rerum temporalium curam adspiratur:*

*Bern. Ser. 3.
de Assumpt.
B. Maria.*

*sed tranquilla Mariæ contemplatio, tur-
Maribæque sollicitudinibus longe anteponitur.*

XII.
Ad San-
dionysianū
Cœnobium
mittitur.

A rerum tandem temporalium curis
vel intra sex menses non sine ingenti a-
nimi gaudio absolutus; reliquam vitam
dilectæ solitudini consecrat; fati sui fu-
turique apud litteratos omnes nominis
plane nescius. haud ita post in regalem
Sancti Dionysii Abbatiam prope Parisios
missus, ne extra monasterium pernocta-
re cogatur; septem supra decem hora-
rum iter una die pedibus conficit sarcina
onustus. quam laudabilem subinde con-
suetudinem, ex quo primum Parisiis versa-
ri cœpit, constanter tenuisse varia docent,
quæ suscepit; itinera in Belgium, Cam-
paniam, Burgundiam, nec non quam-
plurima, quæ aut negotiorum aut stu-
diorum causa perlustravit, Congregationis
nostræ Monasteria. Subinde autem Cœ-
nobium peragrans, quo commodius iter
ageret, vectura, aut equo; si quis in-
terdum quo pergebat reducendus erat, u-
tebatur; summopere curans, ut, quam
adhibebat, vectura simplicitatem præfer-
ret, ac professionis monasticæ paupertate-
tem.

XIII
Mabillonii
curæ.

In Sandionysianum Cœnobium adve-
nienti Mabillonio circa mensem Julium
ann. MDCLXIII ibi per annum Cime-
liarchæ munus committitur: quo in mu-
nere obeundo non parum otii impendi-
tur

tur ac laboris, ob ingentem videlicet omnis hominum generis frequentiam, qui veneranda Regum nostrorum monumenta visundi studio adducti, eo assidue confluunt. Ad id muneris sacras licet Præpositorum rogatu conciones superadderet ac Catecheses, quæ per totum anni curriculum in Ecclesia Sandionysiana ad populum haberi solent: haud tamen a solitis Theologiæ concertationibus aberat: immo sæpenumero scholas frequentabat. id vero permirum omnibus videbatur, cum, etsi non alia quam Remensis Academiæ suscepisset Theologica documenta, atque ob infirmam valetudinem ferriis jam dudum studiis nuncium remisisset, Sanctorum tamen Ecclesiæ Patrum, lectissimorumque auctorum perfecte adeo nosse opera, sensus intelligere, sententias aperire, deque rebus Theologiæ difficilioribus alte adeo juxta ac erudite differere. Sic porro varia illa munia, quin etiam divina, atque in hoc Cœnobio maxime proluxa officia implebat Mabillonius, ut strenuam aliis studiis operam navaret. Siquidem tunc D. Bernardi opera cum manuscriptis codicibus conferre, atque ad eorumdem fidem expurgare cœpit: eoque labore de sodali, qui novam ejusdem Bernardi operum adornabat editionem, bene se mereri putabat, cum non ita post, eo vita functo, pro-



prii laboris fructum ipse degustavit, ut
mox videbitur.

XIV
Parisiis
venit, fo-
ciusque da-
tur D. Lu-
cæ De A-
chery.

Tantis, quæ in dies magis ac magis
elucebant, animi dotibus exornatus, spe-
que non vulgaris progressus commenda-
tus, studiis, ad quæ ferebatur, de Præ-
positorum iudicio devovetur. Præerat
tunc temporis Sangermanensi Bibliothecæ,
pluribus iisque egregiis operibus cele-
bris D. Lucas De Achery: jamque non-
nulla probati omnibus Spicilegii volumi-
na vulgaverat, cum ob affectas vires ac
profectam ætatem, optimæ spei juve-
nem, qui laboranti opem ferat, ac ip-
so quoque deficiente, cœpta jam ope-
ra persequi valeat, postulanti, mox si-
ne mora communi Præpositorum suffra-
gio traditur Mabillonius: qui statim e
Sandionysiano Cœnobio ad Sangerma-
nense vocatus circa mensem Julium ann.
MDCLXIV reliquo edendo Spicilegio
non parum subsidii contulit. inchoatam
tamen in Bernardi libros operam non in-
termisit: immo in scrutandis ac excu-
tiendis manu exaratis codicibus, eam di-
ligentiam ac sollicitudinem adhibuit, ut
defuncto D. Claudio Chantelou (qui se-
lectiores Bernardi Sermones uno volumi-
ne comprehensos publici juris fecerat;
novamque parabat reliquorum operum
editionem) iisdem continuandis præfici
meruerit. Hæc ubi absolvit, non prius

Novam
Bernardi
editionem
adornat.

in

in lucem emissâ voluit, quam edito prospectu ann. MDCLXVI. de ratione, operisque consilio monitos fecerit litteratos omnes: ut si quid in Bibliothecarum forulis ineditum occurreret, significarent: si quid in privatis commentariis haberent singulare, liberaliter conferrent in publicum: si quid denique ab eo in hoc opere parum consulte institutum, humaniter renunciarent. Ita siquidem comparatus erat Mabillonius, ut Sapientum judicio nec ægre, nec sine grâti animi significatione deferret. His peractis, duas simul Bernardi operum editiones publicam in lucem emisit: unam scilicet duobus in folio tomis comprehensam: alteram vero novem in octavo voluminibus. Utramque ubi incredibili plausu, nec minori animi voluptate percurrit eruditissimus Joannes Bona, tunc temporis reformatorum Italiæ Fulienſium Generalis Abbas, adeo probavit, ut auctorem eximiis laudibus prosecutus, litterisque plane humanissimis ad continuanda hujusmodi studia toti Ecclesiæ profutura vehementer hortatus, Alexandrum VII Pontificem maximum de operis præstantia atque utilitate monitum illico voluerit. Ex eo tempore Romæ celebrari, indeque per totum litterarium orbem disseminari cæpit Mabillonii nomen: & re quidem ve-

ra in adornanda Bernardi editione, præclarum adeo cum accurati ingenii, exquisitique criterii, tum eximiae doctrinae ac sagacitatis specimen dedit, ut viros inter ævi sui doctissimos brevi recensitum iri dubitaverit nemo: Distributis pene omnibus prioris Bernardi editionis exemplaribus, amicorum rogatu, alteram edendam suscepit: editamque ann. MDCLXXX ac multis iisque novis illustratam animadversionibus, quin etiam nonnullis quibus emendatior, locupletiorque fieret, ineditis operibus auctam, Sanctæ memoriæ Alexandro VIII Pontifici maximo nuncupavit. Tertiam insuper Bernardi editionem prioribus longe castigatiorem cogitabat Mabillonius, cum cælo maturus nobis ereptus est: cæterum ex hujus operis fama, atque omnium prope litteratorum, exterorumque plausu non parum permoti Superiores nostræ Congregationis, alias Sanctorum utriusque Ecclesiæ Patrum pro viribus promoveri constituunt: & quidem eo successu, quem non modo eruditi quique, sed & Ecclesiæ Præsules non semel gratulati sunt: quemque ipse litterarum ac litteratorum fautor beneficentissimus Clemens XI Pontifex maximus, decessorum suorum exemplo, laudibus litterisque apostolicis, nedum patrocinio prosequi non est dedignatus.

A pri-

A primis institutæ nostræ Congrega-
tionis temporibus integram omnibusque
numeris absolutam totius Benedictinæ
Reipublicæ historiam meditabantur Ma-
jores nostri : operosum sane nec exigui
ad Ordinem immo & Ecclesiam momen-
ti consilium : unde quoniam non unius
anni res erat ; tantæque molis opus ac-
curatam postulabat rerum monasticarum
notitiam : idcirco per diversas Congre-
gationis nostræ provincias deputati iden-
tidem monachi , qui diligentissime Bi-
bliothecas excuterent ; vetusta monaste-
riorum atque ecclesiarum legendaria se-
dulo evolverent , exscriberentque : sum-
mo denique cum delectu vetera monu-
menta colligerent . Fasciculis magna ex
parte congestis ; promptisque fere omni-
bus concinnandæ huic historiæ opportu-
nis documentis , tantæ molis operi , sua-
dente in primis Præfecto nostro Gene-
rali D. Bernardo Audeberto , manum ad-
movit Mabillonius : Ab actis porro SS.
Ordinis inchoandum suâsit cum amor
sacræ antiquitatis simul & veritatis ;
tum maxime ut Benedictini Ordinis alu-
mni Majorum suorum exempla in prom-
ptu habeant , & novella Congregatio-
nis nostræ Soboles ad eorum normam
studeat mores componere suos : tum et-
iam ut autographa huic Collectioni in-
serta , elaborandæ , quam Præpositi me-
dita-

XV
Acta San-
ctorum Or-
dinis edit.



ditabantur; generali historiæ inserviant. De ratione operisq̃ue consilio per encyclicam epistolam suo simul & Patris Acherii nomine inscriptam, præmonitis litteratis omnibus, mox huic operi diligentem adeo curam adjecit, ut sequenti ann. 1668 primum volumen publici juris fecerit: Sub hoc titulo: *Acta SS. Ordinis Sancti Benedicti in sæculorum classes distributa*.

xvi
In aliorum
opera suis
labores cō-
fert.

Nec officiebat opus illud quamvis immensum, quo minus cæteris Sodalium operibus manum præberet adjutricem; Acherii præsertim Spicilegio, cujus ab suo in Sangermanense Cœnobium adventu septem jam volumina typis subjecta fuerant, ac Sancti quoque Petri Cellensis operibus ann. 1671, evulgatis, quorum editionis ceu autor jure haberi potest: quippe præfationes, nec non epistolam nuncupatoriam elaboravit; totiusque edendi operis curam habuit. uno verbo perinde sodalium curabat opera, ac si ipse nulli proprio operi fuisset intentus; sic suis animum intendebat, ceu nullam alienis manum admovisset. Multa præterea, prout se dabat occasio, minoris licet momenti illum elucubrasse abunde docet oratio cunctis tantopere probata, nec semel ann. 1666 edita, quam in defunctæ Augustissimæ Galliarum Reginae Annæ Austriacæ laudem adornavit. Sic

tem-

tempora, sic momenta omnia moderabatur, nihil ut vacuum in vitæ decursu remaneret, vitæque vix indulgeret necessitatibus. Surgebat de more hora post mediam noctem secunda; & ad prandium usque studium protrahebat, nullo nisi Missæ ac solitæ orationis interjecto spatio. Reliquum diei otium studio quoque impendebat, nullaque adhibita animi relaxatione, ad multam usque noctem producebat. Id autem non vulgari laude dignum in Mabillonio videbatur, quod totum licet in se susciperet studii ac laboris onus, in partem tamen adeptæ ex utroque gloriæ socios secum vocare non gravaretur.

Hujus, qua postmodum tantopere commendatus est, modestiæ eximia cum eruditione conjunctæ specimen videre est in prioris Actorum Ordinis tomi præfatione: quam sic modeste inchoatam voluit: *Acta*, inquit, *SS. Ordinis S. Benedicti unum in corpus redigenda, tandem Deo duce adgredior: non quidem autor, sed adjutor operis: non primarius Architectus, sed minister succedaneus*. Quid plura? in singulis Actorum eorundem tomis, Acherii nomen suo præponi voluit. Et quidem ea erat in Acherium Mabillonii observantia, is affectus, ea existimatio, nihil ut eo inconsulto adgredi auderet; nulla non ipsi præstaret humanitatis atque

Mabillonii
modestia.

Mabillonii
in Ache-
rium ob-
servantia.

que urbanitatis officia, eo usque ut eum non semel in die officiose inviseret; ægrotanti opem ferret assiduam; statis atque ipsi opportunis horis sacrum coram eo faceret; describeret epistolas; mira ingenuitate jussis obtemperaret; nihil denique reliquum faceret, quo se tam venerabili viro, magistro simul & amico ad mortem usque, gratum ac memorem exhiberet.

XVII
Acta San-
ctorum pro-
sequitur.

Primo Actorum Ordinis tomò, non mediocri eruditorum omnium gratulatione excepto, continuandis reliquis animimum appulit Mabillonius: ex quibus jam novem prodire tomi, qui SS. Monachorum gesta ab Ordinis exordio, nempe a sæculo sexto ad undecimum comprehendunt; quosque ad operis complementum decimus brevi excipiet. In hac porro Actorum collectione, quamplurima, eaque scitu dignissima reperiuntur opera, ex quibus nonnulla hætenus inedita, alia vero ad antiquorum exemplarium aut MSS. fidem diligentissime expurgata sunt. Cæterum quamvis, ut jam ab initio aperui, de Mabillonii elucubrationibus sigillatim differere non sit animus: viros tamen eruditos hic monendos duxerim, multa in Actis SS. Ordinis contineri, quæ haud satis pro merito æstimari possunt, ecclesiasticæ juxta ac profanæ historiæ monumenta. Talia in

in primis sunt Acta & Vita autographa Sancti VVilfridi Eboracensis Archiepiscopi octavo sæculo adornata : ubi Dagoberti Austrasiorum Regis luculenter enucleatur historia , horrendus interitus , quive fuerint nefandi adeo sceleris conficii optimates . Ritus præterea exponuntur peculiare in ordinandis apud Gallos Episcopis observari soliti : Acta insuper Conciliorum eruditis hætenus incognita : plura denique perutilia atque observatu dignissima . Nec certe ad illustrandam Secundæ Regum nostrorum Stirpis historiam minoris momenti duxerim Vitam VValæ Carlomanni Imperatoris germani ; qui rejectis aulæ illecebris pompisque regalibus , fratri Adhalardo Corbejensis Cœnobii Abbati suffici promeruit , qui enim vitam hanc concinnavit , Paschasius Radbertus multa , quæ litteratos hætenus latuerant , de Ludovici Pii depositione in lucem præfert : atque ut testis oculatus quæcumque in excipiendo Gregorio IV Summo Pontifice gesta sunt , accurate commemorat .

Monumentum porro istud ob eminentia nomina , quæ in ejus vita describenda , auctor prudenter tum usurpare coactus est (non enim tam execrandi facinoris confcios magnates palam nominare est ausus) obscurum adhuc ac prorsus implicatum luculenter adeo aperuit dilu-

dilucidavitque Mabillonius, vix ut huic illustrandæ historiæ quidquam reperiri nunc queat: aut præclarius, aut opportunius. nihilo minoris æstimanda videtur hæc Actorum Ordinis nostri Collectio ob eruditissimas, notisque passim & observationibus illustratas, quæ in cujusque voluminis fronte leguntur, præfationes. ibi namque præcipua cujusque sæculi historiæ momenta scite juxta ac concinne inserta, atque accurate collecta: ibi cum religionis tum ecclesiasticæ ac monasticæ disciplinæ passim elucidatæ difficultates legentibus non sine magna Scriptoris admiratione, ac laude occurrunt.

Præfatio
primi sæ-
culi Bene-
dictini.

Et quidem in prima prioris sæculi Benedictini præfatione, exposito proposito sui ordine, nonnulla expendit, quæ, cum diligentior tractationem exigent, in quosdam articulos apposite distribuit. in quorum primo strictim agit de monasticæ vitæ origine ac progressu in Regionibus occidentalibus, in Italia videlicet, Gallia, Gothia, Hibernia, Illirico, & Hispania: quæ solæ ex Europa nationes Monachismum ante S. Benedictum suscepisse videntur: dein de regulis illic observatis, deque variis in Italia, Africa, Galliisque constitutis Monachis: ex quibus celeberrimi sane fuere, apud Insulam Barbaram Lugdunenses, apud Lerinum Lerinenses, apud Massiliam Mas-
filien-

silienſes , duce ac inſtitutore Joanne Caſſiano , qui ſæculo quinto in civitate Maſſilienſi inclytum Aſceterium ædificavit : ac quinque millia monachorum rexiffe memoratur : Condateſcenſes in locis Jurenſibus , Autiſiodorenſes a Beato Germano inſtituti , Divionenſes Sancti Benigni , Ternodorenſes apud Burgundiones , Menatenſes apud Arvernos , Micia- cenſes Aureliæ , Grinniacenſes Viennæ apud Delphinās , Agaunenſes Octoduri . 2. inquit de tempore obitus Sancti Benedicti , de quo non una ſemper fuit omnium ſententia ; de regulæ ſuæ promulgatione & propagatione ſæculo ſexto feliciter facta ; ubi mentem ſuam de vulgata ipſius ad Sanctum Remigium Remorum Episcopum Epiſtola aperit . 3. de Sancta Scholaſtica diſſerit , quam Virginum Benedictinarum ducem , magiſtram , & antefignanam libere pronunciat , deque Benedictinæ Regulæ uſu etiam ad Virgines Deo Sacras tranſmiſſo , atque in Gallias a Sanctimonialibus per Donatum Veſontionenſem Episcopum circa annum DCXX recepto . 4. de Sancti Placidi miſſione in Siciliam , ac de ejuſdem Martyrii tempore diſſerit . 5. exponit Sancti Mauri legationem in Galliam a recentiori quodam autore ut temere , ita infeliciter impugnatam . 6. regulæ progreſſum in Hiſpania . 7. Gregorii

gorii Magni studium in Sancti Benedicti institutum : ubi Benedictinam ipsius professionem contra Cardinalem Cæsarem Baronium adserit . 8. de Augustino Monacho , aliisque Gregorii discipulis in Britanniam missis disputat , quibus omnibus observationes quasdam de rebus cum Ecclesiasticis , tum Monasticis notatu dignis subjicit ; in aliud sæculum remittens fusiore Germaniæ Benedictinæ tractationem .

Præfatio
Secundi
sæculi Be-
nedictini.

In Secunda posterioris aureique plane sæculi Benedictini præfatione , ut præstituto a se ordini ac dispositioni insistat , quædam argumenta sibi tractanda assumit , quæ subsequenter Sanctorum Ordinis Actis non parum lucis asferre videntur . quorum primum est de Sancti Columbani Regula & Institutis : an a Sancti Benedicti Regula diversa sint , an cum illa aliquando consenserint . 2. de Monastici status antiquitate in Belgio , ejusdemque per Amandum propagatione . 3. de Sanctimonialium & Canonicarum Virginum origine itidem in Belgio . 4. observationes varias ecclesiasticas & monasticas complectitur . 5. denique observationes historicas & chronologicas : quæ omnia antequam latius explicet , nonnulla prius diluit , quæ adversus consilii ac propositi sui rationem sæculo primo stabilitam opponuntur .

In

In hac præfatione duas in partes distributa, quemadmodum sæculum æræ Benedictinæ tertium, Christianæ octavum, alternantium rerum varietate, factisque memorandis insigne fuerit, potissimum ostendit. Europa siquidem, cujus fere limitibus historia nostra continetur, pene tota motibus quassata solitis, novos dominos, novamque formam subiit. Fuit in primis Hispaniæ luctuosum fatum, quæ VVitizæ & Ruderici pravorum regum contaminata flagitiis, proditore Juliano duce, in Maurorum potestatem venit; tumque Visigothorum imperium, quod trecentis & amplius annis steterat, ab immani ac feroci gente extinctum est. Sardinia insula idem fere infortunium experta; uti & Sicilia misere a Saracenis devastata. Paullo felicior extitit Italia, non tamen a magnis conversionibus immunis: nimirum Imperii portio, quæ per Exarchas Ravennates administrata diu fuerat, Imperatoribus Græcis erepta, Romanis Pontificibus cessit: & Longobardorum regnum annis ducentis validum, Francorum demum armis succubuit. Nec etiam Gallia ipsa mutationum experta: quidquid enim a Pyrenæis jugis ad Rhodanum usque maritimi soli est, id a Mauris occupatum; sævitumque perpæpe ab illis igne & ferro in finitimas re-

Præfatio
tertil sæ-
culi Bene-
dictini.

C gio-

giones : quin abjecto Childerico Mervingici generis postremo Francorum rege, ad Majores-domus devolutum est regium nomen, quod eis solum deerat; nam regia potestate jamdudum gerebant omnia. Pippinus alterius familiæ caput rebus fortiter gestis & populi studio Solum conscendit : illudque postea Carolus ejus filius re & cognomine Magnus Imperatoria dignitate extulit, Germaniæ provinciis plerisque subactis.

In tanto rerum turbine quam afflicta publica res fuerit docent nos, inquit Mabillonius, qualiacumque monumenta, maxime historica, quæ veluti quibusdam pannosæ imperitiæ centonibus a se divulsis constant. ex hoc autorum fordidorum numero excipiendos monet Mabillonius viros pro illa ætate summos, Bedam Venerabilem, Paullum VVarnefridum, Ambrosium Autepertum, Albinum seu Alcuinum Flaccum, aliosque non paucos. Carolo imperante debitus Musis honos restitui cœpit, rediitque avita celebritas, paullo post Nortmannorum tempestate rursus infeliciter violata.

Postquam Mabillonius Christianæ, ac Monasticæ Reipublicæ faciem sic exposuit indicavitque, cura in primis Summorum Pontificum Gregorii junioris, Gregorii item tertii, & Zachariæ restauratum per Petronacem fuisse Casinense Cœ-

Cœnobium Longobardorum furore dudum solo æquatum, fusius subinde explicat; tum schisma Scotorum occasione Paschatis & Tonsuræ exortum, ac per Benedictinos sublatum; tum Germanorum ad fidem accessionem; tum Ecclesias cathedrales, & litterarum Academiās in Germania institutas, cultumque Germanici soli per nostros. Iis succedunt observationes nonnullæ ecclesiasticæ, monasticæ simul & historicæ, de decreto videlicet celebrandæ Missæ quotidianæ in Ticinensi Synodo edito: de Pane Sacrificii, qui non erat panis cibarius & usitatus, sed formulæ quædam instar oblatarum, quibus modo in Sacris utimur, ex quibus aliæ ad Sacrum, aliæ ad communem usum adhibebantur: de Eulogiis, deque pecuniarum pro Missis eleemosyna, quo tempore & qua ratione introducta: de Pane azymo, ac prædiorum donatione pro materia Sacrificii: de Communione laicorum sub utraque specie, atque Eucharistia manu accepta: de Altaribus mobilibus, editis, & cavis: de Sacerdotum, Monachorum, & Sanctimonialium confessionibus, deque illa potissimum, quæ Confirmationi, peregrinationi, vitæ monasticæ ineundæ, militumque initiationi, ac pugnis præmitti olim solebat: de pœnitentia publica, ac

Societatibus pro Suffragiis : de Reliquiis super altare exponi solitis : de Romano Ritu , deque organis in Ecclesiam Gallicanam primum investis : de Abbatibus diaconis , ac sæcularibus , de interdicto denique fœminis ingressu in Monachorum Ecclesias.

Pars altera Præfationis seculi Benedictini.

In altera præfationis parte , subjectis quibusdam quoque observationibus de Childerici regni tempore , deque Dagoberti filiis , de Chilperico , nec non Theodorici regni initio , ac Dagoberti Secundi restitutione , aliisque rebus historicis , monachos illos vindicat , Ordiniq; Benedictino adserit , qui sexto septimoque sæculo florere , contra eruditissimum Carolum Cointium Oratorii Presbyterum , Francorumque Annalium parentem , qui eos pene omnes ipsi detractos volebat .

Præfatio in sæculum quartum Benedictinum.

Præfationem hanc in sæculum Ordinis nostri quartum , Ecclesiæ vero nonum non parum commendant quam plurima eaque egregia ecclesiasticæ historiæ capita : in ea namque post descriptum haud ineleganter Europæ simul & Ecclesiæ statum ; Galliarum sub Carolo cognomento Magno , sed animi rerumque gestarum præstantia sane maximo , amplitudinem & majestatem ; erecta ab eo regali plane munificentia , & autoritate Tempia , Episcopatus , & Monasteria ; restauratam denique opera Benedicti A-

nia-

nianæ Abbatis collapsam regularis disciplinæ observantiam : mox de gravibus , quæ ea tempestate Ecclesiam perturbaverunt , controversiis mirum in modum edifferit ; & primo quidem de hæresi Feliciana , seu adoptivorum , quæ Felicem Urgelitanæ sedis Episcopum auctorem habuit , quæve Narbonæ primum , tum Francofurti ad Mœnum biennio post , subinde in Synodo Urgelitana , cui Benedictus Anianensis Abbas a Carlomanno legatus interfuit , ac demum in Synodo Aquisgranensi , ubi ab Alcuino confutata est , damnata legitur . 2. agit de Symboli additamento , nempe *Filioque* , a Gallis primum factò ; cujus occasione exorta quæstio est de processione Spiritus Sancti ; ac ventilata , modo in Synodo Gentiliacensi , modo in Collatione Romæ sub Leone Pontifice habita , cui Adalhardus veteris Corbejæ Archimandrita jussu Carlomanni interfuit . 3. de Sacrarum imaginum cultu , de quo gravis ac diuturna orientales inter & occidentales Ecclesias contentio intercessit : cujus rei argumentum , ut fuse , ita erudite ac luculenter prorsus illustrat Mabillonius.

Hanc de imaginum cultu concertationem excipit altera de prima regularis disciplinæ in Ordine nostro remissione , deque ejusdem restauratione per Benedictum Anianensem : quam restauratio-

nem, haud primariam esse (ut quibusdam visum est) regulæ Benedictinæ propagationem in omnia Galliarum Cœnobîa , invicte demonstrat : contenditque regulam Sancti Benedicti ante sæculum octavum ubique Galliarum fuisse receptam : quod ut facilius exequatur ; & quibuslibet adversariorum objectionibus effugiisque aditum præcludat ; multis , iisque validis argumentis probat neque Benedictum Anianensem , aut Ludovicum Augustum , neque Carolum Magnum , aut Pippinum Regem , Carolmannumque ejus fratrem generalis Benedictinæ regulæ propagationis auctores , sed ejusdem potius observantiæ restauratores fuisse . Id argumenti aliud haud contemnendum sequitur de Benedictinis Scholis sæculo nono celebrioribus : ex quibus aliæ Parisienses , quarum initia majoribus nostris nonnulli accepta referunt : aliæ Palatinæ in palatio Caroli Magni , quæ a clarissimo Alcuino nostro aut institutæ aut excultæ memorantur ; in quibus pueri nobiles ac monasteriales litteras docebantur . Inter Palatarum scholarum rectores , non sine laude nominatur Alcuinus proxime laudatus , moderatorum omnium doctrina perinde ac pietate facile princeps : quem subinde exceperunt viri clarissimi Scottus , Amalarius Diaconus , Thomas , ad quem
hoc

hoc nomine VValafridus Strabus carment
edidit, Remigius Cœnobii Sancti Ger-
mani apud Antifiodorum monachus, Jo-
annes denique Scottus, qui in Palatio
quoque Caroli Calvi scholas instituit, di-
scipulūque inter alios habuit Uribal-
dum postea Episcopum Antifiodorensē.
Præcipua subinde Cœnobia studiis litte-
rarum sæculo nono insigniora cum Tri-
themio nostro enumerat, Fuldense, San-
tigallense, Augiense, Hersfeldense, Hir-
saugense, Sancti Albani, Moguntinen-
se, Corbejense, Prumiense, Mediola-
nense, Sandionysianum, Parisiense, S.
Maximini Trevirensē, Stabulense, &
VVeisenbergenſe, Remense, Antifiodo-
renſe, Turonense; quibus adjunguntur
Anianense, Floriacense, Sangermanen-
se, Ferrariense, Gorziense, Insulæ bar-
baræ, Sancti Michaelis Virodunense,
Fontanellense, Sithiense; apud Italos
denique Cassinense, Ticinense, & alia
bene multa, quibus viri omnigena eru-
ditione perinde ac pietate conspicui di-
versis temporibus florere, variasque do-
cuere scientias.

Alteram præfationis hujus partem haud
minoris pretii momentique faciunt, illu-
stratæ in ea Eucharisticæ sæculi noni con-
troversia ex libro Paschasii Radberti de
Eucharistia exortæ, Gotescalci fortuna,
& turbæ ab eo excitatæ, modus præter-

Pars altera
præfationis ter-
tii sæculi
Benedicti-
ni.

ea, quo Christus Dominus e Virgine pro-
cessit, librique ea de re ultro citroque
conscripti. Funestum denique Græcorum
dissidium, eorumque, auctore Photio,
in Latinos objecta, quæ nulli non com-
perta atque explorata arbitror. His suc-
cedit tractatio de conversione Septentrio-
nalia populorum ad fidem facta per
nostros, maxime per Anscharium ejus-
que Socios: veterum subinde Martyro-
logiorum Scriptores Benedictinos memo-
rat, qui Monachorum ac Virginum San-
ctitate illustrium nomina fastosque poste-
ris commendarunt. quos inter claruere
in primis Venerabilis Beda, Vandelber-
tus Prumiensis Cœnobii Monachus, qui
metricum Martyrologium Bedæ olim per-
peram adscriptum concinnavit; Rabanus
ex Fuldensi Monacho & Abbate Mogun-
tinus Episcopus; Ufuardus, Notkerus
Santigallensis monachus; quibus adjun-
gendus occurrit Neuclo Corbejensis Mo-
nachus, qui sub finem sæculi undecimi
Adonis Martyrologium sive ab se, sive
ab alio contractum aliquot Sanctorum
nominibus auxit, quale habetur in Bi-
bliotheca Corbejensi. Mitto compendii
causa, quæ de more a Mabillonio subj-
ciuntur, observationes Ecclesiasticas, mo-
nasticas, & historicas. in iis enim pluri-
bus auctorum testimoniis assertam, cœ-
litusque Summis Pontificibus datam le-
gas

gas probandorum , ac repellendorum Scriptorum omnium specialem auctoritatem : ibi diversam Summorum Pontificum & Episcoporum Mitrarum formam , quarum usus non omnibus , nec singulis communis fuisse traditur . ibi balneum ante communionem reverentiæ causâ olim adhiberi solitum , ac Baptismum per infusionem collatum : ibi Abbatum in rebus sacris potestatem : ibi denique monasticum habitum ab Imperatoribus , Regibus , Principibus , aliisque viris sæcularibus in extremis versantibus susceptum discas .

In hac præfatione , qualis fuerit sæculo Ordinis nostri quinto , Ecclesiæ autem decimo , omnium pene Ecclesiarum horrenda facies , luculenter juxta ac eleganter describit Mabillonius . Cave tamen , lector , quidpiam misere ac omnia prospicientis Dei Sapientia indignum suspiceris ; credasque in illis funestis tempestatibus Ecclesiam suam , quæ nullis adversitatum fluctibus mergi umquam potest , ita eum deseruisse , ut boni aliqui malis permisti non fuerint . quippe non eadem nec eodem loco stant vitia ; sed mobilia , & inter se se distantia tumultuantur : se propellunt invicem , atque oppugnant . & quidem in sæculo decimo grassabantur crudelitas , ambitio , luxuria , ignorantia : sed quemadmodum

Præfatio
in sæculū
quintum
Benedicti-
num , Ec-
clesiæ vero
decimum .

dum tot fluvii, atque imbres, tanta medicorum vis fontium, maris saporem non modo non corrumpunt, sed ne remittunt quidem; ita nec scelerum labes, nec adversarum impetus rerum, Ecclesiæ statum ullo modo labefactant. Fuisse quidem in hoc sæculo tyranni, raptores, incesti, sacrilegi, proditores, rudes denique & imperiti homines; sed viri quoque non defuere, qui incorruptam Christi cum bonis moribus doctrinam posteritati transmissere. Porro ut res Ecclesiastica, ita Monastica iis temporibus pessimo loco erat: in deteriusque abiisset, nisi labenti ac penitus decidenti manum supposuisset adjutricem, subindeque restauratam longe lateque per Gallias propagasset haud satis umquam laudandus Odo Congregationis Cluniacensis institutor, totiusque Benedictinæ Reipublicæ splendidissimum sydus, decus, & ornamentum. Præfationem hanc de more claudit Mabillonius nonnullis cum ecclesiasticis, tum monasticis atque historicis observationibus.

In his porro, perinde ac in cæteris operibus, mirum in modum elucet ingenuus ille candor animi studiumque veritatis, quo heterodoxorum, non tantum catholicorum, quos interdum impugnare coactus est, sibi demeruit animos; ac reverentiam conciliavit. Inter Catholicos me-

memorare in primis juvat clarissimos Socios Bollandianos, ac nominatissimum Carolum Cointium; qui cum tam amabili, tamque singulari eruditione instructo adversario se concertasse, sæpe sibi gratulati sunt; ob id maxime quod nihil ipsi aut caritate prius, aut carius veritate fuisse non uno in loco nec semel experti essent.

Enituit in primis Mabillonii moderatio in eos, quos in adornandis Sanctorum Ordinis actis expertus est adversarios. Li enimvero nimio Benedictinæ gloriæ studio abrepti, zeloque ducti haud satis provido, eum apud majores nostros ut proditæ religionis, ac violati Sanctorum nostrorum Canonis reum vocarunt: propterea quod Sanctos monachos quamplures in extraneorum classem rejecisset; typisque minoribus edi curasset eorum acta, quos in domesticorum ac sodalium numero Scriptores nostri hætenus habuerant. ex adverso nonnulli alterius partis homines causabantur, quod historiam nostram actis Sanctorum subditiorum onerasset. Verum quodcumque utrobique videbatur incommodi tantum abest, ut instituti methodum ac rationem convellerit, aut attigerit; quin potius illustrando consilio suo plurimum id conferre luculenter demonstravit. *Nilil, inquit, convenientius aut accommodatius videtur potuisse*

XVIII
Adversa
moderate
sustinet.

tuiffe inveniri ad utriusque partis conciliationem, quam si Sanctos dubios, & extraneos, quos tamen nonnulli e nostris omnino proprios, extraneos nonnulli omnino existimarunt, retineremus quidem, sed minoribus characteribus designaremus. Sic enim utrorumque votis fit satis, dum & illi habent acta, quæ legant; hi vero distinctos habent quos eliminant, si velint. Nec melius sane alumni Benedictini, qui Patris ac Ordinis legitima decora propugnare debet, vel historici sinceri & veritatis amantis partes explere poterat. Movit illum nihilominus adversariorum querela, eo sane molestius, quod nihil hac in re susceperat, aut scripserat inconsultis majoribus: Ordinemque sibi longe charissimum tanto præ cæteris pluris æstimabat, quanto præ illis melius noverat, quæ illum vere ac legitime commendarent. Scriptis interim consilium suum propugnare coactus, censorum objectiones ut validis, ita eruditis responsionibus confutavit, strenueque, ut par erat, causam ipse vindicavit suam: subinde vero explicatis argumentis a Martyrologio Benedictino, atque virorum illustrium Scriptore Trithemio petitis, quin etiam rejectis amicorum in ea contentione consiliis, eos minime audiendos ostendit, qui in hac Sanctorum Ordinis collectione non tam accurati criterii, quo vera a falsis discernuntur, quam pietatis, cu-

cujus causa suscepta fuerat , habendam esse rationem ; nec tam disceptanda , quam referenda Ordinis decora ; uno verbo si quid rejiciendum , id certe domesticos dedecere , contendebant .

Hoc specioso rationum obtentu permotis non parum Præpositis , ne vel minimum quidem motus Mabillonius est : nec flecti umquam potuit animus veri tenax , ut quidquam scriberet a veritate & sinceritate præcipuis historici dotibus alienum . *Ut æquitatis amor* , ajebat ille in Apologia MS. *prima judicis dos est , sic & rerum ante actarum sincera & accurata investigatio historici munus esse debet .* *Judex persona publica est ad suum cuique tribuendum constituta .* ejus judicio stant omnes in rebus , de quibus fert sententiam : *maximi proinde criminis reum se facit , si pro virili sua parte jus suum unicuique non reddat .* Idem historici munus est , qui & ipse persona publica est , *cujus fidei committitur examen rerum ab antiquis gestarum .* cum enim omnibus non liceat eas per se investigare ; sententiam ejus sequuntur plerique : quos proinde fallit , nisi æquam ferre conetur . *nec satis est tamen , verum ut amet , & investiget , nisi is insit animi candor , quo ingenue & aperte dicat quod verum esse novit .* Mentiri si Christianis omnibus , multo magis religiosam vitam professis nulla umquam ratione licet ; longeque minus , cum mendacium multis exitiale est , ac

XIX
Ejus veritatis studium.

per-

perniciosum. Fieri vero non potest, quin historici mendacia vertant in perniciem multorum, qui verbis ejus fidem adbibentes decipiuntur, dum errorem pro veritate amplectuntur. non levis proinde ejus culpa fuerit, qui tot alios secum in errorem trahit. debet ergo, si candidus sit, procul ab omni studio partium certa ut certa, falsa ut falsa, dubia ut dubia tradere; neque dissimulare, quæ utrique parti favere aut adversari possant. non debet a veritate sejungi pietas; neque hæc, si vera ac sincera sit, veritati unquam adversari. Inique igitur agerem, si falsa ut vera, dubia ut certa proponerem Ordinis decora: siquidem id repugnat veritati; cujus partes Monachi, utpote Christi, qui veritas est, sectatores, sequi debent: tum religiosæ sinceritati, quam a nobis potissimum requirunt viri sæculares: tum humilitati ac modestiæ; quæ viros maxime decet religiosos. neque enim, nisi fovendæ vanitati conferre potest, alienæ virtutis, aut mutuati splendoris ostentatio. tum denique quia id Ordini nocet quamplurimum; pessimamque de illo ingerit adversariis opinionem. nihil enim æque de historici fide detrahitis, ac si vera pro falsis, aut saltem incerta pro certis nimio partium studio afferantur. ubi quippe vel semel veritati defuisse quis convincitur, inde certa quæque rejiciendi, aut saltem de illis suspicandi adversariis ansam præbet. Fracta, inquit Augustinus, vel leviter diminuta auctoritate veritatis, omnia dubia remanebunt.

In

Aug. lib. de
mend. c. 10.

In alio quoque loco non minus valide illorum refellit opinionem, qui vindicandæ Ordinis gloriæ studio ducti cuncta sibi licere arbitrantur. *Per-suasum*, aiebat ille, *semper habui Christianam pietatem ac religiosam modestiam non minus violare Monachos, dum falsa aut vana Ordini suo adscribunt, quam privatum quemlibet, dum indebita sibi arrogat. neque enim valet, quæ adducitur adserendæ Ordinis gloriæ ratio: hæc quippe non tam Ordini communiter favet, quam privata cujusque cupiditati, a qua me, pluribus licet obnoxium vitiis, magnopere semper abhorruisse profiteor.* Hæc de veritate, cui, dum vixit, sancte jugiterque adhæsit, sentiebat Mabillonius. Quantum porro esset, quo flagrabat, veritatis studium, vel in extremo vitæ discrimine testatum fecit; cum me aliquantulum turbatum advertens ob aliquem videlicet, qui in nonnulla operum suorum loca irrepserrat, errorem, mox sine mora emendatum voluit. neque enim vel minimum vacillandum putabat vir veri amantissimus, cum quidpiam aut sincere referendum, aut ingenuè castigandum occurrebat. tantumque abest, ut arguentes se male exciperet, ut potius ceu de accepto beneficio gratum se illis ac memorem exhiberet. qua in re quos noverat peritiores ac doctiores amicos non solum invitasse, sed etiam coegisse satis

tis superque docent nonnulla, quæ in ultimo Annalium volumine de illorum consilio in appendice emendata leguntur.

XX
Mabillonii
partes tu-
entur Præ-
positi.

Cæterum quamvis ista concertatio non parum ipsi molestiæ, atque ob documenta, quæ in sui vindicias proferre coactus est, laboris attulerit plurimum: utrumque tamen non leviter temperarunt, quos patronos causæque suæ strenuos defensores expertus est, non sodales modo doctrina ac pietate magis conspicui, sed ipsi quoque Præpositi Generales; quorum gratia ac patrocínio nec ad vindictam, nec ad sui jactantiam uti umquam voluit; vicisse, ac propositum suum vindicasse contentus: quodque mirandum sane est, ejus rogatu publici juris facta, quæ adversus ipsum concinnata fuerat, dissertatione, nulla exinde suæ in censores amicitiae & existimationis argumenta non dedit. Mabillonii porro consilium, ejusque vindicias postmodum probavere Litterati quique; in primis vero doctissimus juxta ac Religiosissimus Cardinalis Bona. Is enim auditis non sine quadam animi molestia delatis in Mabillonium querelis, id in ejus gratiam operisque laudem testatum omnibus voluit; se nempe diligenter perlectis Sanctorum actis, nihil nisi sapienter excogitatum, solerter dispositum, appositeque distributum in notis sive historicis, sive chrono-

Aſta ss.
Ordinis
plurimum
laudat
Cardinalis
Bona.

logi-

logicis, ac dogmaticis observasse; Mabilloniumque non vulgari laude dignum judicavit, quod proprios ac germanos Ordinis Sanctos a dubiis & adscriptitiis scite adeo distinxisset. Præclarum hoc tanti viri suffragium, seu potius magni momenti testimonium; litteris quoque suis confirmare dignatus, qui Christianam hodie Rempublicam sapientissime moderatur Clemens XI. Pontifex Maximus, litterarum patronus, ac litteratorum, si quis alius, longe peritissimus æstimator.

Ubi, inquit, aliunde nobis non innotesceret, quam vigeat, benedicente Domino, in Congregatione Sancti Mauri pietatis cultus, & sacræ eruditionis studium; satis perspectum fieret ex opere per nonnullos ejusdem Congregationis monachos singulari sane diligentia elucubrato, nuperque typis & quidem affabre excuso Constat enim vel ipso intuitu, quam ingenti cura acta Sanctorum Ordinis S. Benedicti, quæ in eo recensentur, fuerint ex antiquis monumentis conquisita; quam etiam pie ac diserte fuerint explicata; ac propterea quantam in Domino laudem ejusdem operis auctores sibi conciliaverint. Cum itaque Pontificiam charitatem peculiariter demeruisse, ii merito confidere possint, qui ornamenta præfato Ordini de Ecclesia tam præclare merito quaerunt, & veræ virtutis exempla Christianæ perfectionis sectatoribus proponunt; gratum illud nobis vehementer accidisse tibi persuade-

Eadem Acta Summo Pontifici Clem. XI. præbuitur.

Litteræ in forma Brevis Clem. XI. Præfatio Generali directæ vi. Junii ann. 1702.

D re,

re , ac ea omnia tibi polliceri poteris , quæ ad ejusdem Congregationis , tuique ipsius commodum pertinere intelliges . Hactenus prælaudatus Pontifex.

XXI
Disserta-
tionem e-
dit de pa-
ne azymo
& fermenta-
tato.

Cum Mabillonii præfationem in primam partem tomi tertii actorum (in qua inter cætera differuerat de materia Sacrificii Eucharistici; probaveratque contra Sirmundum , perpetuum fuisse solius azymi panis in Ecclesia latina usum ; nec a tempore Photii adhiberi cœptum) legisset Eminentissimus Cardinalis Bona ; suamque de panis azymi & fermentati usu , quem promiscuum , & indifferentem fuisse ante Photii schisma contendebat , sententiam oblique saltem impugnata vidisset : scripta ad Mabillonium epistola , non gravatus est promere quid sentiret de argumentis ab eo propositis : quibus etiam responsiones suas cum eximia dignatione reposuit . subindeque submisso Eldephonii Hispaniensis Episcopi opusculo , quod eatenus inquisierat Mabilonius , auctoritatem in eo suam interposuit , quo totum azymi argumentum novis commentariis explanaret ; accuratius & enucleatius pertractaret ; residuosque scrupulos excuteret . Votis libenter annuit ; moxque adornatam atque anno MDCLXXIV. publici juris factam de pane Eucharistico disquisitionem laudato Cardinali nuncupavit : In ea resumpto

toto

toto argumento, difficultates longe uberius expendit; sententiam suam novis rationibus & auctoritatibus communivit: rem demum ut erudite sic luculenter more suo tractavit: ostenditque in primis, ut non ita pridem annotavit vir doctrina perinde ac pietate conspicuus, quantum foret veri sincerique amans Mabillonius, atque ab assentando magnatum animis longe alienus. Qua de re Mabillonio, cuius probe noverat morum animique candorem, gratulatus non semel est candidissimus ipse Cardinalis: (neque enim erat ex eo genere hominum, quibus id unum sapit quod sentiunt) atque inde profecto nata mutua eaque religiosissima utriusque consuetudo; inde reciproca cuiusque operum communicatio; inde demum jucundissimum atque ad mortem usque assiduum, quod indagandæ aut illustrandæ veritatis studio simul inierant, litterarum commercium.

Nonnullis post evulgatam de pane Eucharistico dissertationem interjectis annis, Norisius Augustinianæ Familiæ alumnus, præstantis ingenii vir, ac præclari in tota Republica litteraria nominis, quique non ita post ab Innocent. XII. Pontifice Maximo Sacra Purpura insigniri meruit, suum ann. MDCLXXXI. sub *Augustini Fossæ* nomine elucubratum opus Mabillonio nuncupatum voluit. Pari

XXII
Quarta literatorum
in eum
xistimatio.

Varia o-
pera Ma-
billonio
nūcupata.

quoque honore cum non ita post dignatus est spectatæ apud omnes doctrinæ & pietatis Thomasius Clericorum Regulæ Sodalitii Presbyter, incredibili bonorum omnium plausu ac gratulatione renunciatus Sanctæ Romanæ Ecclesiæ Cardinalis, nec minori omnium mœnore, totiusque Reipublicæ cum Ecclesiastica, tum Litterariæ jactura nuperrime nobis ereptus, cum suum ipsi de Theologicis veterum Patrum Institutionibus indiculum Romæ ann. MDCCI. editum inscripsit. Quid memorem Eminentissimum totiusque Benedictinæ Familiæ decus & ornamentum Josephum Aguirreum, qui illum & versibus exornare, suamque Hispaniæ, & Americæ Conciliorum collectionem ad eum in Gallias transmittere, atque illi hoc pacto gratificari non est dedignatus? quid virum inter Germaniæ litteratos eruditissimum, qui suum Argentinæ ann. MDCXCVI. impressum opus eidem Mabillonio dedicavit? cæteros, eosque sane non exiguos taceo, quos variis in locis a Germanis, Hispanis, Italis, & Gallis accepit, sed pro innata sibi modestia hominum notitiæ subducere studuit delatos sibi honores. Nulli enimvero ignotum arbitror, apud inclytæ mem. Alexandrum VIII. Pontificem Maximum, de Sodalitio S. Mauri præclare meritum, fuisse Mabilonium

lonium in magno pretio : sed pauci norunt , voluisse Pontificem de rebus ab eo litterariis assidue per epistolas erudiri ; atque ut ejus modestiæ , qua id certe muneris refugisset , aliqua ratione consuleret , præcipuum curiæ suæ administrum , qui suas hac in re vices ageret , delegisse . Idipsum insuper cum Ferdinando de Furstemberg Padebornensi simul & Monasteriensi Antistite epistolarum commercium habuisse , opera Patris Oversham alumni Benedictini , nulli quoque adhuc compertum putaverim . Eum doctissimus ille princeps , ac eruditi quique suis interdum operibus non solum litteris cohonestabant . Cæterum ab ignotis , longeque ab eo positis litteras accipere , adeo ipsi novum non erat , ut pene esset quotidianum . a Principibus , Episcopis , Abbatibus veniebant undequaque litteræ ; illum Galli , illum Itali , Germani , Scoti , Angli , Batavi , Helvetii , Hungari , quin etiam clarissimi Hispaniarum Præsules litteris dignabantur suis : ex iis Indiarum Patriarcha ut sibi res mitteret litterarias , non semel precibus invitavit : *Litteras mitte* , rogabat Hispanus Episcopus , doctrina conspicuus , *mitte ut oblecter ; idque mihi , quaeso ; ob grassantia bella , Galliae libris destituto solatii tribue .* tacitus insuper mitto assiduam , quam multis ante obitum annis necessitudinem inierat cum eruditis

Principum
& erudito-
rum litte-
ris digna-
tur.

Parisiensibus , aliisque omnium pene Europæ gentium præstantissimis viris ; quorum per epistolas de rebus cum eo litterariis agere , non mediocris oblectatio erat . Hos ipse consulebat viros doctissimos ; & ab iis vicissim ea fiducia consulebatur , ut , quidquid in re potissimum antiquaria probatum ipsi fuisset , mox publica luce dignum existimarent . & quidem ea erat apud omnes Mabillonii fama , ut quotquot in aliqua disciplina nomen comparaverant , aut comparare sibi cupiebant , ad eum undequaque confluerent . ex iis Herovallius , Bigotius , Cangius , Faurus , Baluzius , Herbelotius , Renodotius , alique cum superioris , tum ævi quoque nostri spectatissimi viri : quin etiam Præsules clarissimi in Sangermanense Cænobium crebro conveniebant , de propriis , ac etiam alienis recens editis operibus simul cum eo sermonem habituri .

XXIII
Analecta
publici juris facit.

Cum adornandis Sanctorum nostrorum actis animum intenderet , eoque consilio Galliarum Belgique Bibliothecas diligentissime perlustraret Mabillonius ; multa eaque ad rem litterariam , nedum monasticam peropportuna , forulos excutienti occurrerunt veterum Scriptorum monumenta : ex quibus ea , quæ rerum antiquarum illustrationi profutura visa sunt , accurate selecta , subindeque quatuor

tuor in octavo tomis miro delectu collecta sub Veterum Analectorum titulo in lucem emisit : quo quidem nomine non antiquorum modo operum fragmenta , quæ decessorum curam ac diligentiam fugerant , sed plurima quoque haud exigui pretii monumenta , quæ ad sacra religionis mysteria spectant , intelligenda veniunt . Talia in primis sunt nonnulla Patrum , veterumque auctorum opera , instrumenta publica , opuscula Theologica , fragmenta Conciliorum , Chronica , foundationes Ecclesiarum ac Monasteriorum , epistolæ Imperatorum , Regum , Summorum Pontificum , & Episcoporum , inscriptiones , acta , nascentis Gallicani imperii formulæ , & alia id genus religioni & historiæ perutilia documenta , quibus pretium ac lucem afferunt collectoris notæ , & observationes , nonnullæ præterea disquisitiones in aliqua historiæ capita obscura ante , nec satis accurate discussa . cujusmodi sunt , nonnulla Venerabilis Bedæ simul & Flori commentaria , fidei confessio Alcuino adscripta , iterati peccatorum lapsus , celebris Berengarii pœnitentia , quæque in Monasteriis fieri solebant puerorum oblationes . Accedunt insuper aliæ dissertationes , ex quibus nonnullæ sejunctim editæ sunt , qualis ea est , quæ Hadriano Valesio inscripta legitur de Gregorii Magni monacha-

tu , quam duæ aliæ excipiunt Domino Abbati Galefio nuncupatæ ; in quarum altera de Dagoberti primi , & Clodovæi Secundi Galliæ Regum epochis , in altera vero de Sancti Desiderii Cadurcensis Episcopi obitu edisserit . Primus autem horum Analectorum tomus ann. MDC LXXV. in lucem prodiit ; huncque subinde exceperet reliqui , quibus plura alia in scriniis Mabillonii reperta ejusmodi monumenta , addi suo tempore poterunt.

XXIV
Celebratur
opus de re
diplomati-
ca.

Præ cæteris porro , iisque præclaris operibus , Mabillonii nomen toto litterario orbe commendavit , illustravitque fane plurimum celebris nullique non probata elucubratio de re Diplomatica . Si quidem subiit eruditorum animos stupor , quod ad artem ac præcepta tam scite feliciterque redigere potuerit , nullis ad eam diem regulis , ac legibus subjectum argumentum . Rei diplomaticæ notitia intimis Archiviorum recessibus eatenus conclusa tenebatur , nec e tenebris emergere valebat , nullo manum porrigente : vetus etsi ac vulgaris foret ejus professio , utpote quam omnes sectantur homines forenses , & historici , docti pariter & indocti ; jacebat tamen illa inculta , sine regulis , sine legibus , præter eas quas pro suo quisque captu ac ingenio confingebat . hinc nata confusio ingens , falsa plerumque judicia de veris instrumentis ,

ina-

Rei diplomaticæ dignitas , & utilitas.

inanes passim conjecturæ de falsis , Sanctorum diplomatum reverentia vix ulla , nulla pene autoritas , nisi apud æquiores & magis eruditos , qui animum a morosis pseudocriticorum præjudiciis repurgatum habebant . Hanc indigne ferens Mabillonius rei litterariæ plagam tentavit remedium , & quidem opportunum : opem ferre constituit , Archiviis præsertim Gallicanis , quibus maxime clades hæc imminebat . In hunc campum aleæ plenum descendit , ut desertam illam ac propemodum neglectam rei litterariæ partem pro modulo illustraret , rei diplomaticæ adferret lucem aliquam , suam restitueret Sacris Summorum Pontificum reverentiam , ac præcipue Regum nostrorum diplomatibus auctoritatem postliminio vindicaret . Hoc igitur in opere veterum Francorum Regum eruuntur , illustrantur , vindicantur diplomata , elucet pia illorum gesta , exprimuntur imagines , itinera , stationes , sigilla , annuli , formulæ , subscriptiones , ac subscriptionum testes , anni denique principatus studiose explicantur , probatur non Pontificiorum modo ac Regionum diplomatum , sed Monasticorum quoque cum diplomate privilegiorum antiquitas , indicantur varia Scripturarum veterum genera , diversi generis atramenta , variæ denique ad scribendum olim adhibitæ
ma-

materiæ . quæ omnia quantum ad illustrandam Regum nostrorum historiam conferant , nemo non intelligit . propterea quasdam regulas legesque proposuit non pio suo arbitrio confictas , sed ex variis diplomatum formulis erutas pro temporum varietate , ut in veris distinguendis a falsis , deinceps juventur studiosi . quod ut clarius intelligant , veterum exposuit cujusque sæculi Scripturarum in æs incisa specimina ; quibus accedit veterum multorum diplomatum selecta collectio , ac quod scitu dignum est , egregium de antiquis Regum nostrorum palatiis commentarium . In hoc demum opere unde curiositati simul & eruditioni fiat satis , unde optima quæque discantur , abunde reperiri profitentur periti quique Antiquarii . Idipsum uno ore testati sunt litterati omnes , ac ii potissimum , qui concinnandis Parisiensibus ephemeridibus præficiuntur . siquidem breviter memoratis cujusdam in hoc opus adversarii objectionibus , una cum Mabillonii responsis , sic in laudem effantur diplomatici operis . *In eo , inquiunt , difficilioribus ac morosioribus criticorum animis mirum in modum facit satis Mabillonius ; omnibus respondet , argumenta omnia dilucidat , leviora quæque solvit , obscuriora illustrat ; ejusque responsa non vanis conjecturis , aut ratiociniis vagis , sed factis potissimum historicis inni-*

innituntur, validisque confirmantur ex rei visceribus deductis argumentis. Sub hæc explicatis quæ in posteriori laudati operis parte continentur, ista subjiciunt. De his omnibus miro ordine nec minori perspicuitate edisserit, ea cruditis passim observationibus illustrat, sepultam scribendi artem suscitavit, restituit oblitteratas litteras, revocat antiquos apices, vera audacter asserit, dubia dubie proponit, ubique demum lucet auctoris sinceritas, ejusque studium veritatis.

Huic tam præclaro edendo operi non parum contulit assiduum quod elaborandæ Ordinis historiæ studium impendit Mabillonius. Cum enim hujus causa rimandis forulis, Archiviis scrutandis, revolvendisque chartis ac diplomatibus totus assidue versaretur; tantam ex earum rerum usu ac studio prope singulari, potissimum vero ex innata animi sagacitate, peritiam affecutus est, ut omnium in se moverit litteratorum admirationem, nedum universalem ubique applausum.

Ann. 1681. publici juris facta est prima eximii hujus operis editio; jamque sub vitæ finem alteram prælo maturam, multisque locupletatam diplomatum ac rerum accessionibus paraverat, præter ejusdem operis supplementum ann. 1702 evulgatum, de quo nobis mox occurret sermo. Hæc autem propria ac propemodum singularis diplomatici operis laus est; quod

XXV

Prima rei
diplomaticæ
editio.

Ab omni-
bus lauda-
tur, ab uno
solum im-
pugnatur.

quod cum unicum adversarium post sex
& viginti ab editione annos invenerit ,
nullus præterea extitit , qui debitas ei lau-
des , aut existimationem denegaverit . Et
quidem si quis adversarii objectiones ma-
ture ac diligenter expendere non grave-
tur , eas in eo omnes satis superque e-
nucleatas , ac solutas fuisse non diffitebi-
tur . Quare Mabillonius , ut erat pacis a-
mantissimus , objecta in rem diplomati-
cam argumenta , peritorum permittere
judicio , quam controversias quæ illum
ab utilioribus studiis revocassent , inire ,
longe satius duxit . Unus hac in re au-
diendus præ aliis videtur doctissimus Da-
niel Papebrochius , qui tam egregio , nu-
merisque omnibus absoluto operi occasio-
nem præbuisse non semel sibi gratulatus ,
suam ea de re ad Mabillonium epistolam
publici juris fieri voluit . *Initio quidem le-
ctionis , fateor , inquit , patiebar humanum
aliquid ; sed mox ita me rapuit ex utilissimo
solidissimeque tractato argumento proveniens ob-
lectatio , & gratus emicantis veritatis fulgor ,
cum admiratione tot rerum hætenus ignota-
rum , ut continere me non potuerim , quin re-
perti boni participem statim facerem socium
meum Patrem Bærtium . Tu porro , quoties res
tulcrit , audacter testare quam totus in tuam
sententiam iverim ; meque ut facis perge di-
ligere , qui quod doctus non sim , doceri sal-
tem cupio .* Hætenus vir modestia perin-
de

de ac eruditione insignis . Ab hoc iterum opere impugnando haud cenforem deteruit tanti viri testimonium , atque adeo elogium . Verum Mabillonius , unum ipsi oppositum voluit ejusdem operis supplementum , novæ quam parabat rei diplomaticæ editioni adjungendum , ratus , nec quidem immerito , quaslibet in eo difficultates , quæ lectorem etiam hac in re apprimè versatum remorari possent , abunde satis explanatum iri . Supplementum illud non ita post excepere eruditæ admodum vindiciæ , quas in gratiam Mabillonii ejusque diplomatici operis defensionem adornavit , ac SS. D. N. Clemen. XI. nuncupavit clarus inter litteratos Justus Abbas Fontaninus , tunc in Archigymnasio Romano publicus eloquentiæ professor , nunc vero ob præclara in Ecclesiam ac Sedem Apostolicam merita , inter laudati Pontificis Cubicularios ab honore adlectus . Ad hoc egregium opus non multo post accesserunt epistolæ duæ in idem argumentum : altera est *Domini Lazzarini ex nobilibus de Murro ad amicum Parisiensem pro vindictis antiquorum diplomatum Justi Fontanini Foro-Julienfis , Romæ MDCCVI.* altera est *M. Ant. Gatti ad V. C. Jacobum Bernardum , Amstelodami MDCCVII.* Item *Defensio D. Lazzarini* , & alia jam nota . Variis hinc , atque hinc ea de re concertationibus pacis , ac

Chri-

Iterū impugnatur opus de re diplomatica.

Christianæ potissimum studio caritatis haud ingerere se voluit Mabillonius . neque enim quidquam , inquiebat , nisi odia , neminique non ingrata convicia ut plurimum generare solent hujusmodi contentiones .

XXVI

Ejus a re-
rum cupi-
ditate alie-
nus ani-
mus.

Ceterum , diplomatici operis (quod omnium eruditorum judicio inter præclarissima ævi nostri opera jure reponitur ; quodque auctoris nomen , ingeniique sagacitatem æternitati commendabit) præstantiam ac dignitatem confestim præ aliis novit Clarissimus (cui nuncupatum fuerat) D. Johannes Baptista Colbert generalis ærarii moderator, summusque Regiorum ædificiorum Præfectus ; qui non ita pridem tractandis gravissimis pro Rege negotiis Mabillonii operam adhibuerat . Is , ut erat ad Regni decus promovendis bonis artibus & disciplinis , ac præmiis in viros eruditos distribuendis præpositus , seu potius natus , Mabillonium dudum sibi & virtute & eruditione notissimum inter beneficiarios Regis describi voluit : quo non semel , nec sine incredibili laudati Regii ministri stupore recusato , id unum dumtaxat ab eo beneficii efflagitavit , ut Congregationem nostram , quæ nullis hæcenus in rebus ipsi defuerat , nec Deo juvante sibi imposterum defuturam sperabat , Patrocinio dignari suo pergeret . Enimvero Christi

Inter be-
neficiarios
Regis de-
scribi re-
cusat Ma-
billonius .

sti

ſti paupertate affatim locuples , victum
ac veſtitum divitias Chriſtianorum cum
Apoſtolo exiſtimans , quæſtu illiberali , Paupertatis ſingulare ſpecimen.
liberalem artium dignitatem lædere no-
luit litterarum cultor ; ſubque Chriſto
paupere divitias erubuit religionis amator.
parvo dives , parvi ducebat perituras o-
pes ; cariuſque emi putabat ; dum pau-
pertatis diſpendio comparantur . Et qui-
dem nec ſibi , ſuiſve umquam commo-
dis ſtudit Mabillonius : quinimmo ſibi
aliunde oblata non ſemel renuit , nihil
tam monacho dignum putans , quam ſe
ſuaque omnia uni rerum omnium diſ-
penſatori Deo committere . Id certe non
ita pridem teſtatum voluit , cum acceptam
ab amico clariffimo epiſtolam , quæ in ſuæ
erga noſtrum utrumque benevolentiaæ ar-
gumentum nonnulla offerebat , levando
religioſæ paupertatis oneri opportuna ;
legendam mihi præbuit ; quidve ea de re
ſentirem inquirens , ſubjunxit , Tu qui-
dem quæ volueris elige : moxque me in
ſuam recuſandi muneris ſententiam ab-
euntem amplexus , quantum ipſi pergra-
tum fecerim vel ex ipſo amplexu abun-
de ſignificavit . Abſit tamen , repoſuit
vir cæteris indulgentiſſimus , ut hac in re
moleſtus tibi eſſe velim : rebus ipſe tuis
conſule : verum profeſſionem cogita tu-
am ; ac memorare Deum te Optimum
Maximum habere patrem , in quo ſpem
tuam

tuam ac fiduciam plane totam collocare debeas.

XXVII
Ejus paupertatis
studium.

Eo paupertatis studio, non solum quidquid abjectum ac vile, sed etiam quidquid asperum & incommodum ultro confectabatur; idque tam in se pati, quam ab aliis propulsare conabatur. Oblata etiam in angustiis non nisi ægre sustinebat vitæ commoda. Quid, inquietabat cum Augustino, de me diceretur, si pauper cum sim atque ex parentibus pauperibus oriundus, ea in monasterio quærerem, quæ vix in sæculo ambire licuisset? Vulgaria omnia quærebat ac detrita, in suppellectile cubiculi: in libris, in vestibus ea deposcebat: in his sibi placebat, longe ab illis discrepans qui hoc in religiosis etiam familiis curant, ut bene semper nec sine magno interdum sumptu habitent. Pari paupertatis studio incensus, vitium horrebat proprietatis, anxiamque tyronum in petenda facultate scribendi, loquendi, quidpiam penes se retinendi, aut rem quampiam quamvis paucam donandi, diligentiam superabat. unde cum aliquando in familiari colloquio de stricta, ad quam monachi tenentur, rerum omnium abdicatione incidisset sermo; illum non semel in huiusmodi labem, qua utinam non tam multa Cœnobia inficerentur, graviter invehentem, atque ut solebat
toto

toto mentis ardore hæc egregia Paulini Episcopi, Nolanæ civitatis excidium amare deflentis, verba referentem non semel audivi: *Domine ne excrucier propter aurum & argentum, ubi enim sint omnia mea, tu scis.*

Et quidem in Deo uno thesaurum collocaverat suum Mabillonius: hinc non a sæcularibus modo, sed a suis quoque Præpositis abnuebat oblata sibi munera: si quid vero interdum egenti erogabatur, id mox totum non tantum Superiori suo consignatum cupiebat, sed nec inde prius accipiebat, quam in ejusdem rei partem egenos vocasset, quibus sublevandis totam, qua apud Magnates, maxime vero apud nonnullos Congregationis Præpositos pollebat, authoritatem, ultro impendebat: Haud absimili modestia, & humilitate suis perinde ac pauperum necessitatibus consuluisse, docent varia ab eo suscepta itinera: iis enimvero suscipiendis pauca sibi erogari curabat, quo inde ad reliquum iter conficiendum, ceu pauper, pauperumque more per Monasteria emendicandi captaret occasionem.

xxviii
Ejus charitas erga
pauperes.

Enituit tandem in Mabillonio paupertatis amor, præsertim in Consanguineos; ex quibus non divites, non potentes, aut aliquo munere conspicuos (altum enim atque apud eum perpetuum de istis silentium) sed abjectissimos quosque nosse,

E

&

& excipere ; quin etiam pro viribus ac innata caritate ipsis opem ferre gestiebat ; non quo illos fortunæ bonis locupletiores redderet , aut gradu altiores , sed ut in ea potius , in qua nati erant , humili conditione facilius libentiusque contineret . Longior equidem essem , si cuncta , quæ passim dedit religiosæ Paupertatis specimina referre vellem : immo dabit veniam lector , si laudabilem hanc , atque in Mabillonio principem virtutem fufius profecutus sim . Ita enim comparatus erat Mabillonius , ut ex rebus etiam minimis (si tamen minima sunt , ac vocari debent , quæ assequendæ religiosæ perfectioni non parum conferunt) ad salutem , virtutesque gradum sibi faceret ,

XXIX
In Burgundiam
se confert.

Germaniæ
peragraræ
jubetur.

Ann. 1682. in Burgundiam iter instituit Mabillonius ; ibique prælaudatus Dominus Colbertus discutiendis nonnullis ad Regum nostrorum Stirpem spectantibus Instrumentis , ejus opera studioque usus , quæ foret in re antiquaria Mabilonii peritia , incorrupta fides , ac singularis plane sagacitas , ex felici commissi muneris successu abunde intellexit . Exinde vero tanti eum æstinavit , ut in publicum sui in illum studii atque existimationis argumentum , suadentibus quoque plurimis viris undequaque conspicuis , inter ab eo Germanicum , quo totius imperii Germanici Bibliothecas , Archivua scru-

scrutaretur ac Forulos, fuscipi voluerit, jussu Ludovici Magni, Regiisque ejus sumptibus: quam sane provinciam eo libentius suscepit, quod Regi gratam, suæque, quam tunc parabat, Ordinis Historiæ peropportunam fore intelligebat.

Quanta porro, & quam effusa fuerit ex evulgato per Germaniam futuro Mabillonii adventu, Litteratorum omnium ac præsertim Monachorum Germanorum lætitia, vel ex plurimis ad eum scriptis litteris, potissimum vero ex iis, quæ subjiçuntur, gratulantis cujusdam Suevienfis Amici verbis facile quisque conjiciat. *Olim, inquit, ubique expectatissimus advenisses; nunc aliter, non propter te, sed propter tempora. Si tempestas aliquando desceat, ingredi in gaudium, in brachia sodalium tuorum. Omnibus solatium eris vel conspexisse tantum Virum.*

Anno igitur 1683. exeunte mens. Jul. Germanicum iter iniit Mabillonius, adscito secum perpetuo juxta ac fidelissimo itinerum socio, quin etiam studiorum coadjutore D. Michaeli Germano; atque intra quinque mensium curriculum, Burgundiæ Comitatum, Alsatiæ, Sueviæ, Baviarum, Tirolum, Helvetiam, Monachium, & Salisburgum peragravit; Austriamque totam excurrisset, nisi Turcæ, qui tum ejusdem provinciæ caput

Germanorum ex futuro Mabillonii adventu lætitia.

Iter Germanicum suscipit.

Viennem obsidione tenebant , viam ei omnem præclusissent.

XXX
Mabillonii
apud Ger-
manos fa-
ma, & ex-
ceptio in
Cœnobiis.

Delati Ma-
billonio
honores.

Ea vero erat apud nostros Germaniæ Monachos Benedictini decoris summo opere studiosos , Mabillonii expectatio , ea fama ; ut vel prætereuntem excepisse honori ducerent quam maximo ; vidisse lætitiæ singulari ; audivisse præcipuæ felicitati . Quid Sanctimoniales memorem , quæ ut illum ad monasteria sua allicerent , quo ejus animi modestiam suspicerent , audirentque verba facientem , linguæ se Gallicæ peritas data opera simulabant ? quid Ordinis nostri Monachos , qui honoris gratia se ipsi itineris comites adjungebant ; eumque ceu per triumphum ducentes , atque honoribus certatim ac laudibus prosequentes , de Monasterio in Monasterium deducebant ? quid spectatissimos Germaniæ Archimandritas , ex quibus non pauci principatum , amplissimosque imperii honores obtinent ; qui quo familiarius cum eo agerent , sui prope oblivisci , nec dignitatis splendorem , nisi ut illum honorificentius exciperent , adhibere videbantur ? quid clarissimum Keptensis Cœnobii Abbatem , nec non Sacri Imperii Principem , Domusque Imperatoriæ Præfectum ? quid Beatæ Mariæ Eremitarum Archimandritam , aliosque non paucos Germaniæ Principes ? quid demum insignem Salis-
bur-

burgensem Academiam, quæ ipsi adveni-
nienti miro plausu, quin etiam oratione
publica gratulari dignata est, ipso præsen-
te Salisburgensi Archiepiscopo, in cujus
Villam singulari prope humanitate dedu-
ctus est, ibidemque lautissime exceptus.

Præ his omnibus amplissimis licet ho-
noribus, arridebat Mabillonio longe ma-
gis qui ad omnes Bibliothecas, Archi-
vua, & publica Monumenta facilis daba-
tur ingressus, omnisque fere ætatis Ma-
nuscriptorum Codicum copia. Nihil ipsi
non apertum, atque libentissime credi-
tum; tanta erat apud Germanos erudi-
tionis ejus opinio, integritatis nomen,
fama probitatis. Rapiebat in primis Ger-
manicæ Monachos ingenuus qui in fron-
te Mabillonii elucebat animi candor, in
sermone religiosa sinceritas, in rebus lit-
terariis explicandis modestia prope singu-
laris. Ipse vero ex tanto Monachorum
studio, non solum opportuna sibi docu-
menta colligendi, sed etiam se ipsis mo-
resque suos probandi occasionem attri-
piens, alios ad exactam disciplinæ regu-
laris observantiam, suæque Professionis
invitabat amorem; alios vero, quos a-
ptiores noverat, ad congrua litterarum
ac scientiarum studia pro viribus anima-
bat. Inde Patrem Cœlestinum Sfondra-
tum, qui non ita post Sangallensis Cœ-
nobii Archimandrita renunciatus est, ac

Mabillonio
ubique pa-
tet facilis
aditus ad
Archivua,
& Biblio-
thecas.

subinde Sacra Purpura insignitus sub Innocentio XII. obiit, agnoscere, atque cum eo familiaris amicitiae foedus inire coepit.

Autogra-
phū Chro-
nici Hir-
saugienſis
reperit, &
edendum
ſuadet.

In hoc porro celeberrimo amplissimoque Sancti Galli Cœnobio, perlecto quem Trithemius adornaverat Chronici Hirsaugienſis Autographo, ac tanquam de reperto thesauro mire lætus, cujus effet hoc opus pretii ac momenti Sangallenſibus aperuit; ejusdemque editionem impense suaſit, ac perſuaſit. unde præclari illius Operis, quod in ipſo ſubinde Cœnobio excuſum eſt, publicam editionem Mabillonii curæ ac diligentiae acceptam referri debere, nemo eſt qui eat inſicias. Id ipſi Sangallenſes Monachi in Præſatione laudati Operis teſtatum omnibus voluere, ſubjectis hiſce verbis: *Chronicum*, inquiunt, *ſurgit nunc redvivum; animante ejus editionem Clariffimo P. Joanne Mabillonio, quem tutelares noſtros inviſentem in Sancto Gallo vidimus, nec ſine ſenſu ſua-ritatis recordamur.*

XXXI
Mabillonii
lætitiæ ex
conſpectu
Amicorū.

Inter varia, eaque maxima Germanici itineris oblectamenta illud ſane Mabillonio jucundiſſimum fuit, eos conſpexiſſe Viros eruditos, uno ſibi ac diuturno litterarum commercio notos, una doctrinæ fama amicitiaeque foedere ſibi conjunctos, Hermannum Skenk Sangallenſis Bibliothecæ Præfectum; Patrem Metzerrum, Salisburgenſis quam Ordinis noſtri Mo-

Monachi obtinent Academiæ Vicecancel-
larium; Albertum Outtembergensis Cœ-
nobii Præpositum; in primis vero doctis-
simos de Mourry, de la Pierre, ac Bea-
tæ Mariæ Abbates: in quorum ultimo
non semel se suspexisse narrabat dignam
viro religioso sinceritatem ac modestiam
cum amplissima quam obtinebat imperii
dignitate, cumque insigni quam edita
opera commendant eruditione conjun-
ctam. Quam effusa porro fuerit ex mu-
tuo conspectu Mabillonii ac Patris Geis-
ferii lætitia, haud facile dictu est: ambo
ut amore, ita ingenio pares erant: præ-
dicavi fatis. Nemo in colligendis Docu-
mentis ad Ordinis Historiam; Sancto-
rumque Acta adornanda necessariis Geis-
ferio diligentior, ac Benedictinæ gloriæ
studiosior extitit. unde cum ejusdem il-
lustrandæ atque amplificandæ peritiorem
Mabillonio nosset neminem; nullam pro-
movendis ejus studiis ac levandis labori-
bus operam non impendit. Et certe cum
esset is Benedictinæ Suevienſis Congrega-
tionis Apocrisiarius; ac proinde facilis ad
omnes Monasteriorum Bibliothecas ei pa-
teret aditus; eximiis monumentis Mabil-
lonium locupletavit. Is subinde obiit
Abbas S. Georgii de Villingen, virtutis
splendore tota Germania clarus, deque
nostra Congregatione perinde, ac toto
Ordine præclare meritus.

XXXII
Monumen-
ta in Ger-
mania col-
lecta.

Cæterum tam facili Bibliothecarum si-
mul & Archivuorum aditu opportune ad-
modum usus Mabillonius, multa & qui-
dem exquisita ex itinere Germanico mo-
numenta retulit; quorum pars edita le-
gitur in quarto Analectorum Tomo, in
cujus fronte exhibetur Germanici itineris
haud contemnenda descriptio; quam e-
gregiæ dein excipiunt Antiquarum Inscri-
ptionum collectiones; selecta ex variis
exaratis manu codicibus haud exigui pre-
tii monumenta, una cum diversarum,
in quas distributa olim Roma fuerat, re-
gionum descriptionibus. calcem operis
occupant in MSS. Germaniæ codices ani-
madversiones; in quibus disertis paucis-
que verbis quisque addiscat, quæ longo
& operoso aliorum minoris pretii docu-
mentorum studio vix percipere queat. Iis
sane optimis Germaniæ documentis usus
potissimum est Mabillonius ad multa sua
opera, maxime vero ad adornandos Or-
dinis Annales.

Vetustum
Ritus Gal-
licani Le-
ctionarium
in Cœno-
bio Luxo-
viensi re-
perit.

Inter egregia, quæ Burgundiæ Comi-
tatum peragranti Mabillonio occurrere
Monumenta, reponendum jure videtur
longe vetus illud ab annis centum circi-
ter supra mille exaratum Gallicani ritus
Lectionarium in Cœnobio Luxoviensi re-
pertum, ac præclaris Merovingiacis lit-
teris conscriptum; quod evulgandæ Gal-
licanæ Liturgiæ occasionem præbuit. Hu-
jus

jus calcem Operis præter multa scitu digna ad Francicam seu Gallicanam liturgiam spectantia, aliaque id genus Monumenta, claudit erudita disquisitio in Officium divinum Gallicanis in Ecclesiis olim recitari solitum, ac propterea *Cursus Gallicanus* appellatum.

Ex Germania in Gallias redux Mabillonius, mutatum quidem ex clarissimi Patroni sui D. Colberti decessu ministerium reperit; non tamen erga se mutatos, qui eidem subrogati fuerant, ministeriorum animos, aut imminutam quam ante sibi conciliaverat existimationem. Enimvero illustrissimus Remorum Archiepiscopus-Dux Carolus Mauritius Tellerius, cui tunc tota apud Regem litterarum rei cura commissa erat, quique eximias plane noverat Mabillonii dotes, ut suam, quam multis nec dubiis argumentis demonstraverat, in eum existimationem testatam omnibus faceret, de eo in Italiam mittendo in animum induxit; simul ut conquisitis Regia Bibliotheca Libris ac Manuscriptis fieret longe locupletior; simul ut aliquid Ecclesie, reique litterarum inde accederet. Placuit non parum Regi Christianissimo ejus itineris consilium; suisque non sumptibus modo, sed auspiciis susceptum voluit. Tanti Regis voluntati, consilioque Archipræfulis obtemperandum duxit Mabillonius; quam-

XXXIII
Mabillonius
jussu Regis
ad iter
Italicum
se accin-
git.

quamvis ab ea suscipienda provincia non una illum ratio detertere videretur; in primis vero Maris pericula, labores itineris, proventa ætas, affectæ denique vires. Jam iter Italicum meditabatur, cum morbo correptus, illud in aliud tempus differre cogitur. firmatis subinde viribus, me sibi adjuncto comite, in Normanniam iter instituit: quo in itinere ejus in observandis, quæ e re sua fore putabat, cum publicis tum privatis Monumentis diligentiam & sagacitatem, nec minorem in persolvendis, perinde ac in monasterio fuisset, debitis pietatis officiis sollicitudinem non semel demiratus sum.

Mense Ma-
jo 1684.
Norman-
niam petiit.

In Italiam
proficisci-
tur.

Insequente anno pristina omnino saluti restitutus ad iter Italicum se accingit; Parisiisque una cum D. Michaelē Germain, individuo comite Kal. April. ann. 1685. profectus, Lugdunum versus iter instituit; transcendit Alpes; tandemque Augusta Taurinorum, Mediolano, Verona, Patavio, Venetiis, Ravenna, aliisque finitimis Italiæ urbibus feliciter, omniumque gratulatione peragratis, Romam pervenit die 5. Junii hora 5. matutina; siquidem nocte tota inceserat, destinatos sibi tum ab Eminētissimo Cardinali Estræo, qui adventantem in sua Rheda extra urbem excipi, indeque ad Hospitium usque deduci jusserat, tum a Procuratore nostro Generali dudum sibi ami-

amicissimo D. Claudio Stephanotio, qui Litteratos omnes præmonuerat, honores devitaturus, quos alibi sibi paratos, pari cura ac diligentia declinaverat: non enim amabat, immo quantum poterat, cæteris honorificentius, aut liberalius haberi fugiebat.

Lubet hoc loco si non omnes, saltem nonnullos referre a multis Italiæ civitatibus Mabillonio nostro delatos honores. Equidem Italica Gens, quæ præ cæteris peregrinantium animos elegantia morumque comitate rapit, quæque, ut pulchre quidam ait, *suapte natura procul odoratur hominum præstantiam, & Sapientibus atque eruditis mirifice defert*, accedentem Mabillonium nullis non affecit honoribus; nullis non laudibus exornavit, officiisque sibi demeruit. In primis vero Serenissimus Etruriæ Dux, qui tum Senis morabatur, comperto ex litteris Magliabeci ejus Florentiam adventu, statim non Laurentianam modo ac Palatinam Mediceorum, sed etiam Florentinas omnes Bibliothecas ad ejus usum ac nutum referari, quin etiam ad ea describenda, quibus opus haberet, Amanuensem suppeditari jussit. Rem exsecutus est celebris Antonius Magliabecus ex longo litterarum commercio ei jamdudum amicissimus; quo duce quidquid librorum in Bibliothecis Florentinis proposito suo magis

XXXIV
Delati in
Italia Ma-
billonio
honores.

gis congruebat didicit . Is enim ea præditus est sagacitate , nihil ut ipsum lateat ; ea memoria pollet , ut libros omnes habeat in numerato ; ipse Museum , ut ita dicam , inambulans , & viva quædam Bibliotheca .

Florentiæ
a Sereniss.
Magnæ E-
truriæ Du-
ce honori-
ficentissi-
me excipi-
tur.

Haud ita multo post Florentiam redux Serenissimus Etruriæ Dux Mabillonium ad se , subindeque ad Filios Ferdinandum & Gastonem Principes (in quibus præclara illa Mediceorum indoles , innata videlicet in litteras ac litteratos omnes propensio elucet) introduci voluit , ea facilitate , ac benignitate , ut velis demissis privatim alloqui dignatus sit ; multa de Rege honorificentissime dicens , deque ejus studio in Catholicam fidem : Florentia tandem abeuntem dignis regia plane munificentia muneribus Mabillonium profecutus , lecticam honoris causa Bononiam usque ei subministrari præcepit . exinde vero litteris eum suis non semel dignatus est : atque in quadam epistola ad Oratorem suum in Galliæ Regia constitutum paucis ab hinc annis missa , hæc legebantur subjecta verba : *O te felicem , atque me longe feliciorum , cui tantum Virum alloqui , non solum videre conceditur .* Quantum vero eundem vita functum desleverit , verbis plane honorificis , acerboque animi dolore palam fecit .

Neapoli . Pari benevolentia & honore Mabillo-
nium

nium exceperit Regni Neapolitani Prorex excellentissimus Marchio de Carpi : siquidem præter quam quod ad se illum sæpe intromitti iussit ; ad omnes etiam Solemnnes Cérémonias, seu *Regias*, ut vocant, *Capellas* peramanter invitavit ; utque omnem excusationi viam præcluderet, Rhedam ipsi suam submitti curavit. quantus porro esset Proregis laudati in Mabilionium amor, palam aliquando factum est ; cum illum prætereuntem morari, ac pulcherrimo festo, quod ipse in festo Natalis Regis Catholici acceperat, munificæ manu donare voluit.

Proregis Neapolitani exemplo, seu potius proprio ipsorum studio ducti Casinate nostri ; ubi Casino vicinum audiunt Mabilionium, statim nonnullos e suis legunt ; qui tam religioso ac plane dignissimo Benedicti Patris filio obviam exeant ; eique adventanti communem Casinensium Sodalium lætitiā, plaususque significant. Haud absimili amoris lætitiæque significatione exceptum voluere clarissimi Sanctæ Floræ Aretinæ, S. Proculi, Sanctique Joannis Cœnobiorum Abbates ; qui ei obviam progressi ad Monasterium usque deduxere. Neque prætercunda silentio videtur nata ibi Gallos Fulienses inter & nostros Florentiæ Monachos amica contentio, quis eorum tam insignem Hospitem ad se deduceret : pu-

XXXV
A Casina-
tibus ho-
norifice
excipitur :

Amica Fu-
lienses
Gallos in-
ter & Flo-
rentinos
Monachos
concerta-
tio.

gna-

gnabat pro Fuliensibus Gallis charitas Patriæ, gratique in civem suum animi debita significatio: movebat ac prope pro Monachis nostris triumphabat, insitus Ordinis amor. Utriusque humanitati ut faciat satis Mabillonius, apud utrumque alternatim mansurum se pollicetur. verum cum Patrum Fuliensium Cœnobium extra urbem situm sit; non sine amica eorundem expostulatione ad Monachos nostros primum divertit; ibique ob loci, potissimum vero Bibliothecarum vicinitatem diutius mansit.

Patavii. Patavium secundo accedentem Mabilonium apud se diversari, atque ne alio divertat, Rhedam qua deducatur, in occursum ejus ad Ripam Fluminis submitti jubet Eminentissimus Cardinalis Barbadicus; cujus modestiam, studium in litteras, zelum indefessum, moresque incorruptos nemo non novit: subinde vero audito ejus Patavium reditu, visitationis suæ in Montibus Euganeis cursum interrompere non est gravatus, quo Mabillonium conveniret, videret, & allo-

Ravennæ. queretur. Ravennam ubi attigit, cum illum apud se excipere non posset Illustrissimus ac Reverendissimus Archiepiscopus Fabius Guinifius, præclara Guinifiorum apud Lucenses gente oriundus, Vino Florentino, aliisque Eduliis donatum voluit: idemque pro sua in eum hu-

ma-

manitate, ostendere atque indigitare voluit quæ supersunt vetera Ecclesiæ Raven-
nensis authentica instrumenta; ex quibus
nonnulla quæ in Cortice exarata sunt;
atque apud Rubeum edita emendavit.
Insigne porro est Ravennæ Archivium ob
antiqua monumenta, ac ea maxime quæ
in Cortice scripta sunt eo charactere, qui,
cum esset lectu difficillimus, *scriptura in-*
cognita dictitari solebat; multisque etiam-
num foret, nisi in sua de re diplomatica
elucubratione ejusdem legendi methodum
ac regulas tradidisset Mabillonius. Quid Bononiæ,
Bononiam accedenti non detulisset Emi-
nentissimus Cardinalis Legatus Pignatel-
lus, haud ita post sub Innocentii Duode-
cimi nomine summo totius Ecclesiæ Re-
gimini præfectus; quid, inquam, non
detulisset, si de illius, uti jusserat, ad-
ventu fuisset certior factus; ac nisi Ma-
billonius pro sua modestia paratos sibi ho-
nores præcavisset? Ejus modestiæ artes,
diligentiamque prævertit Eminentissimus
Cardinalis Spinola Lucensis Reipublicæ
Episcopus; eique perinde ac cæteri Ita-
liæ Episcopi nulla non præbuit benevo-
lentia & humanitatis argumenta.

Uno verbo ab omnibus ubique celebra-
tur, præsertim ab eruditis Italiæ viris; qui
ut illum honestius exciperent, & antiqua
scituque digna urbium monumenta, cime-
liarchia, & gazophylacia in promptu ha-
berent;

XXXVI

A Littera-
tis præfer-
tim viris
colitur.

berent ; mutuis sibi litteris vicinum ejus adventum significabant ; propriis cum quisque operibus donabat ; nullaque prætermissa lætitiæ ac plausus significatione, tanti nominis virum vel obiter conspexisse , aut apud se aliquandiu retinuisse singuli & universi lætabantur . Quantis demum per Italiam honoribus affectus fuerit , eleganter prorsus docuit Illustrissimus D. Justus Fontaninus per eam , qua me de illius obitu dignatus est , epistolam . *Jam* , inquit , *per totam urbem non sine gravi Litteratorum mœnore Mabillonii decessus fama percipiebatur ; nosque de eo certiores reddidimus amicos per Italiam constitutos ; ubi multi ex illis adhuc supersunt , qui viginti & tribus ab hinc annis cum propius venerati fuerunt ; cum urbes effusæ ad eum adirent , primique subsellii Homines ad visenda quæque insigniora Cimeliarchia ; Gazophylacia ; & Bibliothecas , cum honoris causa certatim comitantes deducerent ; quod ille in itinere Italico pro sua modestia parce admodum indicavit .*

Grattis er-
ga littera-
ros Italie
Mabillonii
animus.

Verum quanto in recipiendis qui ultro per Italiam deferebantur honoribus parcior Mabillonius , tanto certe in Amicis memorandis , quique benefecissent liberalior fuit . Hos inter ; quorum beneficia animique dotes cum laude memorat , principem locum obtinent Mediolani Illustrissimus Comes Mezabarba

Vir

Vir in litteris humanioribus, & numismatum scientia apprime versatus; & cum eo eruditus Pater Moneglia, Florentiæ Magliabecus, clarissimusque Norisius, ex Monacho Augustiniano in Sacrum subinde Purpuratorum Patrum Senatum cooptatus; Meritissimus quoque nec vulgaris inter Litteratos nominis Pater Capassius, tum sacræ Theologiæ in Academia Pisana Professor, quem non semel perlustrandis Florentiæ monumentis ducem ac comitem habuisse gloriatur; Vicentiæ, Dominus Gonzata; Neapoli celebris Valleta, qui domi suæ Bibliothecam probatissimis autoribus instructam omnium admiratione plausuque comparavit; Genesius, Nicodemus, alique Neapolitanæ urbis præstantissimi viri; Patavii, Pater Minorelli Dominicanæ Familiæ insignis alumnus, quem doctrina politioribusque litteris ornatum in primis suspexit; Lucæ Beverinus Poeta simul & Orator cultissimus, quocum de recipiendo apud se Mabillonio amice certasse legitur Dominus Bonamicus; Parmæ celeberrimus Pater Bacchinus Casinensis Congregationis Monachus, multisque jam editis Operibus insignis; cui adjungendus est D. Erasmus a Cajeta de nostro perinde ac suo Casinensi Sodalitio præclare meritis, una cum P. Seraphino Janfy Casinensi quoque haud

vulgaris doctrinæ ac modestiæ Monacho, a quo non pauca locupletandis Ordinis Annalibus subsidia interdum accepit; Aronæ Reverendi admodum Patres Societatis Jesu, qui insigne librorum de Imitatione Christi sub nomine Joannis Gersen Abbatis Vercellensis antiqua manu exaratum exemplar Mabillonio in Gallias deportandum, non tantum inspicendum mira humanitate concesserunt; ut quæ jam de eximii hujus Operis Autore in lucem protulerat, ejusdem manuscripti codicis autoritate strenue vindicaret. Codicem hunc benigne adeo sibi creditum lubenti animo accepit Mabillonius; subindeque a Viris in re diplomatica apptime versatis diligentissime excussum, atque illorum testimonio comprobatum, non sine maxima grati animi significatione ad mox laudatos Patres transmitti curavit. Quem apud omnes prope Italiæ, præsertim Parmensis Cœnobii Monachos locum obtinuerit Mabillonius, abunde testantur nuncupatæ nomini ejus Conclusiones; condita in ejus laudem carmina; palam in ejus honorem pronuntiata passim gratulatoriæ orationes; quæ omnia laudum genera modestiæ plane gravia cum nec artibus, nec precibus effugere posset, ab hujusmodi cætibus omnino abstinere constituit, laudis impatiens.

Quid

Quid Domina Gentium, Princepsque Provinciarum Roma præ aliis Italiæ Civitatibus Mabillonio non detulit? quid non præstitit ejus ergo? ibi in primis Eminentissimi Cardinalis Estræi, Excellentissimique Ducis ejus Fratris pro Rege legatione fungentis expertus non semel est humanitatem, patrocinium, benevolentiam, auctoritatem, officia, studium denique singulare; ibi a Sanctæ mem. Innocentio XI. Pontifice Maximo nulla non accepit benignitatis & existimationis argumenta, si ejus adeundi honorem excipias, quo Mabillonium ob affectam valetudinem Pontifex dignari non potuit; ibi denique Ottoboniana, Barberina, Chigiana, Alteriana, Altimpetiana, Casanatensis, Pamphiliæ, Augustiniana, aliæque Romanæ Bibliothecæ, una cum Monasteriorum & Ecclesiarum Archivis, Gazophylaciis, Cimetis, aliisque id genus monumentis in ejus usus liberaliter referatæ; in primis vero omnium longe locupletissima, ac nobilissima Vaticana, ex qua quamplurima, eaque exquisita prorsus documenta eruit. huc etiam non sine laude memoranda accedit multis iisque optimæ notæ exaratis manu codicibus instructa Bibliotheca Augustissimæ Suecorum Regina, quæ post aliquantam, quo illum dignata est, colloquii moram,

discedentem pro suo in litteratos studio benigne dimittens, favorem suum, una cum omnibus Bibliothecæ suæ tam editis, quam manu exaratis codicibus in studiorum suorum subsidium perhumaniter obtulit.

Bibliothecam Patris
Oratorii
Romani
frequens
adit.

Uberi sane fructu, nec minori animi voluptate Eminentissimi Cardinalis Baronii Bibliothecam, Patresque, penes quos ea est, Oratorii Romani frequens adibat, cum ob vetustos nec exigui pretii qui ibidem accuratissime adservantur manu exaratos codices; tum maxime ob clarissimum Patrem Leandrum Coloredum laudati Sodalitii Alumnum paulo post S. R. E. Cardinalem renuntiatum, quocum continuo prope litterarum commercio amicitiae foedus arctissimum, quod ad obitum usque perduravit, iniit. Frequens illi quoque colloquium ac familiaris consuetudo cum Illustrissimo juxta ac eruditissimo Angelo de Nuce Rossanensi Archiepiscopo, qui Casinensis Cœnobii Archimandrites non ita pridem fuerat, ejusdemque Chronicon doctis annotationibus illustratum ediderat. Taceo Thomasium eximia pietate perinde ac Sacris operibus nemini non notum, clarissimosque Slusium, Fabretum, Blanchinum, Ciampinum, aliosque dum Romæ versatus est amicissimos viros.

In

In ejus gratiam Eminentissimus Cardinalis Carpineus Summi Pontificis Vicarius, *Senexque*, ut verbis utar Augustini, *famosus, annosus, nullique non probatus*, erutum coram eo voluit ex veteri cœmeterio cujusdam Martyris corpus; cui adjuncta reperta est Ampulla vitrea simul & instrumentum ferreum cruciando, ut creditum est, Martyri adhibitum. Honoris denique causa Consultor Sacræ Congregationis Indicis creatus; atque in eam invitante Eminentissimo Cardinali Casanata vocatus, de quibusdam Isaaci Vossii operibus, potissimum de causa diluvii (quod in suo de Sacra Chronologia mundi quæ ætate opere haud universale fuisse contendit, quamvis totum in eo genus humanum periisse non diffiteatur) sententiam dicturus, præsentibus cum Sacri Palatii Magistro novem S. R. E. Cardinalibus, tam erudite juxta ac luculenter differuit, ut in suam omnes sententiam atque in sui admirationem facile converterit.

Creatur
Consultor
Sacræ
Congreg.
Indicis.

Tantis licet ubique affectus honoribus, ^{XXVIII} in honori-
haud inde tamen mente elatior, immo bus humi-
cæteris longe humilior factus: cunctis lis.
undequaque plaudentibus, non sibi ipse
plaudebatur; sed potius magis ac magis
sibi vilescere, hominumque frequentiam
devitare studebat. Quamobrem non pa-
rum ipsi arridebant, quæ Italiam pera-

Mabillonii
pietas in
perlustran-
dis Sacris
Italiæ lo-
cis.

granti occurrebant, remota ab omni mortalium consortio loca; in quibus, uti e Cavenſi Cœnobio redux mihi per epistolam aperuit, reliquam vitam peragere in deliciis habuiſſet. Movit illum in primis Vallumbroſana ſolitudo ac ſpecus potiſſimum illa, ad quam Sanctus Joannes Gualbertus procul ab hominum frequentia oraturus ſe ſe interdum recipere ſolebat. De Claſſenſi porro, Farſenſi, Vulturnenſi, Cryptaſerrata, Bobienſi, Nonantulenſi, aliisque Sanctitatem ſpirantibus Cœnobiis, partim licet dirutis, partim omnino deſolatis non ſine quadam veneratione, mentisque ſuavitate differebat; illorumque locorum ſimplicitatem ſuperbis Regum Principumque Palatiis longe anteponebat. Hinc incredibili animi voluptate gratiſſimam illam, quam tum apud Camaldulenſes Eremitas, tum apud Sublacenſes noſtros manſionem fecerat, in mentem revocabat. Porro autem quam alte Specum Sublacenſem in animo præ cæteris deſixam haberet, teſtatur breve hoc, ſed elegans prorſus ejuſdem in Annalibus concinnatum encomium. *In hoc*, inquit, *Sacro Specu Benedictus Ordinem ſuum, obſtricante gratia, paruriit: hic Cunabula Gentis noſtræ; hæc Petra, unde exciſi ſumus.* Nec minori ſuavitatis ſenſu fane animo recolebat, Cellam aliquandiu ſe occupaſſe

p̄asse in Cœnobio Casinensi, quod vel-
 uti totius princeps Ordinis instituit San-
 ctissimus Patriarcha Benedictus; quod-
 que ingens Monachorum insignium mul-
 titudo præclaris virtutum ac doctrinæ
 meritis mirum in modum illustravit.
 Quare ob Loci reverentiam Sacrum il-
 lum Montem, quamvis ascensu maxime
 arduum, pedibus conscendere voluit. Ta-
 citus prætereo insignem toto Christiano
 orbe Lauretanam Ecclesiam, aliaque ce-
 leberrima quæ pietatis causa perlustravit
 Italiæ loca; Papiam ubi Augustini, Ver-
 cellas ubi Eusebii ejusdem urbis Episcô-
 pi, Mediolanum ubi Ambrosii & Caro-
 li clarissimorum Ecclesiæ Mediolanensis
 Antistitum Corpora summa religione ad-
 servantur, nec minore reverentia colun-
 tur. Præ cæteris passim gloriabatur se
 Sacra adiisse Apostolorum Principum Li-
 mina; tantas ac tanta antiquitate vene-
 randas Basilicas cryptasque introspexisse,
 veterum perlustrasse Christianorum cata-
 cumbas, teste Hieronymo primis Eccle-
 siæ sæculis adeo celebres; terram deni-
 que tetigisse tot Sanctorum purpuratam
 cruore Martyrum. De duobus dolebat
 plurimum; & primo quidem quod Nea-
 polim contendens, ac juxta Nolam trans-
 iens, Sancti Felicis Ecclesiam, Paulini
 cura ac pietate constructam non adiis-
 set; nec ob temporis injurias Montem

*Lib. 12. in
 Ezech. cap.
 4.*

Alvernum petiisset, Sancti Francisci stigmatibus celeberrimum.

XXXIX
Mentis e-
jus colle-
ctio.

Epist. 10.

Cæterum ita sibi etiam dum peregrinaretur vacabat Mabillonius, nullum ut umquam intermitteret religionis ac pietatis officium; quodque mirari subit, inde sui colligendi captabat argumentum, unde cæteri ut plurimum diverti ac mente distrahi solent; quippe peregrinando supremam, quæ omnium meta est, mortis Peregrinationem jugiter mente recolebat. Hunc animi sensum alte illi infixerant subjecta quæ iter agens de more legebat Augustini verba: *Peregrinationes, inquit, quas quietas & faciles habere nequeas, per totam cogitare vitam, non est hominis, de illa una ultima, quæ mors vocatur, cogitantis, de qua vel sola intelligis esse cogitandum. Quæ quidem Doctoris verba ita Mabillonio placuere, ut iisdem Italici itineris, quod in Gallias redux in lucem edidit, descriptionem conclusam voluerit. equidem ex iis erat Mabillonius, quibus, ut ait laudatus Augustinus, id a Deo Optimo Maximo gratiæ concessum est, ut inter casus rerum varios, eosque ut plurimum injucundos, tranquillo ac quieto animo consistant. Nec mirum, quippe cum nullum iter susciperet Mabillonius, nisi aut Superiorum iussu, aut Ecclesiæ simul & Ordinis emolumento: tantumque abest ut ei ob id men-*

mente excideret mortis memoria ; ut potius familiarior ipsi fieret , crebriusque de illa sermonem haberet.

In itinere constitutus eamdem prorsus , ac in Monasterio tenebat vitæ rationem : stasis horis orationi , divinisque vacabat officiis : Sacrum quotidie etiam post confectum sex aut septem horarum iter mira pietate faciebat : piis quoque lectionibus , maxime Sacris Patrum , quas cum Augustino *castas discitabat anime delicias* , certis temporibus operam dabat : ideoque Novi Testamenti , Regulæ Sanctæ , & Imitationis Christi aureos plane Libros , quos fere memoriter tenebat , secum jugiter deferre , frequensque legere solebat . Nihil sibi longo licet itinere fatigato præter Regulam sibi indulgebat : immo per Italiam , ac Germaniam , cum ob inculta , omnibusque rebus pene destituta diversoria , tum maxime ob ciborum quadragesimalium penuriam parcius , longeque quam in Monasteriis austerius tractari gaudebat . In urbes aut monasteria adventanti princeps ei cura non tam de recreandis viribus , quam scrutandis quæ e re sua erant urbium ac monasteriorum monumentis ; adeo ut nisi iter agendo quiescere a labore non videretur . Vecturarum incommoda , injuriasque temporum non æquo tantum animo ferebat ; verum

Mabillonii
accurata
in itinere
observantia.

rum etiam si quid in itinere occurrebat commodi, sociis ultro deferre, si quid asperi aut molesti, sibi uni eligere studebat. Eum pedibus crebro ire solitum, jam supra memoravi: subiinde tamen factus ætate provectior, fractusque studiorum laboribus, sellæ sibi a Superioribus concessæ usum ideo admisit, quod persolvendis decentius divinis officiis, lectioni, orationi, aliisque obeundis pietatis operibus opportunior ipsi videretur.

XL
Mabillonii
zelus.

Porro autem cum publicis, quod raro contingebat, vecturis uti cogebatur; ea sane modestia, iis verbis, eo se habitu gerebat, ut omnium in se converteret oculos, reverentiam concitaret, suoque exemplo, ac verbis etiam solutiones in officio facile contineret. Nullum nisi præmissa oratione iter instituebat: nihil qua sermonibus, qua exemplis, qua referendis historiis non moliebatur, quo itineris socios ad orationem adduceret, invitaretque ad officia pietatis.

Ejus in recitando officio pietas, probandisque ubique moribus cura.

Ubi in monasterium aliquod pervenerat, juxta Regulæ præscriptum, viciniorrem Ecclesiam, Christum adoraturus adibat. id ipsum quoque in diversoriis præstare solitus, ab itineris sociis tacitus secedebat, divinâ eo, quo par erat, pietatis cultu recitaturus officia. Cœna facta, cum ob nocturni silentii reverentiam, tum ne sodalibus gravis forte fieret,

ret; in cellam se recipiebat. A Matutina, communique fratrum oratione numquam aberat; curabatque in primis, ne vel minimum sui causa relaxaretur aut perturbaretur regularis monasterii disciplina. Si interdum extra monasterium vel invitatus diversari cogeatur, se tunc moresque suos omnibus probare, pueros, si qui in diversorio forent, bonis erudire moribus, ac doctrinæ Christianæ documentis, fidei docere mysteria, Dei timorem pariter & amorem suadere, immo quo facilius documenta susciperent, quibusdam munusculis prosequi, parentes quoque ac domesticos informare, congrua demum cuique consilia dare diligentissime studebat; ea sane modestia & humanitate, ut cunctos raperet in sui amorem, animosque ad quæcumque vellet nullo labore converteret.

Nec mirum sane videri debet, si cum ita comparatus esset animo Mabillonius, tam multis iisque variis peregrinationibus damni nihil unquam passa sit, immo incrementum cepêrit eximia ejus pietas; nihil de morum integritate, regularisque observantia disciplinæ remiserit; sique de via redux solita monasterii exercitia, ceu numquam intermissa, facile adeo resumpserit; cum ex assidua studiorum contentione, qua aliorum ut plurimum fervor remittitur, ipse magis magisque ad pietatem

XLI
Exercitiorum suorum
observantissimus
Mabillonius.

tatem accendi videretur . Porro ut pietati non officiebat quæ in Mabillonii vultu elucebat hilaritas , ita nec hilaritati eximia pietas . hæc nulli gravis , omnibus opportuna , ac cujuslibet prompta obsequio videbatur .

Mabillonii
pia exerci-
tia , ejus-
que mores.

Summo mane expergefactus mox pronus in terram Deum venerabundus adorabat : studia subinde sua , opera , animum , se , suaque omnia Supremo rerum omnium conditori Deo supplex vovebat . Fratres ad nocturnas vigilias præire gestiebat : ab iis vero liber , mox ut e lecto surrexerat , Ecclesiam adibat ; ibique ante altare divini amoris prostratus , fufisque de more precibus , inde Capellam B. Mariæ , Altaria , Sacrarium mira animi pietate perlustrabat . ut enim iis pietatis officiis religiosam putabat foveri simplicitatem , accendique fervorem animi ; ita illarum rerum neglectu utrumque paulatim deficere , peneque tandem extingui dictitabat . Debitis idcirco officiis jugiter seduloque intentus , quo semel exarsit , fervorem novitium studiumque disciplinæ ad mortem usque integrum custodivit ; nec nisi in melius , dum vixit , mores commutavit suos . Ecclesia cum exiret , quem in oratione conceperat divini amoris ignem , ubique spirabat ; inque intuentium animis accendebat . Divinæ interdum , quam adoraverat , Majestatis splen-

splendoribus illustratus vix a lachrymis suspiriisque præ devotione temperare poterat. Acri licet ingenio, nemo tamen illum aut ira commotum, moribusque difficilem, aut verbis asperum expertus est. Neminem umquam læsit etiam læsus, hominum mitissimus: neminem actu vel gestu derisit, despexit neminem vir humillimus. Eos unos impatienter ferebat, quos advertebat vel a pietate vel a disciplina devios, ac eos maxime, quibus, ut ipse agebat, totius Congregationis spes una nititur, juniores monachos, quos noverat regularis disciplinæ, minus quam par esset, studiosos. Sic oderat divini Numinis obtrectatores, ut, si quos extra Monasterium temere dejerantes interdum audiebat, opportune importune arguere & increpare, verbisque in eos gravissimis invehi non vereretur. neque enim se præfente divinum violari Numen æquo animo patiebatur. Hinc eos in quodam operum suorum loco cum Augustino amare deflet, qui gravia dumtaxat peccata horrentes, levia quæque, quamvis sæpe mortifera, vitare negligunt. Væ, inquit, nobis, si prava peccandi, aut peccati videndi consuetudine obdurati, nec nostris movemur delictis, nec aliorum peccata pro modulo compescere satagimus.

Peragratis intra menses quindecim ce- XLII
lebrio-

Ex Italia
in Gallias
remeat, I-
talice opi-
bus onu-
stus.

lebrioribus Italiæ urbibus, simulque per-
lustratis insignioribus urbium principum
Bibliothecis, Muscorum rimatis angu-
lis, effossisque latentibus veterum the-
sauris, comparatis denique ad tria circi-
ter millia editis, aut scriptis codicibus,
Regiam Bibliothecam ditavit auxitque
plurimum in Gallias redux. Ex obsitis si-
tu ac pulvere membranis, ex corrosis
marmorum inscriptionibus, ex incisis in
ære, sed tempore exesus monumentis,
ex putredine sædissime corruptis, multi-
gena exoritur litterarum seges; varia ac
præclara promitur librorum supellex; a-
ctorum, Annalium, Analectorum, a-
liorumque librorum mira exsurgit moles.
Tam solerti obstetricante manu, præter-
ita retro sæcula renascuntur: rugisque
depositis tota juvenescit antiquitas. hinc
quanta apud omnes Mabillonii existima-
tio! quantum nominis pondus! quanta
eruditionis auctoritas!

Museum e-
dit Italicū.

Medium circa annum 1686. ex Italia
in Gallias reversus, suum sub Musei Ti-
tulo, iter Italicum in lucem profert in
duas partes distributum. Priorem obti-
net, Itineris Italici, eorumque, quæ ad
rem litterariam spectant, non ingrata
descriptio; quam, suadentibus amicis,
fusiorem aliquanto fecit. Posteriorem
nonnulla occupant doctissimis passim a-
nimadversionibus illustrata monumenta:
qua-

qualia sunt antiqua Sacri sub Urbano II. Belli Historia, Apologia Manassis Remensis Antistitis, Friderici Imperatoris Romam adventus, solemnis exceptio, ejusdemque cum Paulo II. Pontifice Maximo congressus, Mediolanensium Antistitum catalogus, una cum nonnullis super ritum Ambrosianum epistolis, præclaris ab eo annotationibus illustratis. Præ cæteris Sacramentarium Gallicanum Sæculo VII. scriptum, ac in Bobiensi Cœnobio ingenti lætitia repertum, ex cuius Romano canone manifeste inferitur, Gallos Romano canone usos ante Carolmanni ævum, in quo penitus rejecto Gallicano Sacramentario, Romanum postea solum adoptarunt. Sacramentarium excipiunt liber poenitentialis, Symbolum Apostolorum in singulos singulorum articulos distributum, Sacrorum denique librorum catalogus, quos inter recensetur liber Sacramentorum; quo nomine, ut erudite notat Mabillonius, veteres eum librum designabant, qui collectiones & ad Missas Præfationes continebat.

Anno insequenti alterum Musei romani publici juris fecit in duas quoque partes divisum: in quarum altera videre est commentarium in Ordinem Romanum, in quo de antiquis Ecclesiæ ritibus differit, potissimum vero de Liturgia, quam ut erudite ita luculenter expli-

Secundum
Musei vo-
lumen e-
vulgat.

plicat : in altera quinque supra decem Romanorum Ordinum collectiones ; quibus accedunt multa eaque exquisita id genus monumenta ex variis manu exaratis codicibus perquam diligenter excerpta . Non deerant alia bene multa , ex quibus Museum suum locupletare potuisset : verum cum ob suscepta majoris momenti opera , tum ob grassantia , reique litterariæ non parum exitiosa bella , iis edendis abstinuit , aliisque opportuniori tempore evulganda reliquit .

XLIII
Tractatum
edit de stu-
diis mona-
sticis .

Haud ita multo post suum ex Italia reditum , hortantibus Præpositis , virisque undequaque gravissimis , ad totius Reipublicæ monasticæ commodum tractatum elucubrat de studiis monasticis : in quibus , præscripta studiorum methodo , quæ subinde Monachis , virisque Ecclesiasticis congruant , ad illorum mentem explicat , qui eximii hujus operis edendi autores ei fuerant . Opus illud tres in partes distributum voluit : in quarum prima , studia litterarum non solum statui monastico non repugnantia , aut Monachis interdicta , sed etiam tuendæ disciplinæ adeo necessaria ostendit , ut sine iis vix stare queat . idque invictè probat tum ex Sancti Benedicti Regula , tum exemplo Benedictinorum qui Ordinem doctrina illustrarunt , tum denique locupletissimis Monasteriorum Bibliothecis ,

ac

ac perpetua totius Ordinis traditione.

In secunda parte expendit ea omnia studiorum genera, quæ Monachos solitarios decent; contenditque omnia illis permitti posse, quæ viris Ecclesiasticis liceant. Subinde explicatis, quæ cuique convenient, studiis, eorumdem præscribit methodum, traditque subsidia. In tertia parte scopum docet, quem sibi in studiis proponere quisque debeat: veritatis scilicet notitiam, cum caritate ac monasticorum officiorum observantia conjunctam. Hanc partem excipit scitu digna atque ordine sæculorum digesta series difficultatum, quæ in lectione Conciliorum, Patrum, & Historiæ Ecclesiasticæ occurrere possunt. accedit catalogus selectorum librorum, quibus monastica juxta ac ecclesiastica Bibliotheca instrui potest.

Quo porro Litteratorum, omniumque pene religiosorum Ordinum plausu id uni Mabillonio adumbratum, cæteris vero, numeris omnibus absolutum opus, exceptum fuerit, satis superque testantur præclaræ, quæ in fronte operis leguntur Doctorum Sorbonicorum approbationes, variæque variis in regionibus concinnatæ editiones, ac inultifariæ Italico ac Latino sermone conscriptæ versiones. Ex iis Italicam ann. MDCCI. sub Scholæ Mabillonianæ titulo omnium primus ador-

*Traçatus
de Studiis
Monasticis
miro plausu
excipitur.*

*Vatiz hæc
jus Traçatus
versiones.*

navit Pater Ceppius Augustinianæ Familiæ alumnus ; Latinas vero in urbe Keptensi apud Suevos ann. MDCCII. P. Udalricus Ordinis Sancti Benedicti , ac Bavaricæ SS. Angelorum Custodum Congregationis Monachus ; Venetiis quoque P^r Josephus Porta Casinensis Sodalitii Monachus , atque in Collegio Anselmo Benedictino Romæ olim Sacræ Theologiæ Professor : in Helvetia tandem hujus partem operis Latine reddidit meritissimus P. Hermannus Skenk Sangallensis Bibliothecæ Præfectus.

XLIV
Opus de
Studiis
Monasticis
impugnat
Abbas M.
de Trappa.

Eximium illud de Studiis Monasticis opus , omnium licet silentio , ne dicam elogio exceptum inique tulit ; unusque impugnavit cl. Abbas M. de Trappa ex Strictiori Observantia Cisterciensi , vir ut pietate sic editis operibus ubique celebris. inde namque turbari monasteria , sanctiorem disciplinam una cum pietate enervari , Monachorum intumescere animos , suam demum quam non ita pridem publici juris fecerat de studiis vitæque Monasticæ officiis sententiam labefactari : idque consilii habuisse Mabillonium immerito sibi in animum induxerat ; quod quam foret a mente Mabillonii , ac proposito longe alienum , facile intelligere potuisset idem Abbas vel ex suis addictissimis , ac familiaribus amicis , qui operis hujus consilium longe ante Ma-
bil-

billonio injecerant, ac proinde longe ante meditatam noverant, quam in lucem prodiiſſet illud de vitæ monaſticæ officiis opus. Non tamen negaverim, quod hoc ante Mabillonii tractatum evulgato, quid in eo de ſtudiis monaſticis ſentiret prælaudatus Abbas, prudens examinatum voluit Mabillonius, factoque examine ab ejus ſententia diſcrepavit. In hac porro de ſtudiis controverſia plurimum ſane hallucinatus eſt Abbas de Trappa, mentemque Mabillonii non eſt aſſecutus, dum illum Monachos omnes profanarum litterarum, peregrinarum linguarum, mathematicarum diſciplinarum, numiſmatum, inſcriptionum notitia indiſcriminatim ornatos voluiſſe contendit, ſicque loquentem inducit. *Opera*, inquit, *pretium eſt, Monachos omnes Sacræ Theologiæ, ac ſcienciæ Eccleſiaſticæ arcana ſcrutari, rebus hiſtoriæ reconditiſſimis, ſacris Conciliorum canonibus ſedulo ſtudere, Patrum intelligere auctorumque ſententias, illorum denique opera percurrere.* Hæc in ſua ad Mabillonium reſponſione ipſi affinxiſſe non diffitetur laudatus Abbas de Trappa; quamvis ſecus ſentire ſe abunde ſatis conſteſtatus eſſet Mabillonius per eam, quam operi præfixit, junioribusque Congregationis noſtræ alumnis inſcripſit epiſtolam. *Neque enim, inquit, a recensendis iis, quæ Monachos, ac viros quoque Eccleſiaſticos decent, ſtudiis ſcientiis-*

que abstinere potui; quamvis nullatenus dubitem, quin id consilii eos in primis moveat, qui singulis indiscriminatim Monachis æque propositum autumabunt. Verum mihi longe alia mens: persuasum quippe mihi est, ut pauci reperiuntur, altioribus studiis parces Monachi, ita pauciores occurrere, qui ad ea capeffenda a Deo destinantur. Fuit igitur operæ pretium varias in præsentii tractatu pro variorum captu in medium proferre scientias, quo quisque suam, ingeniique viribus magis accommodatam eligeret; eademque operam daret. Caterum, inquit, Superiorum officium est subiectos sibi Monachos ad ea potissimum capeffenda studia invitare, quæ cum illorum ingeniis sunt magis congrua, tum etiam Ecclesiæ, aut quam profitentur vitæ Monasticæ magis opportuna. Quod si sigillatim de scientiis differens, multisarios super ipsarum qualibet libros perlegendos proponam; non est quod inde velim, ad eorum omnium lætationem quoslibet indiscriminatim cogere; sed variis duntaxat indulgere singulorum ingeniis, qui ex multigenis, quos propono, libris, eos de Præpositorum, vel alterius prudentis doctique viri consilio, sibi eligere poterunt, qui sibi utiliores, captuique accommodatiores videbuntur. Hæc interim sufficiant pro mei manifestatione consilii, præsentisque operis proposito.

XLV
Scribendorum
usus.

Necque id umquam, Fratres, cogitavi, ut Cænobia nostra transformarem in Academica Scien-

Scientiarum omnium Lycea . Enimvero cum Apostolus non de alia sane quam de Christi & quidem Crucifixi scientia gloriari se dixerit , band alia pariter sit oportet gloriatio nostra , metaque studiorum nostrorum . Hæc igitur a nobis sic exercenda sunt , quatenus in nobis ipsis , quin etiam & in aliis reformemus quantum possumus novum illum hominem , cujus exemplar in semetipso expressit Salvator noster : & si qua fuerit scientia quæ ad hunc scopum non recta collineet , ea certe in nobis plus detrimenti pariet quam emolumenti . Una Christi caritas studia nostra recte dirigere valet , illumque animi timorem reprimere , quo speculabilium scientiarum professores ut plurimum laborant , ubi per ipsas ceteris emicare contendunt , vanaque gloriolæ cupiditate incensi , ab hominibus sciri volunt .

In hunc , pergit Mabillonius , scopulum non impingetis , Fratres charissimi , si cum Doctore Mellisso , vosmetipsos frequens sic alloquamini : Malo sine illa , quæ inflat , quam absque illa , quæ ædificat , inveniri : si singulæ cogitationes vestræ , si omnes studiorum conatus ad clariorem Dei , divinorumque perfectionum notitiam , & mundanæ gloriæ contemptum collineent . Ut enim ex Apostolo quæ sine caritate est scientia inflat , ita quæ caritate animatur , assequendæ humilitati , aliisque virtutibus plurimum confert . Si igitur , quas studio ac labore comparatis , divinarum humanarumque rerum notitiæ , hunc in

vobis fructum non referant , studiis nuntium penitus remittere , quam mortifero scientiarum veneno infici , aut , quem incautis plerumque pariunt , superbiæ tumore inflari , longe satius est . Hanc de studiis Monasticis Mabillonii sententiam propriis , quantum potui , reddere verbis visum est operæ pretium ; idque fusiori stylo , ne breviori forsan elevaretur ; unde facile cuique pateat Mabillonii scopus , quamque religiosum fuerit ejus circa studia , rationesque studiorum consilium . dum viri porro docti , Christiani , ac vere religiosi imaginem adumbravit , propriam nil tale cogitantem expressisse nemo non videt .

XLVI
Sul vindicias parat
Mabillonius.

Ex jam dictis conjicere quoque licet , quam alienum a Mabillonii mente consilioque fuerit , eam labefactare disciplinam , quam Religiosissimus Abbas de Trappa ad multorum salutem opportune adeo instituerat . Neque vero id umquam contendit Mabillonius , ut neglectis vitæ Monasticæ officiis , totum studiis animum intenderent Monachi : siquidem utraque simul conjungi quodam quasi fœdere verbis ipse docebat , & exemplis : nec umquam studiorum causa quemquam Congregationis Monachum , Superiorum licet jussu magni momenti operibus intentum , a labore manuum immunem volebat . Id ipse pro viribus exemplo comprobavit suo . nam ut cætera taceam , qui-

quibus ipse de more vacabat , Monasterii exercitia , probationis domum interdum adibat , ubi ab omni studiorum curis expeditus , sibi que uni intentus , tum labori manuum , tum etiam abjectioribus Tyronum muniis , eo fervore , animique lætitia se exercebat , ut Sodalibus omnibus admirationi , Tyronibus foret exemplo .

Hæc cum de studiis Monasticis sentiret Mabillonius , quid mirum si suam ea de re sententiam a prælaudato Abbate uti periculosam haberi , ac labefactandæ Monasticæ pietati idoneam prædicari mollesco animo tulit , eamque sibi juxta ac toti Monastico Ordini illatam injuriam (salva tamen debita tam religioso Abbati reverentia) vindicandam suscepit ? illum ad hujusmodi vindicias invitantibus non Præpositis modo , sed Gallicanæ quoque Ecclesiæ , Regnique viris celeberrimis : adeo Monachorum studia plurimum Reipublicæ interesse persuasum omnibus erat . Et vero quantum inde splendoris ac rei litterariæ commodi accederet , plane noverat Illustrissimus Franciæ Cancellarius D. de Boucherat , cum suadentibus licet nuper laudati Abbatis familiaribus , Mabillonii responsionem non modo non impedivit , sed etiam ad se accersitum , ad eam quam posset citissime adornandam enixe hortatus est . O-

Suam de studiis Monasticis sententiã vindicat.

peræ pretium est, inquit, immo Reipublicæ interest, id operis refellendum te suscipere, quod nuper in tuum de studiis Monasticis tractatum publicæ luci tradidit Abbas de Trappa. compertum quippe mihi est, cujus momenti sit hæc responsio: eam ubi perfeceris, illico apud me deferri cura: eam ipsemet discutiā, gratisque ejusdem edendæ privilegium concedi præcipiam. novi animi tui moderationem, tuamque in Abbatem de Trappa observantiam. quare te ad utramque hortari supervacaneum putaverim.

XLVII
Animad-
versiones
Mabillonii
in Abba-
tem de
Trappa.

Id operis ea celeritate ac diligentia absolvit, ut tribus post evulgatam Abbatis Trappensis responsionem mensibus, prælo maturum reddiderit. Opus porro illud Inscriptum voluit: *Animadversiones in Responsionem Abbatis de Trappa ad Tractatum de Studiis Monasticis*. ratus videlicet eo *Animadversionis* titulo suam se in laudatum Abbatem observantiam luculentius patefacturum: quæ quidem non impedit, quominus ut strenue, ita erudite suam de studiis sententiam propugnaret, Abbatis refelleret objectiones, responsa dilueret, ac criminationes, plurima sibi ab eo male impacta ostenderet, dissimulatum ac deformatum quæstionis statum restitueret; an scilicet studia litterarum, ea maxime, quæ viros Ecclesiasticos decent, Monachis liceant? majora tamen
aut

aut minora pro cuiusque captu & Superiorum iudicio : non autem ut falso exposuerat Abbas , utrum disciplinæ omnes , de quibus differuerat Mabillonius , Monachis necessariæ sint ; longe minus , an Monachi omnes indiscriminatim maioribus altioribusque studiis vacare debeant ? id enim numquam Mabillonio in mentem venerat . Quæ omnia ea styli moderatione animique modestia scripsit , quæ major ab austerioribus desiderari non potuit . Fuit hæc non modo celebriorum , quorum verbis usum sum , doctorum , sed aliorum quoque omnium vox , unaque sententia .

Lubet hoc loco quidpiam Lectori forte non ingratum referre circa Doctorum approbationes , & egregia illorum in prædictum Mabillonii opus encomia . scilicet cum ejusmodi de studiis Monasticis argumentum non exigui momenti videretur ; celebrioribus Parisiensis facultatis Doctoribus examinandum traditur . idque in se muneris libentissime suscipientes , mature ac diligenter expensum opus , tantis subinde laudibus exornarunt , ut earum pro innata sibi modestia impatiens Mabillonius , ad eas in lucem edendas nulla ratione adduci posset . unde non semel , perperam tamen tentata atque omnino desperata vel minimæ laudis particulæ mutatione , nonnulla ex approbatione

Mabillonii
modestum
specimen
egregium

ne partim moderatur , partim ipse refecat , quæ modestiæ graviora videbantur: quod ubi ex inopinato audit qui approbationem dederat per epistolam , quæ in alio alioquin acrior , asperiorque videatur , graviter de ipso queritur , quod nempe præter officium , præterque morem castigare suos examinatores ausus fuerit : affirmans se , quæcumque dixerit , vindicaturum ; neque passurum quidpiam vel minimum sua in approbatione , cujus verba omnia ponderaverat , immutari . quo dicto , Typographum adit , rescata restitui jubet , prohibetque vel particulam laudis detrahi . Duplex eodem ferme tempore hujus in Abbatem operis prodiit editio ; ex cujus lectione Abbatem & Mabillonium in eandem prope abire sententiam facile quivis intelligat .

XLVIII
Mabillonius
Abbatem
Trappen-
sem adit.

Eo res processerat , cum Serenissima quædam Princeps sœmina , quæ eximiam utriusque pietatem prope venerabatur , nihil apud Mabillonium non molitur , quo ad invisendum Abbatem adducat ; rata nimirum vel hoc mutuo congressu posse conciliari utriusque animos , facileque dirimi controversiam . Paruit sœminæ consilio pacis perinde ac caritatis studiosus Mabillonius ; seque ad Cœnobium Trappenſe contulit anno MDCXCIII. Ut vero primum alter alteri occurrit , se se invicem flexis genibus complexi sunt ;
nec

nec divelli ante potuerunt , quam plurima incredibilis humilitatis argumenta ultro citroque dedissent . Hæc qui serio reputare voluerit , facile intelliget non sine magno Superum consilio factum esse , ut viri integerrimi honestissima pugna congredierentur , ne sanctissimo pacis in-eundæ exemplo careremus .

Cæterum cum inita inter utrumque disceptatio undequaque percrebuerit ; non abs re fortasse videbitur ea hic referre , quæ in prælaudati Abbatis vita eleganter prorsus adornata memorat celebris ejus encomiastes Abbas Marfolier . *Ex iis , inquit , qui opus de vitæ monastica officiis impugnarunt , claruit , principemque locum obtinuit clarus ipse Mabillonius . Is enimvero cum Abbatis sententiam non omnino approbaret , immo in multis ab eo discreparet ; tractatum edidit non verborum asperitate , non scommatibus , non felle , jocisque ut plurimum fieri solet , respersum , sed mira eruditione nec minori modestia , insolenti animi moderatione , singulari prope morum elegantia & humanitate ubique conditum ; & sane ea caritate , quæ tantopere in Evangelio commendatur , virosque decet maxime religiosos . amat vindicari veritas , vultque qui totus caritas est , Deus , ut fide mentibus , sic cordibus caritate dominari . Huic Mabillonii operi aliud subinde Abbas de Trappa sub sequenti titulo opposuit : Responsio ad Tractatum de Studiis*

XLIX
Mabillonius
landat
Abbas
Marfolier.

diis Monasticis : quam responſionem anno proxime ſequenti excepere Mabillonii animadverſiones, ſeu conſiderationes. Reſ eo ſtetit, nec ulterius proceſſit. Exinde vero nulla ſibi viciffim non dedere ſincerae benevolentia ac exiſtimationis argumenta duo illi præſtantiffimi viri, vel potius duo magna Monastici Ordinis luminaria, regulariſque columnina diſciplinæ. Dignum ſane, quod Chriſtiani omnes æmulentur; ac ii maxime qui dignitate præfulgent, cæteriſque præluce-
re debent, pacis & caritatis exemplum.

L. Fuit is celeberrimæ controverſiæ exitus, quam etſi hoc loco nec refricare, nec curioſius ſcrutari ſit animus; obſervatum tamen velim, Summos Eccleſiæ Pontifices, ſuis non ſemel litteris approbaſſe Congregationis noſtræ ſtudia, ac ea maxime, quæ Sanctorum Eccleſiæ Patrum recensendis & illuſtrandis operibus affidue impenduntur. Id ſuis ſæpe litteris Apoſtolicis teſtatum omnibus voluit, qui doctrinæ, omniumque virtutum ſplendore toti Eccleſiæ præluceſt Clemens XI. Pontifex Maximus, potiffimum vero nuperis quibus novæ, eique nuncupatæ Gregorii Magni editionis occaſione, Præpoſitum noſtrum Generalem dignatus eſt; quaſque hic omnium oculis ſub-
jicere juvat.

Diu-

Dilecte Fili. Salutem.

Diutius præterire silentio non possumus, quantopere nobis acceptum, probatumque sit studium, quod Congregatio tua SS. Ecclesiæ Patrum operibus recensendis, iisque niuidiori quam antea cultu, publicam in lucem profec- rendis impendit. Quod quidem studium & professione virtuteque vestra maxime dignum duximus; & non vobis dumtaxat gloriosum, verum etiam rei Christianæ ac Orthodoxæ in primis Religioni saluberrimum fore confidimus. Quamobrem te, monachosque tuos in Domi- no hortamur, ut in egregio hoc instituto stre- nue, diligenterque pergatis; pro certo habena- tes, quidquid in honorem commodumque ve- strum a Pontificia benignitate poterit profici- sci, id nullo vobis unquam tempore defutura- ram. Interea vero mitti ad te iussimus sa- cra quedam munuscula, iis potissimum erudi- tis viris, arbitrati tuo, distribuenda, qui in ejusmodi editionibus adornandis incumbunt; ut ipsis argumento sint paternæ qua eos com- plectimur, Caritatis. Tibi autem dilecte Fi- li, præcipue nostræ benevolentia pignus, A- postolicam Benedictionem peramanter imperti- mur. Datum Romæ xix. April. 1706.

Breve A-
postolicum
in gratiâ
studiorum
Congre-
gationis S.
Mauri
Præfetto
Generali
directum.

Idipsum quoque gloriosæ mem. Ale- xander VIII. & Innocentius XII. testa- tum antea fecerant; nec semel Monasti- ca studia toti non solum Ecclesiæ, ve- rum etiam Instituto nostro saluberrima declaraverant. Quamobrem prælaudatus

Inno-

Innocentius inito nonnullas in Italia Benedictini Ordinis Congregationes reformandi consilio, inter varias, atque huiusmodi reformationi firmandæ opportunas, quas condi iussit, regulas, id in primis, ut patet ex Decreto Maji 12. ann. 1695. statutum voluit, ut Monasterium unum efformandis ad pietatem & doctrinam junioribus professis designaretur. Vindicandis porro Monasticis studiis opportunissima videtur Cardinalis Josephi Aguirrei directâ Mabillonio Epistola, quam primus publici juris fecit Josephus a Porta Theologus Casinensis initio versionis latinæ, Venetiis editæ ann. 1704.

Epistola
Cardinalis
Josephi A-
guirrei.

Admodum Reverende Pater.

Nihil mihi gratius accidit, quam ubi litteras tuas accipio; aut libros lego, præsertim hunc novissimum de ratione studiorum Monachalium adversus piissimum illum Abbatem de Trappa. Nondum mihi fuit tempus totum illum percurrendi; sed adhuc restat major ipsius pars evolvenda. cum autem scriptus sit lingua Gallica mihi peregrina, in qua hætenus exiguos progressus feci, solum dicere possum cum veteri illo Philosopho: Quæ intellexi bona sunt, credo & quæ non intellexi. Idem mihi passim accidit in libris Gallicis etiam prædicti Abbatis, quos ingenti numero apud me habeo, & interdum lego, aut coram me legere facio. Certe in hac parte
sive

sive defensione studiorum Monastici Ordinis , rationes tuæ , probationes & documenta ex tota fere antiquitate Christiana desumpta , videntur plane rem extra controversiam ponere. Si nulla utilitas , nullum meritum , nihil denique laudabile est in studiis & exercitiis litterariis Monachorum ; væ majoribus nostris , qui tot sæculis a tempore Patriarchæ Benedicti in iis laborarunt ; væ tibi , tuique similibus in Congregatione Sancti Mauri ; væ & mihi aliisque meorum Fratrum in Hispania , & alibi fere . Profecto miserabiliores sumus aliis hominibus , si tota nocte laborantes nihil cepimus : atqui loquendo de iis qui pietatem in primis colunt , ac subinde litteraria studia debito modo ac tempore in eum scopum dirigunt , immane paradoxon & minime tolerandum erit , si ab illo scripture aut quoquam alio damnentur . Melius certe ac rationabilius irvehi potuisset adversus quoslibet præsertim Monachos , præpostero fine , modo , ac via studentes , aut plus sapere appetentes , quam oportet sapere : nimirum ex his capitibus peccatur frequentissime ab iis etiam , qui Monasticam vitam professi plus justo atque incongruo modo exercitationibus litterariis se dedunt , non tam in Dei obsequium , utilitatem publicam & privatam laborantes , quam ob curiositatem , ambitionem , aut illiberalem questum ; quin & sæpe non solum in Scholis publicis , sed etiam privatis Monasteriorum magna temporis pars insumitur , jactura irreparabili

rabili, in questionibus prorsus inutilibus, similibus arancarum telis, in quibus nihil est præter scholasticam quamdam subtilitatem. Id mihi etiam contigisse, pro more sæculi, qui etiam in Religiosos viros & claustra Monastica irrepsit, fateor non absque cordis mei dolore: multa dictavi, scripsi, & typis mandavi parum utilia, quamvis plurima alia ejusdem generis resecauerim. Quæcumque de cætero edere contigerit, absque ea labe sane prodibunt: quin etiam ante jam edita, si recudenda erunt, ab ejusmodi quisquiliis libera erunt, quantum mihi licuerit. neque enim omnia illa, quæ primo aspectu talia videntur, rescari penitus debent, cum multa eorum deserviant ad exercitationem congruam ingeniorum; & viam aperiant, mentemque exacuant ad graviores alias quæstiones penitus intelligendas & explanandas. Laudandus itaque esset Scriptor ille, si dumtaxat adversus hoc studendi ac scribendi cacoethes, præsertim in Monachos calamum strinxisset; atque ea in re me consentientem ac laudatorem inveniret. Deservient tamen illius scripta & observationes circa eam rem, ut Monachi omnes Sancti Patris Benedicti memores instituti nostri potiores curas, majoremque temporis partem impendant in exercitiis spiritualibus & sacris in regula præscriptis: studiis vero litterarum dumtaxat quantum & quatenus conferunt aut conferre queunt ad pietatem, perfectionem Christianam, religiosam, monachalem, & tandem
ad

ad perfectam charitatem erga Deum & proximum. Sed quid ego immoror in iis explicandis, quæ uberrime a te insigni eruditione in hoc libro explanata sunt & erunt; quin & a Congregatione tua observantissima pariter & doctissima usu ipso ac vivido exemplo demonstrantur?

Perge igitur, Vir eximie, & prosequero uti hactenus, simul cum aliis Sociis, quotquot incumbunt similibus studiis, & præcipue correctissimis editionibus operum Sanctorum Patrum; quales profecto sunt in primis novissimæ SS. Ambrosii & Augustini, quorum postremos Tomos accepi cum ingenti animi voluptate, & non minori erga vos grati animi significatione. Ne prætermittas, quæso, gratias meo nomine reddere quamprimum Reverendissimo Patri Generali, & salutem plurimam impertiri e-vruditissimis Michaeli Germano, Theodorico Ruinari, Bernardo de Montfaucon, aliisque similibus. Vale, & tuis ac tuorum Sacrificiis & precibus me nimium egentem Deo commenda. Romæ 22. Jan. 1692.

Cæterum quamvis in hac de studiis disceptatione plurimum ob adversarii famam claruerit Mabillonii moderatio; haud tamen absimilem in aliis adhibuisse docent isthæc digna quæ referantur, Rei diplomatice verba. Jam vero, inquit, diligentie moderationem conjungere operæ pretium duxi, ratus ut in moralibus civilibusque rebus, sic in artibus omnem definitionem esse periculosam,

LI
Mabillonii
moderatio
ac prudentia
Christiana.

præsertim in illis , quæ necdum penitus illustratæ sunt , disciplinis : propterea quod ex incautis assertionibus facile in errorem inducantur alii , quibus comperta & explorata non est earum rerum cognitio . Quapropter in affirmando , quod observaveram , tardus & circumspectus , in negando parcior & religiosior esse studui . Neque tantum hac in parte moderationem exercere visum est , sed etiam in modo ipso sive tractandi , sive refutandi , pacato ac tranquillo , qualis veritatis ac Christianæ Religionis cultores decet . Unde ne vera quidem obiecturus sum , nisi causa id exigat : mihiq; ob oculos præcipue propositum fuit , ne quod mihi verbum in mentem veniret , quo quisquam offenderetur . satius quippe arbitratus sum fortia mollius dicere , quam vehementius . nam quæ fortia , dum dicuntur , videntur , male sana , cum læserint , merito reputantur . Sed hac in re opus est maxime prudentia Christiana , ut nec veritati obfit languens ac frigidus stylus , nec immoderatus caritati . Ab his legibus si quandoque me aberrasse contigerit , id mihi , quæso , benignus lector ignoscat ; & præter animum ac votum accidisse persuasum habeat .

Et certe moderationi potissimum studebat Mabillonius ; nec unquam tuendæ suæ sententiæ causa cuiuspiam animum offensum aut a se divulsum volebat . Id vero præsertim præcavere videbatur , cum orta , religiosa inter Sodali-

tia ,

tia, aliqua contentione, Ordinis jura, privilegia, aut id genus alia scriptis vindicanda occurrebant. Tametsi enim omnes Christiano, quo par erat, prosequeretur adfectu; propensiori tamen studio eos complectebatur, qui divino cultui essent mancipati. unde ista Doctoris Mellisui verba frequens-usurpabat, *Unum Ordinem professione teneo, ceteros caritate*. Nihil umquam aut cæca mente, aut humano intuitu adgredi solitus, sed uno semper veritatis atque æquitatis amore ductus rem sibi nullam, nisi validis rationibus, gravique autoritate firmatam, agendam suscipiebat: ad susceptam vero strenue tuendam, feliciterque superandam non parum juvabant ejus in rerum usu præclarissimarum eximia sagacitas, in rebus discernendis acre limatumque judicium, demum in dilucidandis expedita ingenii facultas.

Argumento sunt gemina illa scripta, quæ adferendis contra Regulares Canonicos, Sodalium nostrorum Divionensium in Burgundiæ Comitibus, præcedentiæ jura concinnavit: quæ quidem ejusmodi sunt, ut, peritorum judicio, non tam documenta, quam eruditæ dissertationes dici jure ac merito debeant, ob varia scilicet, quæ in eis passim illustrantur, historiæ capita. Ea tanti fecere Germaniæ Monachi, ut ad similia quoque

LII
Jura præcedentiæ
contra
Canonicos
Regulares
vindicat.

jura vindicanda non semel ac feliciter
 usi, ad publicum commodum latine red-
 di, typisque subinde consignari curave-
 rint. Quam in ejusmodi rebus apprime
 versatus foret Mabillonius, non ita pri-
 dem palam fecerat, cum eximios, au-
 reosque plane libros de Imitatione Chri-
 sti, decertantibus licet, atque acerrime
 reclamantibus Regularibus Canonicis,
 Ordini Benedictino, suoque legitimo au-
 ctori Joanni Gersen Vercellenis S. Ste-
 phani Cœnobii Abbati adseruit. Extat
 ea de re opusculum ann. MDCLXXVII.
 luci publicæ datum, in quo Mabillonius
 valide adeo, ac erudite asperiora refellit
 adversariorum scripta, ut omnem ipsis
 præclusisse defensionem viam in confesso sit
 apud omnes. Nemini porro non arridet
 quæ in hoc opusculo eminet Mabillonii
 moderatio, atque in ipso concertationis
 æstu, pacis ac religiosæ caritatis studium
 prope singulare. Utrumque abunde testan-
 tur in fronte operis posita, ac viro plane
 religioso dignissima verba: *Si mihi, inquie-
 bat vir caritatis studiosissimus, aut ledendæ
 vel minimum caritatis, aut, quam tuncdam
 suscepi, causæ amittendæ optio daretur; librum
 de Imitatione Christi aureum licet atque Ordini
 nostro longe honorificum adversariis concedere,
 quam Christianam vel leviter caritatem
 violare multo præstabilius duxerim.* Et requi-
 dem vera id ei in omni contentione potis-
 simum

sumum curæ erat, ut numquam hujusmodi concertationibus discinderentur Religiosæ familiæ. Noverat siquidem vir moderatissimus, aversos vel semel animos perdifficile conciliari. Quamobrem ubi disceptatio ad certum terminum devenerat, a cœptis, jure licet ac ratione longe superior, desistebat: mallebatque non suas modo, sed & adversariorum responsiones silentio premere, quam ulterius progredi non sine dispendio caritatis, quam unam & ipse sibi proponebat, & cæteris omnibus propositam esse volebat.

Eo pacis & caritatis amore incensus nullam in familiari congressu diligentiam non adhibebat, ne quemquam verbis offenderet, aut disceptando vel leviter commoveret. Hinc pro viribus rixas & contentiones procul amandare sollicitus, hæc cum Apostolo gentium proferre solebat: *Si quis contentiosus sit inter vos, nos talem consuetudinem non habemus*, Et tum quidem rem tacitus audire, quam vanam, ac sæpe noxiam disputationem inire multo tutius satiusque ducebat. Hinc non sine adstantium admiratione viris inferioris ingenii, longeque inferioris doctrinæ ultro cedebat: illorum placita, si quando, ut solent indocti, magisterium arrogantius affectabant, ceu discipulus auscultare, ab iisque etiam erudiri non dedignabatur; immo, ceu revera, quidpiam fuisset edo-

LIII
Ejus pacis
studium.

ctus, ipsis, qua pollebat morum elegantiā & humanitate, gratulabatur. Quam gloriæ suæ negligens, tam studiosus erat alienæ: neque audire neque dicere quidquam sustinebat, quo vel minima labe alicujus famæ aspergeretur. Eruditi nomen tota qua patet Republica Litteraria jure adeptus, de suæ tamen eruditionis fama haudquaquam gloriabatur; celabat ultro, adeo illam non ostentabat, scire, quam sciri longe cupidior. Siquidem exploratum habebat vir Religiosissimus, nihil scientiæ ac virtuti tam inimicum, quam scientiæ propriæque virtutis opinionem. Humilitate, inquiebat, humilitate opus est, quæ fundamentum est sapientiæ, & veræ gloriæ ac doctrinæ seges: quæ non quid actum sit, sed quid agendum, non quid adsit, sed quid desit, attendit: quæ demum non de quæsito gloriatur, sed de quærendo sollicita est. Sic modeste sentiebat vir modestia insignis; eamque calcabat viam humilitatis. Hujus amore captus, si alicujus interdum Sodalitatis focius domum cum eo sæcularem adiret, illorum se mox oculis subducere studebat, quibus se vultu ignotum putabat, vultu inquam (cui enim Mabillonii nomen peregrinum esse poterat?) ibique ceu obscuri, nulliusque fuisset in orbe litterario nominis Monachus, ac Monachorum novissimus, modeste

desse admodum se gerere non semel, nec sine admiratione observatum est. Qui porro sic latitantem Mabillonium solummodo viderant, dolebantque tanti viri alloquendi præteriisse occasionem, ejus saltem modestiæ & humilitatis testes ac spectatores fuisse sibi gratulabantur.

Præstat hic alterum proferre eruditi viri humilitatis specimen, ad illorum videlicet documentum, qui imperitorum more supra modum intumescences, res penitus ignorare, quam ab aliis, quos doctrina putant sua longe inferiores, addiscere malunt. Is itaque ubi primum me sibi socium adscivit, discendis Græcis litteris aliquandiu addictum voluit; eoque in studio perinde ac in cæteris non ipse solum per otium opem tulit, verum etiam, qui me græce erudiret, magistrum tradi curavit. Hic vero per mihi mirum accidit, cum, sive mecum ipse quoque Græcis litteris operam dare, seu mihi stimulos addere vellet, docentem magistrum ceu discipulus audire, eosdem, quibus utebar, libros legere, locutiones explanare, verba ac verborum radices scrutari non esset dedignatus. Quantum porro arrideret ipsi hæc humilitatis exercitatio, vel ex ea, quæ tunc in eo elucebat, vultus mentisque hilaritate facile quisque intelligebat.

Hic nonnulla alia caritatis simul & hu-

LIV

Ejus in ad-
versarios
humilitas.

militatis exempla memoranda sese offerunt; & ea maxime, ex quibus qualem se in adversarios gesserit, plane edocemur. Ex iis unum, qui per annos aliquot asperrimis in eum scriptis invecus fuerat, qua officiis, qua obsequiis, qua demum urbanitate, animique modestia sibi ita demeruit, ut in se reversus temere in eum calamum strinxisse ultro confessus sit. Ipse vero injuriæ immemor, memor clementiæ, nullum exinde officii studiique genus ei non detulit: quin etiam calamum acuentem amicum a scribendo deterruit. Quid alterum memorem, qui cum ab suis ad adversarii partes descivisset, ac beneficiorum prorsus immemorem non semel se ostendisset; ad se tamen non voluntate, sed necessitate confugientem incredibili caritate excepit; nullamque, quo illum ab infelici casu eriperet, gratiam & auctoritatem non adhibuit; subinde vero ereptum, rursusque beneficii immemorem non solum non indigne tulit, sed pari quoque, quo antea, studio complexus est.

Haud absimili caritatis, atque humilitatis amore inflammatu ab iis veniam interdum rogabat, quorum animos vel hac animi demissione demulcere, sibi que demereri se posse arbitrabatur: eo demum humilitatis (quam Christianorum omnium, maxime vero Religiosorum tesseram

ap-

appellabat) studio tenebatur, ut ejusdem exercendæ occasionem prætermitteret nullam. Nonne, aiebat, æquum est, ut vel interdum vanitatem proteramus nostram, qui tam sæpe inaniter gloriamur, nosque immerentes licet supra modum extollimus? expedit rebus quandoque nos conflictari adversis, ut vel ex iis infirmitatem experiamur nostram. Neque enim sumus alicujus apud Deum meriti, nisi ejus causa, & amore adversa quæque strenue sustineamus. Hunc demissi animi sensum cuidam, cujus pietatem probe noverat, mœrenti amico aliquando suggerebat, quem afflictum sibi crimen ab se amoliri vix patiebatur. Is quippe, reponerat Mabillonius, apud Deum meriti decerpit plurimum, qui vindicandæ suæ apud homines famæ studio animum non intendit. Deinde addebat: Adversa quæque æquo demissoque animo ferre manifestum divinæ in nos benignitatis argumentum est, ac maximum sane quod in hac vita expectari queat laboris virtutisque præmium, in terris quidem parvi aut pæne nihili æstimatum, quippe non satis mortalium mentibus exploratum, sed in cœlo, ubi vera felicitas est, pro merito æstimandum. Hæc ut divina autoritate firmiora redderet, ac plane persuaderet, locum illum indigitabat Evangelii Sancti Marci, in quo

Marci cap.
10.

quo inter multa, eaque varia, quæ omnia relinquentibus promittuntur etiam in hac vita præmiorum genera, persecutiones haud postremum locum obtinere dicebat.

LV

Quam humilis in adornandis operibus.

Mabillonii obedientia.

Hæc de humilitate, cujus exercitio mirum in modum oblectabatur, quamque veluti fundamentum posuisse videbatur, cui tanta vis eruditionis, tantæque animi dotes tuto infiderent, sentiebat Mabillonius. tumque potissimum dabat virtutis hujus specimina, cum opus aliquod publicæ luci consignandum parabat. Tunc enimvero eruditos, quin & alios doctrina licet inferiores viros consulere, eorumque parere consiliis non dedignabatur. maxime vero cum quidpiam aut vindicandum, aut impugnandum adgredebatur: tum namque edenda diligentissime examinabat, diuque & accurate expendebat, ne quid aut veritati non consonum, aut contrarium caritati proferret. Tantum Præpositis deferrebat suis Mabillonius, nihil ut iis umquam aut inconsultis, aut invitis emissum in lucem voluerit: immo vero ut ipsis interdum morem gereret, non pauca, suo licet judicio haud contemnenda, ultro suppresserit. Studia sua ut Præpositorum consiliis, atque ad Deum precibus dirigerentur, enixe humiliterque rogabat; nec ullum umquam in se opus, nisi iustus

sus suscipiebat . adeo a Præpositorum ductu simul & imperio pendere unice cupiebat ; præviâque ac ducem amabat obedientiam . Porro ita debitæ Præpositis suis obedientiæ dabat operam , ut longe majorem Ecclesiæ , atque ab ea constitutis judicibus daret . Eam Mabillonius in cunctis suis operibus , ac præsertim in nupero ante obitum evulgato Annalium tomo palam fecit his verbis : *Multa , inquit , mihi condonari , quæ quidem tolerabilia sunt , multa indulgeri opto , excepto si quid contra quempiam inofficose , maxime si quid vel tantillum contra debitam Catholicæ Romanæ Ecclesiæ reverentiam vel doctrinam mihi nec cogitanti , & nolenti excidisset . absit enim , ut ab hac regula veritatis , maire , inquam ; Ecclesia unquam dissentiam ; cujus judicio ac censuræ , quæcumque hætenus scripsi , vel posthac scripturus sum lubens volens & ex animo submitto ; in cujus sinu & fide semper vixi , & constanter adjuvante Deo e-
mori exopto .*

Mabillonil
in Eccle-
siam , Se-
demque
Apostolicâ
observan-
tia.

Non prius quidquam operis solebat ad-
gredi , quam Sanctissimo coram Sacra-
mento , ejusdem rite adornandi , atque
absolvendi gratiam postulasset . Subinde
vero primum operis folium , ceu laboris
studiique primitias Christo nuncupaturus ,
reverenter super altare deferebat . In cel-
la nihil nisi præmissa , qua potissimum
nitebatur , oratione inchoabat . noverat
liqui-

Pietatis
specimen

Fuga laudis.

siquidem vir religiosissimus, ab uno Deo bonorum omnium fonte cuncta profluere; vanasque, non tantum noxias sine ipso fore, quæ studiis comparantur, rerum omnium etiam præclarissimarum notitias. Ut debitæ virtutibus gloriæ se subduceret, eas humilitati tegendas committebat simul & servandas. cæteris testibus nemo major, seipso iudice, nemo minor. quo sibi vilior, eo major erat ejus in Deum fiducia, deque acceptis ab eo beneficiis intensior grati animi sensus. Illud præ cæteris verebatur, ne vel minimam gloriæ, quæ uni Deo tota debetur, particulam retineret sibi: nihilque diligentius cavebat, quam ne oculis hominum quidquam objiceret, unde sanctitatis colligeret opinionem, aut aliquo in pretio esse videretur: unde laudatores haud secus, atque insidiatores fugiebat. quo ipse afflatus erat spiritu humilitatis, eundem cæteris afflare studebat. Gratulare, agebat aliquando cuidam juniore, sibi que dudum carissimo sodali, qui primum suum opus non sine quodam eruditorum applausu in lucem emisserat: gratulare Deo, qui, quo tibi animum adderet, studia tam benigne obsecundavit tua: at cave in primis, ne tibi, sed uni Deo totam probati operis gloriam tribuas. Et sane infelix, ac miserabilis plane foret conditio

no-

nostra, immo iusta nobis inureretur ingrati animi nota, si, quibus a supremo donorum omnium largitore Deo ornati sumus animi doribus, ad vanam gloriam, nostrique jactantiam uteremur. Cum enim omne donum optimum, & Jacobi 1. cap. 7. omne donum perfectum defursum sit, descendens a patre luminum; cœlo referenda esse noverat, quæ de cœlo essent; & cujuscumque generis, sive innata, sive labore parta, vel superioris supernaturalisque ordinis dona tantum pretii habere, quantam ex illis Ecclesia ædificationem acciperet.

Ea animi modestia cum singulari prope eruditione conjuncta, omnium in se convertebat oculos, omnium sibi demerebatur amorem, nedum existimationem. Vixit summis sapientissimisque Principibus carus; & quo plus cupiebat latere, & nesciri in solitudine, eo, Deo sic disponente, frequentius ab iis ædificari, atque ad audiendam sapientiam ejus desiderari videbatur. Ecquem, amabo, fugiat, qua in eum humanitate usus sit Serenissimus clarissimæque mem. Burgundiæ Dux, cum ab Eminentissimo Cardinali Estræo invitatus, Sangermanense Cœnobium adiit, Natale primogeniti sui Britannæ Principis, publicis in Ecclesia precibus; solemnique pompa celebraturus? quo illum loco haberet Dux quoque Aurelianen-

LVI
Mabillonii
modestiam
& doctrinam
commendant
viri Principes.

nenſis non obſcure ſignificavit , cum in prædictum Sangermanenſe Cœnobium exceptus , mox latitantem ac de more Magnatum oculos fugientem Mabillo-
nium inquiſivit . cui tum ipſe , in me-
dium prodiens , Miror , inquit , Sereniſ-
ſime Princeps , quod mei meminiffe di-
gneris . nec enim iſ ſum , qui tantum ho-
noris merear . Cui tum Princeps : Abſit ,
ut tanti , mihiſque dudum amiciffimi viri
memoria animo umquam excidat meo .
Quo dicto , ut ſuam in eum exiſtimationem
palam oſtenderet , præclara illius
merita ſuis coram aulicis laudibus proſe-
qui non eſt gravatus . Infinitus prope
ſim , ſi proſequar quantam apud Regni
primarios , doctrina perinde ac dignitate
conſpicuos viros adeptus ſit virtutis juxta ,
ac eruditionis famam , quantum apud
omnes nominis pondus , quantam ubi-
que laudem & autoritatem . Verum ſi-
lentio premere non licet quanti illum
multis in locis fecerit , qui totius Eccle-
ſiæ clavum ſapientiffime tenet , Clem. XI.
Id certe in primis teſtatus eſt ; cum ad
ſupremum honoris gloriæque faſtigium
ipſe unus , gratulantibus ac plaudentibus
cunctis , ingemiſcens & in lachrymas pe-
ne ad morbum uſque effuſus , aſſumptus ,
multorumque Summorum Pontificum ve-
ſtigiiſ inſiſtens , aureos plane Bernardi
commentarios *de Conſideratione* , Eugenio
Ter-

Tertio filio quondam suo inscriptos, quibus ipse in tractandis continuis, iisque gravissimis totius Ecclesiæ negotiis uteretur, separatim ab eo nova luce, novaque forma donatos voluit. Quo porro plausu elegantiore sibi nuncupatam opusculi hujus editionem exceperit dudum laudatus, nec umquam sine laude nominandus Pontifex, luculenter aperiant directæ ad Præpositum nostrum Generalem D. Claudium Boitard, Pontificiæ litteræ, dignæ plane quæ hic omnium oculis subjiciantur.

Summi
Pontificis
in Mabil-
lonium ex-
istimatio.

Dilecte Fili Salutem.

Ornamentum profecto singulare accessit gratulationis officio ob exaltationem nostram ad Apostolicum Solium filiali reverentia a te nobis exhibito, ex opusculo D. Bernardi De Consideratione, quod elegantioribus typis nuper edi, ac nostro nomini inscriptum tuo ipsius & Congregationis, cui præficeris nomine, ad nos deferri curasti. Cum enim probe teneamus quam salutare supremis Ecclesiæ Rectoribus argumentum in eo proponatur; cupimus sane præclaro Prædecessorum nostrorum exemplo pari spe fructus, ea inde attingere monita, quæ auctor sanctitate æque ac doctrina celebris e Salvatoris fontibus hausta, in electam ejusdem vineam mellis suo derivavit eloquio. Gratum autem supra modum accidisse nobis hujusmodi studiosæ erga nos voluntatis specimen explicare re ipsa peroptamus: ac pro-

Litteræ
Pontificiæ.

inde

inde paternæ nostræ caritatis documenta nunquam deerunt tibi ac universæ Congregationi, iisque potissimum qui in recensendis Ecclesiæ Patrum operibus, pio ac laudabili instituto hætenus laborarunt, & adhuc indefinenter laborant: quibus omnibus & singulis Apostolicam benedictionem peramanter importimur. Datum 8. Martii 1701.

LVII
Epistola
de cultu
Sanctorum.

Quo Mabillonium loco haberet laudatus Pontifex, haud ita post luculenter testatus est. Enimvero ut erat Mabillonius religione & eruditione perinde conspiciuus, immodicos quosdam honores inique ferens, qui in nonnullis Galliarum locis præter sapientissimas a Summis Pontificibus præscriptas regulas, quibusdam Sanctorum ignotorum, seu ut vocant baptizatorum reliquiis Roma advectis impendebantur, de hujusmodi cultu modeste differuit, ut abusum illum evellere, medicamque ei manum admovere satagerent custodes religionis Præsules. Rogatus igitur sententiam aperire suam de duorum tumulorum inscriptionibus, quarum altera in agro Vefontionensi, altera apud Ambianos nuper reperta fuerat, de corporibus in iis inventis, essentiae Christianorum, an paganorum? Et si quidem Christianorum, an Sanctorum dicenda essent, illisque cultus impendi posset, qualis corporibus Sanctorum Roma advectis haberi solet? an veri præterea

terea Martyres habendi essent illi sive anonymi, sive obscuri nominis, quorum corpora cœmeteriis eruuntur? quibus indicibus eorum Sanctitas, & Martyrium discerni possent? quo denique cultus genere Sancti illi incogniti essent honorandi? Rogantis voto ut faceret satis, eosque revinceret hæreticos, qui Ecclesiam ea de re velut supersticiosi cultus ream traducunt, quasi Sanctos personatos fidelibus colendos exponat, epistolam sub nomine *Eusebii Romani ad Theophilum Galiam de cultu Sanctorum ignotorum* scripsit, ea sane styli moderatione, ea erga sacras reliquias reverentia, eoque demum quo fervebat religionis studio, ut eam una cum eruditis Catholicis quam plurimi Galliarum Præsules adprobatione exceperint; ex iisque nonnulli ad præscriptum ejus Sanctorum ignotorum cultum in sua ditione exactum voluerint. hinc non semel variis in regionibus, variisque linguis recusa legitur.

Probatum pene omnibus, cordatis maxime viris Mabillonii Opusculum, mole quidem exiguum, sed argumenti præstantia conspicuum, nonnullis displicuit, quodam zelo ductis, aut alia, quam hic aperire parum interest, ratione impulsis, unde ægre ferentes severiores Mabillonii regulas, mox alii asperrimis in eum libellis invehuntur, quos vix quidem le-

Nonnullis
displicet
hæc epis-
tola.

ctos rejecere eruditi quique ; alii vero , ut invidiam auctori pararent , ejus lubricatiunculam ad Sacram Congregationem Indicis deferunt , libellulumque in eum edunt , qui vix natus interiit , silentioque sepultus est .

Qui porro præ aliis Italiæ litteratis hac in re versatissimus erat , inclytæ mem. Raphael Fabrettus , Mabillonium dudum sibi amicissimum in sua Inscriptionum collectione non semel laudat ; nonnullisque notatis , in quibus ab eo dissentiebat , operum ejus locis , argumentum de Sanctis incognitis omnino silet , nihilque hac in re Mabillonio opponit : unde eum cum Mabillonio in eandem abiisse sententiam facile quisque intellexit . Et certe cultum illum Sanctorum ignotorum alicubi præter modum , præterque Summorum Pontificum mentem regulasque ab eis sapientissime constitutas longius quam par esset , processisse , ultro professi sunt , non solum e Gallis , sed e Romanis quoque peritissimi viri . Id luculenter admodum non ita post demonstravit Mabillonius in Commonitoria sua epistola ad D. Claudium Stephanotium Procuratorem nostrum Generalem in Curia Romana : quam ubi legere Congregationi Indicis præpositi Cardinales , non tantum approbarunt , sed ex iis quoque viri gravissimi eam ab
omni

omni censuræ discrimine tutam palam
nec semel contestati sunt.

Res hæc penitus composita putabatur,
cum parvo interjecto tempore eam no-
vis artibus acrius insequuntur, nullam-
que, ut in prædictam epistolam censu-
ram obtineant, auctoritatem non adhi-
bent quidam homines; jamque rese-
o venerat, ut ea quin a Sacra Indicis Con-
gregatione notaretur vix dubium esset,
cum Eminentissimorum quorundam Car-
dinalium consilio franguntur adversario-
rum conatus. illi namque pro suo in
Ecclesiam Sedemque Romanam studio
Summum Pontificem adeunt monituri,
indecorum sane futurum, si Mabillonius
de Ecclesia tantopere meritis nota affi-
ceretur ob expensum, qui præter mo-
dum atque Ecclesiæ regulas Sanctis i-
gnotis impendebatur, cultam; quem e-
jus decessor, & Sacra Rituum Congre-
gatio cohibere decretis suis studiose adeo
contenderant. Ea ratione permotus Sum-
mus Pontifex mox pro suo in Mabillo-
nium (cujus epistolam commonitoriam
adhuc Cardinalis legerat) singulari be-
nignitate, Congregationi Indicis ul-
teriori causæ cognitione interdixit; ra-
tus scilicet, Mabillonium pro sua in San-
ctam Romanam Ecclesiam atque Apo-
stolicam Sedem observantia; ultro ac si-
ne mora obtemperaturum. Respondit

LXIII
Ite um
im ugn
tur hæc e-
pistola.



expectationi Pontificis Vir, si quis alius, Sedi Apostolicæ addiſtiffimus. Enimvero ubi perſpectam habuit Pontificiam voluntatem, novam illico adornavit epiſtolæ editionem, lucique publicæ tradidit ann. MDCCV. Hanc porro novam editionem non temere, nec ſuomet arbitrio, ſed ad ejus nutum, penes quem reſidet ſumma præcipiendi auctoritas, a ſe factam monet in primis Mabillonius; ne quis eum rixas ſerere voluiſſe exiſtimaret, repetita hac editione, quæ potius eo tenderet, ut ſi quid obſcurius, explanaret, emolliret, ſi quid durius, emendaret denique, ſi quid ſecusquam par eſſet, in hac epiſtola ſcriptum nonnullis videretur.

Unum inſuper aut alterum in hac nova editione monitum lectorem voluit Mabillonius: nimirum ſi qua in ſacrorum delectu corporum errata aliquando contigerint, id nequaquam imputandum Eminentiffimo Cardinali Vicario, vel Pontificii Sacrarum Præſecto Epifcopo, quibus maxime hæc diſpenſatio competit; ſed potius alicui ex ſecundariis eorum miniſtris, qui præſcriptas ſibi regulas non ſatis interdum accurate ac religioſe obſervaverit; ſi tamen id unquam evenit.

Ad hæc ſi quid hac in editione duriuscule quibuſdam ſcripſiſſe fortasſe videbi-

debitur circa cultum hujusmodi Sancto-
rum, id quoque tantum intelligendum
monet vel de profuso illo cultu, qui eis
alicubi tribuitur contra Decreta Sacrae
Rituum Congregationis a fel. record.
Innocent. XII. approbata, quibus publi-
ca de illis Sanctis officia fieri prohiben-
tur: vel de sanctis illis corporibus, seu
reliquiis, quæ certa non habent indicia
martyrii sive sanctitatis. Neque vero in
posterum obscurum esse poterit, quæ-
nam illa sint indicia, postquam Sacra
Congregatio super reliquias instituta, de-
claravit, vitrea vascula sanguine tincta
cum Palmis, habenda esse pro certissi-
mis martyrii indiciis, cæterorum signor-
um examine in aliud tempus rejecto.

Placuit Romanis omnibus secunda hæc
editio; placuit Eminentissimis Cardina-
libus, ab iisque (eam referente Illu-
strissimo juxta ac eruditione clarissimo
Francisco Blanchino SS. D. N. ab ho-
nore cubiculario) non sine auctoris lau-
de excepta est: Placuit denique Sum-
mo Pontifici, qui, ea lecta, laudavit au-
ctorem; litterasque per D. Guillelmum
la Parre Procuratorem nostrum Genera-
lem, suo nomine ad eum scribi voluit;
quibus suam in eum existimationem pa-
trociniumque testaretur. Gratulationem
Summi Pontificis ubi primum accepit E-
minentissimus Cardinalis Gualterius, tunc

Miro Sum-
mi Ponti-
ficis ac E-
minentis-
simorum
Cardinal-
plausu ex-
cipitur
Romæ no-
va episto-
læ editio.

Nova epi-
stolæ edi-
tio.

Apostolicus apud Regem Christianissimum Nuncius, per Secretarium suum Mabillonio statim significavit. Eum quoque litteris suis ea de re dignati sunt nonnulli alii Cardinales: in primis vero Eminentissimus Cardinalis Ottobonus, cujus verba præclariora sunt, quam ut silentio præteriri queant: *Ut in Sacra Indicis Congregatione comparuit Eminentissimorum Patrum unanimi consensu, plenisque suffragiis commendata & adprobata fuit.* Is extitit novæ hujus epistolæ editionis exitus: quam eodem anno Gallice convertit cl. Abbas le Roy Regiæ Inscriptionum Academiæ Socius; quamque variis in Regni, Belgique urbibus multæ jam præcesserant cum latino, tum gallico sermone adornatæ editiones. profuit hoc Opusculum non Catholicis modo, verum etiam & heterodoxis: ex istis siquidem qui candidiores erant, eo lecto, professi sunt, multa sæpe cum Romanæ Ecclesiæ, tum Apostolicæ Sedi temere adscribi vitioque verti, quæ vel privatorum hominum arbitrium, vel nimia pietas in cultum sacrum invexit; quæ tamen Ecclesiæ Romanæ imputanda non sunt.

In Mabillonio felicitatem ingenii, indolis facilitatem quisque mirabatur, candorem vero animi prædicabant in primis heterodoxi, non tantum Catholici.

Inde

Inde nata apud utrosque probatæ fidei,
ac ejus spectatæ integritatis fama.

Porro ut ab heterodoxis ob egregia virtutis doctrinæque merita plurimi æstimabatur, ita illos mira vicissim caritate ipse complectebatur. hinc frequentes super illorum cæcitatem gemitus: hinc ad promovendam illorum conversionem, assidue ad Deum preces, nullaque non adhibita sollicitudo: hinc demum qua litteris, qua consiliis, qua congressu familiari nihil non moliebatur, quo illorum mentes excitaret ad veri saltem amandi, & investigandi cupiditatem. In primis autem objiciebat, quo miserandum in modum ab Ecclesia Catholica, ac proinde a via veritatis defecerant, infaustissimum schisma; non disceptandi quidem studio, sed eo mentis adfectu, eo salutis eorum desiderio, eaque benignitate, ut cum vel inviti diligerent suspicerentque docentem. Ex iis plerique illum ceu virum sanctum habebant, atque in via salutis positum esse haud inficiabantur. ut autem ipsos a tanti viri communione segregatos minus puderet, internam nescio quam jactabant, seu potius in Ecclesia fingeant, qua simul conjungimur, consensionem. Verum exprobranti Mabillonio, quod in re tanti momenti tam vanæ lubricæque opinioni temere adhærerent, lachry-

LIX
Mabillonii
zelus pro
conversione
hæreticorum.

mabundi reponabant , plurimum se illos detestari qui priores tam funesto schismati viam aperuerant , nec tamen , quod mirari subit , ad illud rejiciendum adduci poterant .

LX
Spargitur
in Mabil-
lonium
falsus ru-
mor.

Haud ita multo post nostrum ex Alfatia reditum , occasione miseri cujusdam apostatæ Monachi non Benedictini quidem Ordinis , sed affinis cum Mabilonio nominis , rumor per Germaniam spargitur : Mabilonium a religione simul & a fide Catholica defecisse , atque apud hæreticos se se recepisse . Movit & quidem gravissime Mabilonium professioni suæ , fideique Catholicæ addictissimum , atque adeo strenuum Ecclesiæ defensorem tam atrox , maleque structa calumnia ; moxque ne incautos decipiat fictus tam iniquæ defectionis rumor , illum per epistolas reprimere conatus , nullum ex Catholicis , qui calumniæ fidem habuerit , non sine ingenti animi gaudio accipit . Non sic apud Anglos , aliosque hæreticos non sic : siquidem & si de facti veritate omnino dubii , inde tamen gloriandi & adversus afflictos Catholicos superbius se se efferendi occasionem arripiebant ; quove lapsum turpiorem redderent , ac gravio-rem , Mabilionii merita supra modum extollebant . Id ubi audivit Mabilionius postremis ann. MDCXCVIII. diebus , Episto-

pistolam scripsit encyclicam ; jamque amici ope plurima ejusdem exemplaria undequaque per Angliam disseminare parabat, cum vel ex sola quam apud Anglos adeptus erat probitatis fama, dilapso penitusque restincto, qui apud illos percrebuerat apostasiæ nuncio, eam supervacaneam duxit, silentioque involvit. Hanc porro epistolam inter Mabillonii scripta repertam, publicæ luci tradere juvat, tamquam eximium, posterisque dignum spectatæ ejus fidei, ac religionis monumentum.

Exigit caritatis, officiique ratio, ut horrendam prorsus, qua omnis mendacii Parens vestram simul & fidem meam labefactare conatus est, calumniam ex animis vestris abstergam. id ingrati prorsus nuncii besterna die accepi a duobus Anglo-Benedictinis, qui in Sangermanensi Cœnobio solito curiosius rogata mei pro re gravissimi momenti alloquendi facultate, ubi me accedentem viderunt, vel ob id tantum quod conspexissent me, letos ad se reverti significarunt. Stupenti, rei que mysterium penitus ignoranti tandem aperta ac nunciata sunt, quæ de mea a Religione simul & Fide Catholica defectione quaqua-versum per Angliam, ac Germaniam jactabantur, quamque inde captabant hæretici Catholicos insectandi occasionem. Id quam vestri meique causa cordi meo grave molestumque accideris, neminem vestrum, Fratres Carissimi, non intelligere arbitror.

Tam-

LXI
Epistola
Mabillonii
Fratribus
Anglis
Catholicis
inscripta.

Tametsi porro non ambigam, quin meam apud vos fidem jam abunde satis testatam fecerint, purgaverintque prædicti Anglobenedictini, meque Ecclesiæ perinde ac vobis inviolabili caritatis fideique vinculo conjunctum, ac mori potius, quam aut a fide, aut a communione vestra divelli paratum, adseruerint: meam nihilominus ipse quoque fidem nosam vobis facere, vestramque in me sollicitudinem, nec non expertam ex turpi adeo calumnia molestiam aliquatenus temperare operæ pretium duxi. Et quidem si meipsum inspiciam, ne levissimam quidem tam horrendi facinoris suspicionem præbuisse mihi videor: si vitæ rationem attendam, nulla mihi umquam cum hæreticis consuetudo, nulla mihi cum illis de religione disceptatio fuit. illorum dumtaxat non semel desievi miserrimam vicem; eosque ad Ecclesiam, a qua tam inique defecerunt, pro viribus revocare studui. Si itinera, nullum duobus ab hinc annis extra Gallias suscepi, nec umquam Hollandiam cogitavi: si edita opera, nullum quoque, quod sciam, nisi ad Ecclesiæ defensionem, aut quam profiteor vitæ monasticæ commodum, ac ea, qua par est, animi demissione in lucem protuli: si denique mentem scrutari meam velim, Deum testor & homines, me nusquam tam nefarium apostasie consilium cogitasse, quin potius indubitanter persuasum habuisse, Catholicam Romanam Ecclesiam centrum esse unitatis, veritatis firmamentum, cui fidelis quilibet morem gerere-

gerere, atque immobiliter adhaerere debeat; unam eam esse, quae errori subesse nequeat, unam quae salutem dare possit; necessariam quoque esse visibilem auctoritatem, quae sive Fidelium dubia, sive controversiae dirimantur. adeo ut ea deficiente nulla sit, aut esse queat fidei unitas, aut certa regula veritatis. Argumento nobis sunt vanae eaque propemodum innumerae quae oculis nostris subjiciuntur haereticorum Sectae, quae vel ad Deismum vel Socinianismum seu potius ad impietatem recta collineant. ex quibus quam opportuna ac necessaria sit suprema illa visibilisque Ecclesiae auctoritas, explicandis ac definiendis quae saepe fideles inter agitantur fidei questionibus, luculenter colligitur. En, Fratres Dilectissimi, quae mea, ac, ut arbitror, fides vestra sit ac esse debeat; quamque, Deo juvante, ad extremum usque spiritum illibatam servaturum me plane confido. Haec porro a me dicta sint, Fratres carissimi, ut quam iniqua falsaque sit structa in me calumnia, probo intelligatis. Unum interim superest animi solatium, quod scilicet mihi nec uni, nec primo tam nefaria consilia afficta sunt. Equis enim nesciat Protomartyrem Ecclesiae Stephanum maledictorum ac in legem, & Moysen contumeliarum fuisse aliquando insimulatum, magnifice licet simul, & honorifice de utroque palam discernisset? Hunc ego Protomartyrem (cujus festivitati sacro die falsus de me percerebuit apostasia rumor) cogitavi; hunc mihi imitandum proposui;

sui ; ejusque vestigiis insistens tuenda Catholica Romana Ecclesie Fidei , novique fœderis auctori operam dabo . Reliquum est , ut quod ipse de suis , idipsum ego de meis adversariis sentiam ; Deumque , cujus vindictam retribuere est , suppliciter obtestor , ut eos fidei luce collustrare , atque ad Ecclesie gremium , a quo cum infelici nativitatis sorte , tum anticipatis opinionibus infeliciter recesserunt , revocare dignetur . Ceterum , Fratres carissimi , adjuro vos in nomine Christi Jesu , pro cujus amore simul & fide tanta ac tam acerba æquo animo toleratis , ut fortes stabilesque in ea fide permaneat , quam hactenus illibatam custodistis ; pro qua strenue decertastis , & omnia reliquistis , ita ut Angelo etiam de cælo descendenti , & contraria docenti , Anathema cum Apostolo pronunciare non dubitetis . Gratia Christi Jesu sit cum omnibus vobis . Amen .

LXII
Mabil lonii
zelus in
Religio-
nem , &
Missiona-
rios Apo-
stolicos .

Ex hujus lectione epistolæ facile quis intelligat , quo Mabillonius flagraret Religionis zelo , sive ad eorum confirmandam fidem , qui in ejusdem violandæ discrimine versabantur , sive ad illorum promovendam conversionem , qui ab Ecclesia segregati ejusdem communione privabantur . Eo religionis studio inflammatus , mirum est quanti faceret Missiones Apostolicas , quove lætitiæ sensu earundem progressus audiret , & incrementa . hinc rerum in iis gestarum legendis narrationibus

nibus mirum in modum oblectabatur ;
 iisque ita afficiebatur , vix ut a lachry-
 mis interdum temperare posset . hinc et-
 iam quam maximo poterat mentis ardore
 autorem & consummatorem fidei Jesum
 assiduis precibus interpellabat , ut ad ex-
 colendam vineam suam , & colligendam
 amplissimam animarum messem , opera-
 rios mitteret vere Apostolicos . Ex iis non-
 nullos dudum sibi familiares , & amicos
 enixe rogabat , ut se quoque in Aposto-
 licorum laborum , tantorumque præmio-
 rum , ac meritorum partem vocare di-
 gnarentur . Morti jam proximus nihil si-
 bi optatius significavit , quam ut ad u-
 num ex viris illis Apostolicis scriberet ,
 quocum ipsi fuerat vetus olim consuetu-
 do ; cuiusque litteras , ceu reliquias ve-
 nerabatur . Haud minoris apud eum præ-
 tii erant , qui causa tuendæ fidei , avi-
 tæque Religionis Romanæ , labores quos-
 que sustinerent , vitæ periculis se com-
 mitterent ; qui Patriam , consanguineos ,
 vitæ commoda , facultates , spes non du-
 bias , omnia denique sua Christum secu-
 turi relinquerent : nihilque non molieba-
 tur quo viris hujusmodi vel opem ipse
 ferret , vel suppetias aliunde procuraret .
 Eapropter singulari prope veneratione co-
 lebat , immortalis memoria dignum , nec
 satis umquam pro fidei merito commen-
 dandum Jacobum Secundum Majoris Bri-

Mabillonii
 in Regem
 Angliæ
 Jacobum
 veneratione
 ejusdem
 in Mabil-
 lonium be-
 nevolen-
 tia .

tan-

ranniæ Rêgem : assiduasque pro eo ac Serenissima Regina Sponsa , Dilectissimo optimæque spei Principe Filio , & subjectis omnibus , qui fortes in fide steterant , preces ad Deum effundebat . Qua porro benevolentia & existimatione Mabilionium certatim prosequerentur isti nunquam sine laude nominandi Principes , palam faciebant , vel cum in Sangermanensem Ecclesiam pietatis causa ipsi ultro veniebant , vel cum ipse deferendi sui in Principes obsequii gratia , ad eosdem in Sangermanensem civitatem veniebat , raro licet , nec nisi ab iis , quibus non parere religio erat , semel & iterum invitatus , ut modestiæ indulgeret suæ vir laudis impatiens .

S. Ger-
main en
Laye.

LXIII
Propagan-
dæ religio-
nis cura
ac sollici-
tudo.

Propagandæ religionis studio incensus nihil quo ejusdem fidem decusque promoveret non moliebatur . eo spectabant sive familiares sermones , sive litteræ ad varios directæ , potissimum vero quæcumque in lucem dabat opera . In iis namque eximia elucebat cum caritate doctrina , pietasque cum pari eruditione conjuncta , adeo ut simul fœderatæ mutuis vicibus scientia pietatem , pietas scientiam adjuvaret . Et sane cuique Mabilionii opera legenti facile patet , cum non mentibus modo illustrandis , sed divini quoque amoris igne accendendis , animum intendisse . Idipsum in primis , quos

no-

noverat discendis litteris magis idoneos , edocebat , ac pro viribus suadere iis conabatur : vanas , immo noxias omnino reputans quascumque rerum etiam præclarissimarum notitias , quæ nec ad meliorem adipiscentium frugem , nec conferunt ad aliorum utilitatem . non enim ad ostentationem , sed ædificationem Corporis Christi , donatas putabat animi doctes , aut partas labore scientias . hæc vero cum omnibus , tum iis potissimum insinuabat , qui adolescentium præponuntur Institutioni . Id enim muneris Ecclesiæ perinde ac Reipublicæ interesse dictitare solebat : eosque non parvi ducebat , qui erudiendæ juventuti vires , animum , curasque libenter impendunt . unde non sine ingenti animi lætitia , relictis interdum feriis etiam studiis , iis ultro aderat juvenum exercitationibus , annis ab hinc aliquot in multis Parisiensis Universitatis Gymnasiis institutis , in quibus non sine spectantium admiratione , audiuntur Juvenes , qui de rebus etiam gravioribus senili plane judicio edisserunt , elucidantque mirum in modum propositas sibi difficultates . Tum vero mirifice capiebatur Mabillonius , cum eisdem de historia selectisque SS. PP. operibus disceptantes audiebat ; ratus nimirum fructus inde uberrimos collecturam aliquando Rempubicam . Quamobrem nullo non studio con-

Quantum
juvenum
institutio-
ni promo-
vendæ in-
tentus.

contendebat , quo similes in aliis Regni provinciis instituerentur exercitationes : adeo Reipublicæ bono (cui promovendo plurimum confert accurata Juvenum institutio) potissimum intentus erat.

Sollicitudo Mabilonii de Parochis vicorum.

Post Juvenum institutionem proxima ipsi de vicorum Parochis cura ac sollicitudo . eos amore singulari & obsequio prosequabatur , quos existimabat pastoralis officio accuratius intentos , deque animarum salute magis sollicitos . qui urbes , inquebat , incolunt , labores honoribus , ac aliis oblectamentis temperant , pensantque vitæ commodis : qui vero vicos pagosque occupant , pastoralis curæ sollicitudines sine levamine sustinent , pondusque portant dici & æstus . uni denique experiuntur animi corporisque molestias ; cumque nulla vel saltem rara sit eis cum hominibus consuetudo , uni Deo ac ministerio suo vacare , assidueque orationi (qua nihil sane ad Sanctitatem adipiscendam opportunius est) incumbere coguntur ; indeque subjectorum sibi animos ac reverentiam conciliant . huc adde , quod urbanorum Parochorum labores atterere vermis quidam & domestica labes solet , inanis ex hominum plausu gloria , cujus illecebras & periculum nescit vicorum ac pagorum obscuritas.

LXIV Non ita in libris studiisque totus erat Ma-

Mabillonius, quin & orationi, qua studia litterarum per se se arida fatis & jejuna condiebat, sæpiissime operam daret. Sic porro necessariam ducebat orandi exercitationem, eam ut omnibus, iisque potissimum suaderet, quos assequendæ religiosæ perfectionis noverat sincere cupidos; certus, teste Augustino, Deum etsi bona sua cunctis abunde largiri paratum, ea tamen rite petentibus copiosius impertiri. *Petite, & accipietis.* nec cessabat hortari nostros ac stimulare ad orandi sedulitatem, cœlestium scilicet donorum fontem, & virtutum nutriculum; utque divinæ patefaceret misericordiæ divitias, hanc adhibere solebat cujusdam Sancti Patris comparisonem: Quo, inquebat, lac abundantius ex sinu nutricis elicitur, eo mamillæ fluunt uberius: secus vero, ubi suctus intermittitur, mox exsiccantur, perperamque dein exsuguntur, atque agitantur. Sic nos quoque quo ferventius sæpiusque orationi incumbimus, eo in nos copiosius fluunt cœlestium gratiarum charismata: intermissa vero, aut neglecta oratione, divinæ misericordiæ ope destituti, paullatim tepescimus, penitusque tandem exarescimus. Hæc fide simul & experientia edoctus, cæteros ipse edocebat. adeo ipsi familiaris erat orandi consuetudo, ut ea tantum vivere videretur. qua facilitate mentem

Orationē
assiduam
commen-
dat, sua-
detque.

August. in
Psalm. 102.

K

ad

ad Deum erigeret , omniaque in ipsum velut rerum omnium fontem refunderet, abunde qua verbis , qua scriptis , actisque testabatur . Quam attente ac familiariter cum Deo , tam libenter ac sæpe de Deo loquebatur . Solemne illi erat a cibo sumpto , quando mutæ colloctionis facultas datur , pios miscere sermones : quos ut suaviores redderet ac opportuniore , nonnullis modo Sacrarum Paginarum , modo selectis Sanctorum Ecclesiæ Patrum sententiis apposite sciteque condire studebat . ibi dilatabat spatia caritatis , aperiebat intimos animi sensus , languores ferebat , dabat cuique solatia , flammæ addebat & animos , blande semper atque in omni patientia & doctrina ,

LXV
Adulationem horret.

In congressu sic urbanum se gerebat ac humilem , vix ut sine adstantium stupore pariter & amore audiri aut videri posset . gratiam hanc & favorem conciliabat , non ambitus , non aulæ frequentatio , turpisque assentatio hominum : ab huiusmodi namque artibus , mundanæ gloriæ cupidis familiaribus tantopere abhorrebat , ut si vel amicis vel magnatibus gratulandi interdum munus committeretur , id ea sagacitate cum pari animi candore conjuncta præstaret , ut qua mente gratulantis partes ageret , facile quivis judicaret . Suæ hac in re ingenuitatis specimen præbuit egregium , cum viro sibi dudum

dudum amicissimo, atque aliquot ab hinc annis ad amplissimam regni dignitatem assumpto sic festive gratulatus est. *Gau- deo plane, Vir spectatissime, de amplissimo, quem nuper jure adeptus es, bonoris gradu, sed Reipublicæ tantum, cui te maxime pro- futurum arbitror; tibi autem summopere do- leo ob magna, nec satis verenda commissi ti- bi muneris discrimina.* Cui vir ille, mox in amplexum ruens: *Jam, inquit, dudum noveram, sed hodie potissimum experior, since- riorem Mabillonio amicum me habere neminem.*

Ubi demum obedientiæ vel officij ratio exigebat, sic debitâ magnatibus præsta- bat obsequia, ut nec adulatione verita- tem, nec religiosam offenderet sui osten- tatione modestiam, nec rei cujuslibet cu- piditate conscientiam macularet. ea ra- tione prodibat in publicum, ut animum vitæ solitariæ natum ubique ostenderet. Ejus in solitudinem studium paullo ante obitum expertus est, qui illum benevo- lentia simul & patrocínio dignabatur, Eminentissimus Cardinalis de Noailles, Parisiensis Archiepiscopus. cum enim Pa- stor ille vigilantissimus, perlustratis vicin- nis Sandionysiani Cœnobii locis, rogatu Præpositorum nostrorum, ac pro sua in nos benignitate in eo esset Monasterio hospitaturus; nullis non Superiorum pre- cibus illuc invitatus Mabillonius est, ut accedentem laudatum Cardinalem Archi-

Solitudi-
nis amor.

episcopum una cum cæteris Sodalibus exciperet . Paruit Præpositorum imperio atque Eminentiss. Cardinalis voluntati Mabilionius ; at delatis debitis tanto hospiti obsequiis , mox non diutius morari iussus , ad Sangermanense Cœnobium remeavit solitis exercitiis vacaturus .

Observan-
tiæ mona-
sticæ te-
nax.

S. Ger-
main en
laye.

Pari solitudinis amore , ad villas relaxandi interdum animi gratia , a viris licet undequaque conspicuis invitatus , ire renuebat ; aut si quando invitantis humanitati atque auctoritati serviendum putabat , id ea solum lege faciebat , ut solita nullatenus intermitteret vitæ monasticæ exercitia : quod rarissime quidem , nec nisi apud viros maxime religiosos sibi indulgebat . quo demum teneretur studio solitudinis , testatum in primis fecit , cum rogante præclaris in Ecclesiam meritis perinde ac operibus clarissimo Gallicarum Præsule ; immo suadente Præposito Generali , Sangermanensem civitatem , in qua tum Gallicani Cleri Comitæ habebantur , adiit , suam de quodam haud exigui momenti opere sententiam dicturus , ea tamen lege , ut extra monasterium a loco Comitiorum iter unius horæ diffitum pernoctare minime cogere-
tur . quod tribus continuis hebdomadis religiose admodum observavit , exemplum hac in re secutus Sanctissimi Legislatoris Benedicti , qui , referente Grego-
rio

rio Magno , non nisi omnipotentis Dei miraculo , ut extra cellam pernoctaret , adduci umquam potuit.

Porro ut erat Mabillonius in gratulationibus habendis ingenuæ mentis , ita in dandis consiliis singularis prudentiæ . quo hæc in pretio haberentur testari posset vir inter Regni primarios potissimum insignis , qui ejus non semel consilio usus , dictitare solebat , expertum se in Mabillonio sagacissimorum virorum prudentiam , cum Sanctorum pietate fœderatam ; seque pluries miratum quæ de rebus omnibus sine adulatione aut acceptione personarum responsa dabat luculentissima . Siquidem , ut jam dixi , ab omni rerum cupiditate liber , non quod hominibus , sed acceptum Deo , legibusque consentaneum esset attendebat . Neque vero is erat Mabillonius , qui hominibus placere quæreret , aut amaret in lucem prodire . cum enim nullius se apud homines nominis crederet , ac autoritatis , nemini nisi rogatus aut consilia , aut responsa dare solebat : cumque id ab eo precibus obtinebatur , tunc sibi proposita luculenter adeo dilucidabat , ut quid tenendum aut rejiciendum , amplectendum vel fugiendum foret , ex ejus responsis facile quivis conjiceret .

LXVI
Mabillonii
prudentia
in dandis
consiliis.

Hic quæ pro re nata exhibendæ occurrerent , innumeras propemodum litteras ,

Ejus consilia expedi-
ta.

petendi consilii causa ad eum directas , brevitatis studio tacitus prætermitto . Quis vero nesciat non in Galliis modo , ubi a Supremo Senatu permissa non semel ejus judicio est magnorum negotiorum cognitio ; quæ a veterum instrumentorum cognitione pendeat ; sed apud alias quoque nationes , commissæ gravissimarum causarum examina , diremptas demum ejus judicii autoritate lites ? eam apud omnes adeptus erat integritatis ac sagacitatis opinionem .

LXVII
Laudis
impatiens
seipsum
deprimit.

Tantis licet honoribus insignitus Mabillonius , haud inde tamen arrogantior , quin humilior potius longe videbatur . unus doctrinæ suæ comparatique apud omnes nominis plane nescius , virtutes , scripta , eruditionem , præclara denique merita extollentibus , una sui despicientia respondebat : utque majores inde laudes fugeret , laudis se ipse satis cupidum dictitabat . Paranti plura dicere , hæc reponerat : Equidem illas , quas mihi occinitis virtutes , nescio ; at peccata mea novi ; quis aut qualis sim , Supremus mortaliū omnium Arbiter judicabit ; ipse spes una , ac tota fiducia mea : rogate itaque ut talem me Deus efficiat , qualem me vos existimatis : eaque ratione sermonem alio sensim vertebat .

LXVIII
Vitiis licet
morbis

Mabillonii vires paullatim frangebant , morbosque interdum generabant mole-

stissi-

stiffimos, cum ejus ingenii vis acerrima, ^{affectus,}
 tum fevrieris observantia disciplinæ, ^{studia non}
 ardorquē pietatis, tum pia in seipsum ^{intermit-}
 crudelitas, studiorum denique assidua con-
 tentio. Enimvero; ut supra memoravi,
 acerbissimo capitis dolore laboranti aper-
 ta est, quæ deinde non sine discrimine
 obducta, temporum arteria: quæ in sta-
 tu integrum fere mensem ceu immotus
 permansit: gravissimo dein pectoris mor-
 bo ad vocis usque defectionem per annos
 licet aliquot exagitatus, haud solita ta-
 men studia intermisit; ut abunde docent
 edita ejus per id temporis opera.

Interim quo laboranti levamen afferre-
 tur, nulla à Præpositis non excogitata,
 nulla non experta remedia sunt. Eam
 ob rem semel & iterum ad aquas Bor-
 bonias missus, quæ non tam recuperan-
 dæ salutis, quam exercendæ patientiæ,
 moribusque probandis contulerunt. Fa-
 ctus ætate provectior, pleuritide febri-
 busque interdum molestissimis non sine
 discrimine cruciabatur, hiberna potissi-
 mum tempestate ob asperrima, quibus
 inter studendum corripiebatur, frigora.
 huic incommodo consultum voluere Præ-
 positi, concessa ei extra dormitorium cel-
 la camino ad ignem instructa; qua in-
 terdiu dumtaxat utens, noctu regularis
 observantiæ studio, ad solitam dormito-
 rii cellam se se recipiebat. Sub vitæ exi-

tum , vehementi adeo cordis agitatione vexabatur , ut animo interdum ac voce pene deficeret . Morbos porro illos tametsi acerbissimos pro viribus telare , non tantum mira animi patientia ferre studebat . cum vero conceptum animo dolorem continere non posset , haud inde tamen animo fractus ; quin divinæ potius voluntati se totum committens , inærentium ipse recreabat sodalium animos .

LXIX
Morti ob-
eundæ pa-
ratus.

His animi corporisque molestiis a Deo se misericorditer probatum, atque ad mortis memoriam revocatum existimans , futuræ desiderio vitæ , præsentis fastidio tenebatur ; aspernabatur terrena omnia . Cur mortem procrastinare desideramus , qui mori aliquando cogimur ? *Si aliquando*, inquit cum Possidio , *quare non modo ?* certus atque a Sanctissimo Legislatore Benedicto edoctus , quod Christianus quilibet præsertim vero Monachus *mortem præ oculis habere debeat* , hæc in familiari congressu verba Christi frequens usurpabat : *Estote parati , quia qua hora non putatis , Filius hominis veniet* . Conemur igitur , Fratres , pro viribus , ne mors nos aut imparatos , aut , quod absit , a Deo aversos excipiat . inde mortis , qua nihil ad recte vivendum opportunius est , frequens memoria , familiaris ipsi ut ita dicam consuetudo . Suos ea de re animi sensus in edito *de Morte Christiana* opusculo

Possid. in
Vit. S. Aug.

Reg. S. Be-
ned. cap. 4.

Luc. 12. 40.

Opusculi
de Morte
Christiana .

culo, luculentius ipse aperuit, quam ut hoc loco fusiori sermone explicari debeant. in eo namque virorum illustrium mortes cum suæ, tum aliorum excitandæ pietati accommodatas, in unum accurate collegerat: veritus autem ne multa, quæ circumferebantur opusculi hujus manu exarata exemplaria, se inconsulto, aut furtim luci publicæ traderentur, suadentibus viris pietate conspicuis ann. 1702. typis mandari curavit; editumque Serenissimæ Majoris Britanniæ Reginæ nuncupavit, ex cujus nuncupatoria Epistola de Regis Jacobi II. qui non ita pridem opinione Sanctitatis obierat, pretiosa morte differendi argumentum arripuit.

Ex assidua mortis memoria, & pro seipso ne imparatus exciperetur, vigilantia, mirum in modum crescebat in dies Mabillonii pietas; cui fovendæ non parum conferebant Sacrarum litterarum ac Sanctorum Ecclesiæ Patrum studia: ex quibus nonnulla studiose selecta loca partim memoriter tenebat, partim ad suum, & aliorum quoque usum scite collegerat: in primis vero sub vitæ finem eas excerpserat, conscripseratque Sacrarum Paginarum sententias, quæ juvandis ad pietatem & patientiam ægris, mortique jam proximis, opportuniore videbantur. Præ cæteris porro moverat illum locus ille Bernardi, in quo tres affi-

LXX
Ejus in
perfectio-
ne pro-
gressus.

gnan -

Tres Per-
fectionis
gradus.

gnantur perfectionis gradus: quorum prior is est, ut quis se tamquam advenam & peregrinum existimans a præsentî sæculo nequam immaculatum se custodiat, anhelet ad cœlestem patriam; ad eamque jugiter animum intendat. Secundus, ut sit mundo mortuus ac crucifixus, ejusque *vita sit cum Christo abscondita in Deo*. adeo ut cum Apostolo dicere jure valeat, *Vivo ego, jam non ego; vivit vero in me Christus*; perinde ac si diceret, *Ad alia quidem mortuus sum, non sentio; non attendo, non curo; si qua vero sunt Christi, hæc me viventem reperiunt & paratum: nam si non aliud possum, saltem sentio. Placent quæ ad ejus honorem fieri video; displicent, nec parum, quæ secus sunt. Magnus equidem hic est perfectionis gradus, at longe major sublimiorque videtur, quo quis mundo crucifixus cum Apostolo non nisi in cruce, vel de cruce Domini gloriatur: cui omnia crux sunt, quæ mundus consecrari solet, delectatio carnis; honores, divitiæ, vanæ hominum laudes: quæ vero mundus crucem reputat, illis affixus est, illis adhaeret, illa toto complectitur mentis adfectu. Sublimem hunc perfectionis gradum pia atque continua sui discrucianti consuetudine assecutum se fuisse, vel in ultimo vitæ morbo abunde significavit Mabillonius.*

LXXI Ne sensibus, verbis, aut actibus mentem

tem vel leviter macularet suam, nunquam non animo vigilabat. Si qua vero in re se offendisse (in multis enim offendimus omnes) arbitrabatur, culpam mox suam non solitis modo, sed asperioribus quoque religionis austeritatibus diluere satagebat. publica, quæ in pervigiliis solemniorum anni festivitatum sodalibus nostris permitti interdum solent humilitatis ac pœnitentiæ opera, haud dedignabatur; immo quamvis ob affectam ac omnino venerandam ætatem ab iis foret prorsus immunis, tyronum tamen fervorem superare, nedum adæquare videbatur. edoctus scilicet pœnitentia & humilitate totam præsertim stare vitam monasticam, mira sagacitate, deprimentem, sui que discrucianti vias omnes rimabatur.

Vitæ pœnitentia.

Eo ductus pœnitentiæ studio, quæcumque sive ob affectam valetudinem, ac exantlatos labores, sive ob egregia in Congregationem merita sibi a Præpositis offerebantur levamina corporis, pro viribus abnuebat; nec nisi iussus modicum vini multa aqua temperati matutinis horis sibi indulgebat. Diebus jejuniis sacris, in refectioe serotina nonnullos interdum fructus, aliis vero diebus, ovum unum (quo tamen ipso aliquando abstinebat) non sine aliquo sui pudore adhibebat; veritus.

Pœnitentiæ studiū.

ritus ne hac exigua licet atque a Præpositis concessa indulgentia, sodales illi offenderentur, qui omnem disciplinæ rigorem æquo animo sustinebant; eaque animi molestia, sui que, ut jam dixi, pudore indulta sibi solatia condire studebat.

LXXII
Discipline
regularis
quantum
studiosus.

Tuendæ potissimum regularis disciplinæ perquam studiosus, ea haud æquo animo ferebat, quæ vel minimum eidem relaxandæ conferre poterant, unde quamvis in monasteriis a censoris partibus agendis plurimum abhorreret; si qua tamen aut a religiosa simplicitate, aut a vita Patrum nostrorum disciplina abhorrentia cerneret, mox palam qua verbis, qua exemplis, qua suis denique ad Præpositos, ut gliscenti malo manum adhiberent medicam, salutaribus monitis, reprehendebat. Tutandis religiosis Congregationibus sic necessariam ducebat exactam regularis disciplinæ observantiam, ut vel levissimam ejusdem jacturam molestissime ferret. Siquidem noverat vir religiosissimus, levissimis relaxamentis, penitus nec semel olim corruisse monasticum Ordinem: futuramque timens creditæ sibi a majoribus disciplinæ jacturam, nullam non sollicitudinem adhibebat, quo illam tot laboribus institutam, tot promotam exemplis, tot curis conservatam, posteris ipse integram transmitteret.

Et

Et quidem, ut optime observatum voluit haud incelebris Scriptor, quibus gradibus, ac vitiis paullatim labi ac deficere cœperit disciplina regularis, quibusque posthac remediis instaurata sit, in Secundo Annalium tomo luculenter juxta ac eleganter exponit Mabillonius. Id, inquit, universim asserere licet, solitudinis, & silentii studio, parsimonie & paupertatis amore, modestia in vestibus & edificiis, obedientia & obsequendi alacritate, mutua in fratres & in externos caritate, officiorum divincrum jugi observantia, simplicitate denique & humilitate Christiana fundatum esse Benedictinum institutum: a quibus ubi discessum est, vitia omnia in monasteria immigrarunt, quæ non possunt nisi primigeniis illis virtutibus & institutis emendari atque refecari: sed quanta cum difficultate id fiat, frequenti experientia discimus. Unde terribile judicium eos manet, quorum culpa vel incuria ejusmodi morum prolapsiones in Monasterium invectæ fuerint; quæ culpa non tantum ad rectores spectat, sed etiam ad privatos quosque Monachos, qui violandæ regularis discipline pravo suo exemplo aliis auctores se fecerint.

Bibl. de
Auctorib.
Eccles.

Præf. To. 2.
Annal.

Ut porro tam exitiali disciplinæ detrimento in posterum occurri posset, tractatum data opera edidit, quo Monachos ad regularis observantiam disciplinæ ex officio teneri demonstravit; eorumque refellit opinionem, qui vota dumtaxat sua

LXXIII
Tractatū
edit, quo
Monachos
ad obser-
vantiam,
non solum
ad vota ad-
strictos o-
stendit.

ser-

fervare contenti , cætera communis ac regularis vitæ officia pro arbitrio obire se aut negligere posse temere sibi in animum inducunt . Quod quam cum a Divinæ legis , tum Sanctorum Patrum sententiis , ac a nostri quoque Legislatoris Benedicti spiritu sit alienum nemo non videt . unde nihil ex iis negligendum putabat , quæ ad tutandam disciplinam , aut præcavendam morum prolapſionem juvare poterant . Quam voverat , vitæ perfectionis percupidus , modo fugandis vitiis , modo sodalium , quos se autumabat longe religiosiores , æmulandis virtutibus mira ſedulitate animum intendebat : cumque promovendis ad perfectionem animis non parum conferre putaret domestica exempla ; quæcumque ævo ſuo viderat , aut ab aliis audierat , non ſine quodam ſuavitatis ſenſu in familiari colloquio memorabat ; traditaſque a primis Congregationis noſtræ Parentibus vitæ rationes , pia illorum geſta , ſtudia diſciplinæ , egregia demum virtutum ſpecimina libentiſſime auſcultabat . hinc merito dolens , quod Majores noſtri de Monachorum inſtituendis moribus , quam de ſcribendis illorum actis multo ſollicitiores , quamplurima ad pietatem atque poſteriorum ædificationem utilia geſta ſilentio obvolviffent , ut ea in poſterum accuratius collecta ſcriptis conſignarentur

au-

Bonorum
exemplorū
utilitas.

autor fuit : primusque duorum , quorum eximias virtutes noverat impenseque colebat animi dotes, Præpositorum Generalium , Bernardi Audeberti , ac Vincentij Marfolii præclare gesta posteritati commendavit .

Instituti licet nostri regulas omnes summa servaret cura ; impensius aliquanto studium conferebat in minimas , quippe neglectui propiores , non sua quidem natura , sed hominum vitio , quorum in minutis vulgo rebus caligat acies , diligentia languescit . perinde singulas custodiebat ac venerabatur ut sacras reliquias , quarum vel minimæ particulæ auro & argento exornantur . nihil ipsi non magnum & altum , quantumvis exiguum & abjectum , quo Divinæ fieret gratior Majestati ; cui placendi ardebat incredibili desiderio . Ex tanto hoc Mabillonii in regulas etiam minutissimas studio facile quivis colligat , quo ipse mœrore afficiebatur , cum vel levissimam sua se incuria remittendæ disciplinæ præbuisse occasionem in animum sibi inducebat . tum enimvero nulla non pœnitentia , ac pia in seipsum crudelitate hanc formidatæ magis , quam commissæ culpæ labem diluere , ac violatam forte disciplinam sarcire curabat . Hujus rei vel unum hic exemplum proferre juvat .

Rogatus aliquando a quodam juvene
(qui

LXXIV
Regularū
etiam mi-
nimarum
observan-
tia.

Caritas
Mabillonii
erga pro-
ximum.

(qui pietatis speciem præ se ferebat) ut se in viam salutis dirigere , paterne interdum monere , animi demum vellet levare anxietates , votis ultro annuit ; eumque ea caritate complexus est , quæ proximi nescit suspicionem . Interim turpissime lapsus haud candidæ mentis juvenis , mira audacia Mabillonium convenit ; moxque illius pedibus provolutus , crimen cui dudum assueverat , ingenue confitetur ; ac nisi pro sua ipse sibi caritate laboranti opem ferat , medicamque manum adhibeat , gravius se iterum lapsurum asserit . ea confessione permotus non parum Mabillonius , miseramque deflens prædicti juvenis vicem adeo non deserit , ut etiam , quo errantem ovem illam in viam salutis reducat revocetque quam citissime ad meliorem frugem , nullum non moveat lapidem , nullis eum , non suis modo , sed quos etiam Deo acceptiores novit , amicorum orationibus non adjuvet . Quid plura ? carcere deinde detentum sæpissime invisit ; mœrentem qua officiis , qua consiliis , qua litteris consolatur ; atque ubi ad meliorem frugem redactum putat , nihil quo minuantur aut brevientur constitutæ pœnæ apud Præpositos non molitur . Quantas ea de re passus sit animi molestias haud facile dixerim . hinc siquidem spe melioris , quam promittebat , frugis adductus ,
hinc

hinc timore, ne in deteriora rueret, perterritus, hinc demum iuxta Præpositorum feveritate commotus, sibi nihil umquam aut gravius, aut molestius accidisse per litteras significavit. Verum, in-
 quiebat, dum salvandi juvenis hujus spes affulgebit vel minima, curam illius nunquam abjiciam, iteratis licet ejus prolapsionibus deceptus, animumque non semel expertus sim beneficiorum prorsus immemorem. Quoties, reponebat, a Deo rejici ipsi meruimus, nec ab eo tamen rejecti sumus? eo caritatis ardore flagrans, quem e vitiis emerfurum sperabat, juvenis lapsum lachrymabundus deslebat, nec, nisi desperata emendatione, penitus dimissum voluit. Interea ad se reversus Mabillonius, veritusque ne nimia in juvenem indulgentia disciplinæ leges violasset, aut sodalium offendisset animos, pœnitentia ductus, culpam hanc non privata modo, sed publica quoque satisfactione dilutam voluit; veniamque post gravissimum in quem exeunte ann. 1698. incidit morbum, scripto postulavit: adeo verum est, *Diligentibus Deum omnia cooperari in bonum.*

Mabillonius, compositis, ut diximus, cum Abbate de Trappa studiorum concertationibus, studiis penitus nuncium remittere cogitabat, uni orationi, meditationi mortis, rerum contempla-

L

tioni

LXXXV
 Mabillonius fecerunt meditationem.

Novam O-
perum S.
Cypriani
editionem
suadenti-
bus Epi-
scopis su-
scipit, sed
ab alio su-
sceptam
audiens
deserit.

tioni cœlestium, regularibus denique ex-
ercitiis operam daturus; cum talia me-
ditanti, duo clarissimi Gallicanæ Eccle-
siæ Præsules, qui ejus eximia atque toti
Ecclesiæ utilia talenta probe noverant,
eaque in terram fodi ægre ferebant, au-
tores fuere, ut adornandis Sancti Anti-
stitis ac Martyris Cypriani operibus ani-
mum appelleret suum. Paruit Præfulum
voluntati Mabillonius; jamque se ad hanc
elaborandam editionem accingebat, cum
eamdem a viro sibi amicissimo paratam,
quin etiam impetrato privilegio, prima o-
peris folia prælo consignata audivit, qua-
re divina id factum providentia existi-
mans, susceptum secedendi propositum
magis ac magis rursus meditatatur, parat-
que exequi. Movit & quidem graviter
meum id consilii animum: siquidem ve-
rebar, non tam ne studiis vale omnino
diceret, quam ne altiora paullatim repu-
diaret. Pro meo igitur modulo expositis
futuris in Ordine nostro (cui illustrando
tantopere hætenus insudaverat) consilii
hujus incommodis, nullas non artes, nul-
la non argumenta adhibui, queis ad ca-
pessendum, quod dudum meditabatur,
Annalium opus, integramque totius Or-
dinis historiam adornandam adducerem;
cum ne diu meditatam operis hujus con-
siliium vanum, eo demortuo, fieret, tum
quod ob egregias ejus animi dotes, re-
rum-

rumque monasticarum intelligentiam , ac potissimum summam scribendi facilitatem , huic suscipiendæ provinciæ , parem tunc Congregatio nostra haberet neminem ; tum denique quod id operis deberet sodalibus , amicis , toti demum Benedictinæ atque Ecclesiasticæ Reipublicæ . His rationibus , ac clarissimorum præsertim virorum Renodotii , & Baluzii precibus , suasionibusque adductus , arduum licet opus in se suscepit : tametsi laboris cessationem & quietem jam affectæ vires ætasque provectior suadere viderentur ,

Ad hoc tanti momenti , tantæque molis opus*manum admovit Mabillonius 14. Julii ann. 1693. & quidem , favente Deo, quod initio ægre cum ob argumenti difficultatem , tum ob provectiorem ætatem adgressus erat , deinceps non sine quadam animi voluptate , & incredibili diligentia profecutus est . Verum ne inchoatum opus vel suo , quem imminentem putabat , obitu imperfectum relinqueret , vel præmaturum emitteret in lucem publicam , non ante novem ab incepto labore annos de eo evulgando cogitare visum est ; cum scilicet ultra dimidiam ejus partem confecisset , ne præpropera , nec satis limata prodiret editio.

LXXVI
Annales
Benedicti-
nos ador-
nandos sus-
cipit.

Interea nunc Præpositorum , nunc amicorum rogatu nonnulla , minoris ta-

Nonnulla
Mabillonii
opuscula.

men momenti , vulgavit Opuscula , inter quæ memoranda in primis occurrit epistola encyclica de obitu Mariæ de Ble-mur Sanctimonialis Benedictinæ e Congregatione adorationi perpetuæ SS. Sacramenti addicta , egregiis quibus Ordinem simul & Ecclesiam illustravit operibus insignis. ipsa enim est, quæ præter alios multos libros quibus pietatem perinde ac doctrinam suam posteris commendavit , annum Benedictinum adornavit patrio sermone conscriptum , duodecimumque in 4.^o tomis distinctum ; subindeque aliorum Sanctorum in Ecclesia notiorum acta concinnavit . huc quoque accedit nova , quam anno insequenti edidit , regulæ Benedictinæ versio , una cum Stephani Poncherii Parisiensis Antistitis Constitutionibus ad suæ ditionis Sanctimonialium usum accommodatis : altera denique epistola Blesensi Episcopo inscripta , qua videlicet celebris cujusdam censoris dissertationem in lachrymam , ut vocant , Vindocinensem ann. MDCLXXXIX. evulgatam , valide refellit ; fidemque Sodalium Vindocinensium , quos fraudis temere censor prædictus insimulaverat , strenue vindicat .

Tametsi autem ambæ illæ epistolæ pro argumenti diversitate diversum quoque autorem sapere videantur ; in utraque tamen , ut egregie notatum voluit clarissimi-

In omnibus idem elucet Mabillonii animus.

rissimus Mabillonii encomiastes Dominus le Gros de Boze perpetuus Regiæ Inscriptionum Academiæ Secretarius, eadem clucet indoles, idem Mabillonii animus, sincera videlicet & accurata pietas, omnis inimica temeritatis. unde immerito de hac utraque epistola longe aliter, quam par esset, judicasse nonnullos vanis conjecturis deceptos, prudenter colligit modo laudatus Encomiastes.

His recensendus venit aureus plane Bernardi liber *De Consideratione*, Summi atque ad totius Ecclesiæ decus & utilitatem regnantis hodie Pontificis Clem. XI. jussu elegantioribus typis separatim editus: quem mox eodem anno exceperere duo postrema Actorum Benedictinorum undecimi sæculi volumina, duplici ac plane erudita, quæ cuique tomo præfixa est, præfatione locupletata: in quarum altera post exposita sæculi undecimi decora, assumptos e nostris ad supremum Petri Solium enumerat, Silvestrum II. Leonem IX. Victorem II. Stephanum IX. Gregorium VII. Victorem III. & Urbanum II. quorum sex postremi a medio sæculo undecimo ad finem usque, parum interrupta serie, supremam illam Sedem occuparunt; quibusque sæculo insequenti Paschasius, & Gelasius, ambo hujus nominis Secundi, successerunt, omnes fere ex una Congregatione Clunia-

Bernardi
libros de
considera-
tione se-
paratim e-
dit.

Dub po-
stremi A-
ctorum
Ordinis
tomi.

censi, quæ ut sæculi decimi præcipuum ornamentum fuit, ita etiam sæculo undecimo florere perseveravit sub Sanctorum Odilonis, & Hugonis præfectura. Quantum porro ornamenti attulerit unus Leo Papa Nonus, abunde testatur restituta per eum Ecclesiastica disciplina.

*Ordericus
lib. 1. pag.
372.*

Ipse enim est, inquit Ordericus, qui Sanctorum scita Canonum restituere conatus est, quæ jam transactis temporibus nimis deciderant, & pene a notitia hominum defluxerant: ipse est qui Remis coacto Concilio de Castitate, justitiæque ministrorum Dei tractavit; & salubria decreta, quæ jam Antistites & Presbyteri nesciebant, renovavit. Quæ iste imperfecta reliquerat, perfecit Greg. VII. majores corpore animos gerens, quos strenue adhibuit ad restituendum in Ecclesiæ ministris cœlibatum, simoniam extirpandam; abolendasque Investituras Ecclesiæ dignitatum; quas passim tum non sine pretio conferebant permulti Principes, unis fere ab ea labe plurimum immunibus Francicis Regibus, maxime tertiæ Stirpis; quorum primus & caput Hugo cognomento Capitius, seu Capito, vulgo Capetus, experimento edoctus, quantum detrimenti attulissent monasticæ Religionis sæculares illorum temporum Abbates, monasteriis omnibus liberam eligendorum regularium Abbatum facultatem restituit. Hujus exemplo plerique

rique Galliarum Principes idem præstiterè ; in primis Nortmanni Duces , qui damna superiorum sui generis Principum violentia monasteriis illata abunde compenfarunt , instauratis ubique vetustis , aliisque de novo extructis Cœnobiis , quæ liberaliter dotaverunt .

Sub prædictis Pontificibus , ac Principibus mirum est , inquit Mabillonius , quantum ubique Ordo noster floruerit , quantum ramos suos etiam extra Europam protulerit , denique quot & quantos viros illustres isto sæculo Ecclesiæ suppeditaverit . primas tenere Romualdus Camaldulensium institutor , Abbo Floriacensis , Odilo & Hugo Cluniacenses , VVillelmus Divionensis , Richardus Sancti Vitoni , Poppo Stabulensis , Joannes Vallumbrosanus , Gerardus Sylvæ majoris , Rotbertus Calæ Dei , Rotbertus item Molismensis ; aliique Sanctissimi Abbates : quorum plerique non tam retores peculiarium Monasteriorum , quam novarum Congregationum institutores extitere : quibus addere licet S. Brunonem Sacri Ordinis Cartusienis , & Beatum Stephanum Grandimontensis autores , qui Sanctissimum Patrem Benedictum ducem ac patronum suum principio agnoverunt .

Eisdem subinde autoribus non tantum refloruisse monasticam religionem , sed

Ordinis
propagatio.

Ope Benedictinorum
reflorent

una cum
monastica
religione
scientiarū
studia.

Contentio
celebris E-
piscopos
Aurelia-
nenses in-
ter & Ab-
bates Flo-
riacenses.

doctrinæ quoque ac scientiarum studia in Monasteriis, ac tota fere Ecclesia Latina denuo excitata docet; idque factum præsertim ostendit Mabillonius industria & ope Gerberti Auriliacensis Monachi, Abbonis Abbatis Floriacensis, Fulberti Carnutensis, & Notgeri seu Notkeri Leodiensis Episcoporum. In hac insuper præfatione, Ordinis nostri memorata in Orientem aliasque regiones propagatione, una cum reformatione Anglicanorum Monasteriorum, controversia, quæ sub finem sæculi X. exorta est, occasione professionis, quam Episcopi ab ordinandis Abbatibus exigebant, historiam mirum in modum illustrat, exhibetque quantam animorum contentione Episcopi Aurelianenses a Floriacensibus Abbatibus hanc subjectionis professionem olim exigere niterentur, quamque strenue resisterint Abbates præsertim Abbo, & Successor ejus Gauzelinus. his accedit haud contemnenda brevis dissertatio de Pontificalibus ornamentis (quæ ne Episcopis quidem omnibus, nedum Abbatibus ab initio communia fuere omnia) deque usu Mitræ non ante sæculum undecimum Abbatibus concessa; quam nonnullæ scitu dignæ observationes cum ecclesiasticæ, tum monasticæ excipiunt, de habitu scilicet monastico in extremis a viris etiam principibus assumi solito, de puerorum obla-

oblatione in monasteriis olim irrevocabili,
 de tribus novis Abbatum institutis, de
 corporalium usu in incendiis, de reli-
 quiarum probatione per ignem, variisque
 aliis, quæ ab antiquis ad res dubias diri-
 mendas usitatæ fuerunt, probationum Varia proba-
 tionum
 genera per
 ignem, &
 duellum.
 generibus, ex quibus duæ in primis un-
 decimo sæculo frequentes erant, scilicet
 per ignitum ferrum pro Ecclesiasticis, &
 duellum pro sæcularibus viris. Probatio-
 ne per ignitum ferrum Sancta Cunegun-
 dis Imperatrix usa est ad probandam pu-
 dicitiam suam, & Petrus Monachus ad
 simoniam reprimendam, ob idque Igni-
 ti cognomen sortitus. Duellum more
 veterum Francorum, & Germanorum
 scuto & fuste fiebat; passim non sine cruo-
 ris effusione: quæ causa fuit, ut Eccle-
 siasticis maxime interdictum esset; tam-
 etsi non raro, teste Sirmundo, qui infi-
 gnia refert ejus rei exempla, ab ipsis et-
 iam adhibitum fuerit. ad ejusmodi duel-
 la tamquam ad ludicrum spectaculum
 concursus fiebat; eisque aderant etiam
 Episcopi, quod de seipso testatur Home-
 linus Redonensis Episcopus in litteris a
 supra laudato Sirmundo allatis super con-
 troversia quadam, duelloque in prato E-
 piscopi commisso juxta flumen Isolam:
præsentibus nobis, inquit, & *Comite Co-
 nano, aliisque.*

*Sirm. in
 Gest. pag.
 62.*

In altera vero undecimi sæculi præfa-
 tione,

tione , in primis agit de Schismate Græcorum per Michaellem Cerularium in Romanam Ecclesiam excitato , deque objectis Græcorum in Latinos ; dein de Berengario , ejusque hæresi ; nec non de multiplici ejus condemnatione , resipiscencia simul & pœnitentia , variisque qui contra illum calamum strinxerunt autoribus . Sub hæc de gestis Gregorii Septimi , qui Ecclesiasticæ disciplinæ , jurisque Pontificii acerrimus defensor contra investituras , & simoniam , proque Clericorum cœlibatu strenue laboravit . Postremo variis recensitis Ordinibus , seu Congregationibus in Ecclesia Latina sæculo undecimo institutis , scilicet Camaldulensi , Vallumbrosana , Grandimontensi , & Cartusienſi , nonnulla de more observanda proponit , quæ in priori præfationis parte desiderantur , de mutatione scilicet nominum in Summis Pontificibus , de Chœrepiscoporum abrogatione , de Missis quotidianis ac ferialibus , de Viatico sub utraque specie , de Communionem sub unica , de habitu Monastico in extremis assumpto , de origine & instituto fratrum conversorum , & eorum qui donati & oblati vocantur , de monasteriorum servis , de utriusque demum sexus reclusis , quæ omnia nusquam luculenter adeo enucleata reperias .

Anno proxime sequenti , suadentibus mul-

multis pietate ac sapientia conspicuis viris, Opusculum *de Morte Christiana* superius memoratum, ac Reginae Majoris Britanniae nuncupatum in lucem emisit.

Opusculū
de Morte
Christiana
in lucem
edit.

Huc etiam memoranda spectat Epistola Christianissimo Regi Ludovico XIV. inscripta, novae S. Augustini operum editioni praefixa, atque ob argumenti dignitatem, nitorem styli, sententiarum

Epist. nuncupatoria
novae S.
August. editioni
praefixa.

gravitatem, majestatem rerum, ac varia quae in illa passim splendent eloquentiae lumina, patrio etiam idiomate excusa. Inter varios quoque Mabillonii tractatus, locum haud infimum obtinet

Tractatus
de vocibus
Missae, &
Communio-
nis.

is, quem ann. MDCLXXXVI. evulgavit, ad illorum refellendam opinionem, qui *Missae* & *Communio* voces in Capitibus XXXV. & XXXVIII. Regulae Benedictinae adhibitas, a vulgata Sacrificii & Eucharistiae acceptione detorquebant; atque a constanti totius non solum Ordinis traditione, sed communi quoque Interpretum Regulae sententiis discedebant, dum per vocem *Missae* divinorum officiorum conclusionem; per *Communio* vero *Sanctam* pauculum panis & vini, quod a Lectore mensae sumitur ante lectionem, in signum Ecclesiasticae unionis cum fratribus suis, quibuscum edere non potest, significari contendebant. Novam hanc explicationem tum ab antiquissimorum monachorum praxi, tum

a com-

a communi totius Ordinis disciplina, tum ab Interpretum pene omnium opinione longe alienam confutat Mabillonius; eumque subinde docet in monasteriis obtinuisse morem, ut singulis dominicis ac festis diebus Monachi Missæ Sacrificio interessent, & ad Sacram Synaxim accederent. Fratres vero coquinæ, & refectorio deservientes, Lectoremque mensæ, quibus pauculum panis & vini, quod *Mixtum* Regula vocat, ante refectiorem indulgebatur, *Mixti* hujus sumptionem iis diebus post *Missas* & *Communionem*, idest post Missæ Sacrificium, & *Communione* Eucharisticam, quæ a jejunis percipienda erat, distulisse, tum vero Lectorem *Mixtum* sumpsisse propter *Communionem Sanctam*, ne ipsa lectione & contentione vocis, periculo sacras particulas exspuendi objiceretur. Id argumenti pro sua eruditione, ac eo quod tendarum antiquarum traditionum studio tenebatur, non sine multorum gratulatione tractavit Mabillonius: in primis vero clarissimi Abbatis Trappensis, qui, eo perlecto, non in eandem modo, uti per litteras Mabillonio significavit, abire sententiam, sed novorum quoque argumentorum accessione, quæ secundæ sui in Regulam Commentarii editioni subjunxit, eam tueri voluit. Non sic D. Claudius de Vert antiquæ observantiæ Cluniacensis Mo-

Tractatū
hunc confutat D.

Monachus, non sic: siquidem opus illud non dissertatione modo confutare, sed in operis autorem verbis inofficiosis, ac fœdali parum dignis invehî non erubuit.

Claudius
de Vert
Monachus
Cluniacensis.

Non minoris certe pretii videtur Mabillonii epistola ad amicum, de primario instituto Romarici-montis, vulgo *Remiremont*. quæ Ecclesia, insigne quondam Cœnobium Monialium Benedictinarum, nunc, collapsa regulari disciplina, mutata est in Collegium Canonicarum sæcularium. cum enim illius loci Abbâtissa, Canonicarum suarum mores in melius reformare cuperet, hæ novæ ac severioris disciplinæ impatientes, nihil quo tale consilium frangerent sive autoritate, sive scriptis non egere; quove res ex voto felicius cederet, Ecclesiam suam numquam monastico Ordini, & Regulæ S. Benedicti addictam fuisse contendebant. Contrarium ut aperte demonstraret Mabillonius, epistolam edidit ann. MDC LXXXVII. in qua ut erudite, sic, ut solebat, moderate probat Abbatiâ Romarici-montensem in Sanctimonialium dumtaxat gratiam conditam, Regulæ Benedictinæ ab ipsis primordiis subjectam fuisse; nec illius loci monachas ab ea defecisse, donec anno circiter MD. rejecto cum monasticis vestibus nomine, in sæculares Canonicas, nullis constrictas votis, conversæ sunt.

Epistola
de primario
instituto Roma-
rici-montis.

Porro

Operum
Mabillonii
lux, & di-
gnitas.

Mabillonii
stylus.

LXXVII
Mabillonii
in discer-
nendis re-
bus & ope-
ribus saga-
citas.

Porro ex hæcenus recensitis operibus nonnulla licet anonyma in lucem prodierint, autorem tamen Mabillonium satis superque indignant. Siquidem, ut pulchre annotavit sæpe memoratus encomiastes D. de Boze, ea erat Mabillonii fama, ea lux, operumque illius dignitas, ut quamvis ista nomen ejus haud præ se ferrent, ab eo tamen profecta vel ex ea quæ passim appareret animi pietate, ac sincero qui in eis ubique luceret veritatis amore, eruditi quique facile conjicerent. Idipsum quoque paucis hæc, ac Mabillonio nostro perhonorificis verbis testatum voluit, magni apud litteratos nominis autor. *Vix, inquit, satis pro meritis laudari potest Mabillonius: reconditam atque exquisitam ejus literaturam eruditis omnibus produnt edita opera. In iis stylum mirere dilucidum, purum, nervosum, a fūco & ornamentis alienum, nobilem tamen, atque argumentis prorsus accommodatum; ejus denique oratio nunquam effluit, nec latius divagatur.*

Qua polleret in discernendis iis, quæ in lucem publicam emisit, veterum Patrum monumentis, sagacitate juxta ac limato judicio, abunde testantur Analecæ veterum Patrum, ac ea omnia quæ ex Italiæ Germaniæque Bibliothecis eruit selecta documenta, quæque ad calcem cujusque Annalium voluminis refert, Regum ac Pontificum diplomata, publica in-

instrumenta , ac maxime chartæ illæ propemodum singulares , ex quibus vel illustrandæ historiæ , vel adornandis suis editionibus opportuniore præ multis aliis etiam sinceris scite adeo selegit , inseruitque in sexto Rei diplomaticæ libro.

Par ipsi dexteritas ac solertia dignoscendis iis , quæ ad cujusque perfectionem , atque operis utilitatem , aut rescanda aut addenda videbantur . Hujus rei vel unum exemplum offeram , ex quo quam utilia forent , quæ rogatus interdum dabat amicis consilia , quamque ut rerum sic operum esset peritus æstimator cuique patebit , Opus elucubraverat vir dudum sibi familiaris de vitæ solitariæ commodis , præclarioribus , quas non sine labore collegerat , Sanctorum Patrum sententiis distinctum , editumque dein Mabillonio expendendum tradiderat . Legit opus eruditus censor ; ac ne a cœptis autorem deterreret , probavit operis consilium , conatum laudavit ; suamque ipsi subinde mentem ingenue aperiens , ostendit , vana prorsus ac supervacanea in praxi fore quæcumque in laudem dixerat solitudinis , nisi ejusdem ineundæ rationes præscriberet ad cujusque ingenii vires accommodatas . neque enim existimabat vir prudentissimus omnibus indiscriminatim hominibus proponendam vitam solitariam : quippe non omnes ad
eam

Mabillonii
solertia.

Non omnes ad
sui tantum
contem-
plationem
internam-
que solitu-
dinem de-
stinatos o-
stendit .

eam vocatos aut a Deo destinatos probe noverat. His igitur, quæ sequuntur, verbis auctori responsum voluit: *Percurri*, inquit, *nec parum legendo probavi tuum de vita solitaria Opusculum*; at certe exoptassem, ut qua quisque methodo secum solitarius agere intusque secum versari debeat, luculenter exposuisses: quæ res etiam cupientibus & perfectis non parum operosa videtur. ut enimvero in sui tantum ipsius contemplatione quis delectetur, probe seipsum cognoscat, mentem habeat optime moratam, internæ demum solitudinis suavitatem ac delectationem capiat, necesse omnino est; non enim placent jejuna colloquia: Deum præterea, quocum versari queat, intra seipsum possideat oportet: quod certe nec omnibus, nec diu a Deo concessum facile crediderim: atque haud scio, utrum Deus justos omnes ad hanc internam duntaxat sui contemplationem addictos velit; an forte longe acceptiores Deo sint, qui mente pura, animoque religiose collecto, publicis ministeriis occupantur. Ut ut se res habeat, juroat identidem illa etiam externa solitudo ad colligendos potissimum animos, rerumque externarum religiosius obeunda munia. Tum enim ab omni rerum temporalium curis expeditus animus, omnique aut negotiorum, aut studiorum mole deposita, impensius sibi ac liberius vacat. Cæterum meipsum vere putarem solitarium, si inter laborandum aut studendum, Deum in primis unice attenderem,

sur-

Quantum
conferat
externa
solitudo.

sursum aliquando animum erigerem, mentem frequenti oratione pascere, nec quicquam de mundi cupiditatibus cogitare, ad eam igitur solitudinem interdum recurrat oportet, quisquis est reficiendarum animi virium, ac fovendæ cupidus pietatis: ipsa namque, teste Guillelmo a Sancto Theodorico in sua ad Fratres de Monte Dei epistola, monachorum valetudinarium est. Plura alia compendii causa prætereo: siquidem ex jam dictis satis superque patet, quam opportune ac prudentes forent animadversiones, Mabillonique consilia.

Ann. MDCCI. Regiæ Inscriptionum. LXXVIII
 Academiæ titulo honoris, innuente, quæ In Regiâ
 summa laus est, Rege Christianissimo, Inscriptio-
 adscribitur; litterasque ea de re ad il- num Aca-
 lum scribere dignatur clarissimus Comes demiam
 de Pontchartrain. delatum honorem re- cooprat
 fugit vir modestissimus; nec nisi suaden- Mabillo-
 te undequaque conspicuo Abbate Bigno- nius.
 nio, ac jubentibus Majoribus nostris in-
 vitus accepit; atque huic pro viribus
 respondere conatus meritorum haud im-
 memor Mabillonius reconditam inscrip-
 tionum ac numismatum scientiam orna-
 vit promovitque. Vix fuerat prædictæ A-
 cademiæ cooptatus, cum honoris causa,
 gratulandi scientiarum Academiæ de mu-
 tua, quæ inter utramque viget, atque in
 posterum vigere debet, animorum con-
 sensione, præ aliis deputatur: quo in-

M mu-

munere obeundo totam quam concitaverat sui expectationem egregie sustinuit, nec minori haud ita post Academicorum laude ac plausu excepta, atque in publico confessu perlecta est, quam in Regum nostrorum sepulcra adornaverat erudita disquisitio.

Academia
in Mabil-
lon. amor,
& existi-
matio.

Quo demum loco Mabillonium haberet laudata modo Academia, quove illum amore dignaretur, testatum in primis fecit, cum gravi morbo correptum, per duos, eosque conspicuos Academicos, qui communem dolorem significarent, invisum suo nomine voluit; vel cum eodem demortuo, praesentibus cunctis Academicis parentavit: quin etiam in publicum suae de illius virtute opinionis monumentum, in primo post obitum coetu per eruditissimum virum Dominum Bozium perpetuum Academiae Secretarium singulari plane elogio commendari eum iussit. quam digne atque ex omnium voto de Mabillonio dixerit praestantissimus Orator, facile quisque intellexit. tum ex omnium Academicorum, aliorumque applausu, tum maxime ex praeclearis celeberrimi Academiae Praesidis Abbatis Bignonii laudibus. *Grande*, inquit, *parasti tibi elogium, dum tanti viri egregia merita, tantae eximiae felicitateque praedicasti*. Percrebuit mox praecleari rumor elogii; eamque in omnium movit eruditorum animis ejus legendi cupidita-

ditatem, ut studiosis, nec semel iteratis precibus adducta tandem Academia idipsum in diario Parisiensi jam jam licet inferendum, publici juris fieri curaverit. atque inde nata quæ tum vulgata est prædicti elogii editio, summa omnium gratulatione excepta.

Paratos prælo duos Annalium Ordinis tomos, præter multa, quæ ad alios continuandos collegerat, non prius in publicam lucem emissos voluit, quam nonnulla, quibus opus habebat, Archivuorum monumenta consulisset. hinc opportune natam SS. Benedicti Floriacensis, & Bernardi Clarevallensis tumulos adeundi occasionem, eo libentius amplectitur, quo piæ dudum illius peregrinationis majore desiderio tenebatur; ut illorum patrocinio auspicioque Patrum seu potius Monastici Ordinis Luminarium susceptam Præpositorum rogatu ad Sodalium ædificationem; totiusque cum Benedictinæ, tum etiam Ecclesiasticæ Reipublicæ decus & commodum, vastissimam Annalium provinciam digne prosequi, atque ad finem usque perducere posset.

Eapropter exeunte mense Sept. ann. MDCCI. me sibi adjuncto comite ad Cœnobium Floriacense contendit; ibique discussis nonnullis, quæ in ejus Cœnobii celeberrima olim Bibliotheca supererant, antiquis monumentis, obvia quo-

LXXIX
Sépulchra
S. Ben-
dicti, &
Bernardi
perlustrat.

Floria-
cense Cœ-
nobium
petit.

Pietas
Mabillonii
erga loco-
rum, &
Ecclesiarum
patronos.

que monasteria juxta ac archivua perlustravit; atque inde die ab instituto itinere octavo ad Clarevallenfem Abbatiam pervenit. novam porro regionem aut diocesim ineunti statim locorum aut Ecclesiarum tutelares ac patronos precibus invocare moris erat. ad præcipui vero, quo tendebat, loci conspectum, majoris religionis causa ex equo defiliens, præscripta sibi a puero pietatis officia flexis genibus de more persolvebat. Eum vero diem, quo Cœnobium versus Clarevallense iter instituit, totum sane cantandis aut recitandis hymnis, & canticis consumpsit, lætus nimirum iis semel & iterum adeundis locis, quæ Bernardus suis ac discipulorum virtutibus & miraculis illustraverat. Cæterum quantum ad egressum Sylvæ Clarevallis, ejusque Sacri Cœnobii conspectum expertus fuerit pietatis sensum, vix exprimi potest. Siquidem equo de more defiliens orationem instituit; subindeque ea haud intermissa, cœptum iter ad januam usque Monasterii pedibus, nudo capite, via licet ardua ac sole plurimum æstuante, confecit.

Clareval-
lense Mo-
nasterium
adit.

Qui tum aberat Clarevallis Abbas, audito vicino Mabillonii adventu, accedentem, ea qua par erat, humanitate ac observantia excipi, atque ad nutum ejus usumque cuncta referari jubet. pa-
ruc-

ruere Monachi Abbatis voluntati; eo sane studiosius, quo noverant colebantque magis tanti hospitis nomen, doctrinam, egregia in Ordinem merita, virtutes, eximias demum animi dotes. igitur incredibili omnium studio, parique lætitia & honore exceptus ibi per dies aliquot, non ad rimandos modo Archivui ac Bibliothecæ forulos; sed suos quoque probandos mores, obeundaque pietatis officia animum contulit. Iis vero, quæ ibidem præ cæteris Galliarum Cœnobiis supersunt, sanctitatis vestigiis mirifice captus; quæcumque Bernardi virtutibus ac miraculis conspicua loca venerabundus perlustrabat, scitu digna diligentissime observabat: super Bernardi tumulum Sacrum quotidie celebrabat; eodem, quo ille in itinere usus olim fuerat, calice, non sine quodam suavitatis sensu utebatur: & tum quidem eo in loco, quas enixe rogaverat, animi corporisque vires continuandis ad obitum usque Bernardi Annalibus necessarias obtinuisse, testantur ad id usque tempus perducti prædicti Annales; quorum jam quattuor prodire volumina. quintum, quod prælo maturum moriens reliquerat Mabillonius, publicam in lucem, præmissa ejus, ac focii Ruinarti vitæ Synopsi, nuperrime protulit D. Renatus Massuet continuandis annalibus;

concordi majorum suffragio præpositus, jamq; nova ac eruditis omnibus plurimum probata Sancti Martyris atque Lugdunen-
sis Episcopi Irenæi editione celebris.

LXXX
Primum
Annaliū
romum in
lucem
profert.

Ex hoc litterario cursu, seu pia potius peregrinatione reduci Mabillonio per annum fere integrum nulli fere studio ob gravissimum morbum, operam dare licuit. verum resectis tantisper viribus, præloque maturis Annalibus, mox per epistolam encyclicam singulos monuit Cœnobiorum Præpositos, ut selecta ad eum documenta diligentissime transmitterent: duobusque post evulgatam epistolam mensibus, primum Annalium Ordinis volumen prælo subjectum, sequenti ann. MDCCIII. in lucem emisit.

Remos
proficisci-
tur.

Haud ita post Remos negotiorum causa vocatus, me sibi socio adjuncto, se contulit, nec sine quadam animi voluptate dilectam sibi, ob informatos ibi mores, Remensem Ecclesiam, nec non S. Remigii cujus in templo vota nuncupaverat sua, tumultum rursus invisit. Hujusmodi porro peregrinationes a Præpositis licet imperata, atque ut plurimum studiis suis peropportuna, non invitum modo suscipiebat, sed sibi quoque graviter exprobrare solebat frequentes e monasterio egressiones, quod vitæ nimis solitariae leges inde violari, animosque sodalium offendi arbitraretur.

Hinc

Hinc nullum unquam iter aut explorandæ curiositatis, aut, quod mirari subit, reparandæ salutis causa susceptum voluit; aut aliquo divertere, vel ullo in loco morari; nisi ad Sacra loca visenda moveret interdum pietas; aut ad colligenda, quæ e re sua erant, documenta opportunitas vel utilitas invitaret. Sux hac in re observantiæ specimen dedit scitu plane dignum, cum Monachii in Bavaria (quo ad excutiendos insignis ejus Bibliothecæ manu exaratos codices diverterat) perlustrato, non tam ut sibi, quam ut amicorum indulgeret humanitati, splendidissimo Serenissimi Bavariæ Ducis Palatio, requirentibus utrum Versallico præstaret, illud se nunquam vidisse non sine adstantium stupore ingenue professus est. Et re quidem vera annis licet pene viginti Parisiis commoratus, Versallium nulli Regum palatio secundum, quoque pene omnes confluunt, quæ sub cælo sunt nationes, vix cogitaverat. adeo erat a rerum mundanarum spectaculis alienus. neque enim nisi professioni congrua, aut studiis opportuna sibi indulgebat vir solitariæ vitæ amantissimus. Ita certe res humanas, quascumque miratur vulgus, despiciebat, ut nihil præter æternas ac divinas amare videretur. Hac voluptatum etiam honestissimarum fuga majores delicias comparabat ex rerum

Quisopere
a curiosi-
tate alie-
nus.

cœlestium meditatione hauriendas . Sic enim fit : cœleste illud balsamum in animos infundi nequit , nisi prius ex illis terrenarum delectationum infusus liquor omnino exhauriatur . itaque Mabillonius arctissima cum Deo familiaritate conjunctus , illum præ oculis habebat semper ; in eius amplexu dulcissimo acquiescebat , a seipso quem unice oderat , in eum quem diligebat unice quasi transfusus . hinc ille animus in divinarum rerum contemplatione defixus , abductus a sensibus , & sui plane suorumque oblitus .

Peractis , quorum gratia Remos adierat , negotiis , Parisios ineunte Octob. remeat ; ibique novum experitur rei diplomaticæ censorem . an porro cum isto disputationem inire deberet , nec ne , non una fuit amicorum sententia . nonnulli enim Mabillonium vel ex sola operis lectione satis superque vindicatum arbitantes , a vindiciis abstinendum putabant ; secus vero alii , in gratiam videlicet illorum , qui vel rei diplomaticæ libros præ manibus non habebant , vel qui Mabillonium , de quibus a censore accusabatur , errorum reum esse temere sibi in animum inducebant . amicis in varias hinc atque hinc sententias abeuntibus , mediam , nullique non probatam viam tenuit vir prudentissimus : quodque jamdudum in gratiam illorum ,

qui

LXXXI
Impugna-
tur Opus
de re di-
plomatica .

qui primam rei diplomaticæ editionem sibi comparaverant, adornaverat ejusdem operis supplementum eodem, quo liber de re diplomatica charactere & forma exaratum, novis auctum præfidiis, atque argumentis adsertum, quam potuit citissime, publicam in lucem protulit ann. MDCCIV. ratus ea ratione non præsentibus modo, sed futuris quoque adversariorum objectionibus abunde satisfactum iri. Ideo vero censoris nomen reticuit, ut rixas ac concertationes, quibus ut plurimum læditur Christiana Caritas, atque interdum dissociantur sanctissima quoque sodalitia, devitaret vir pacis perinde ac caritatis studiosissimus.

Rei diplomaticæ supplementum præcesserat primus Annalium Benedictinorum tomus, ex cujus specimine futuram totius operis præstantiam atque utilitatem facile quisque intellexit. In eo primum instituti ratione, susceptique causis operis expositis, dein magna cum laude, nec minori grati animi significatione memorat cum eos, qui ejusdem operis consilium longe ante illum inierant, Ordinis nostri Scriptores, tum eos qui vel suam ipsi operam, vel documenta liberaliter conferre dignati fuerant. præfationem excipit liber primus, in quo luctuosum Ecclesiæ simul & Imperii, atque etiam Monastici Ordinis statum

LXXXII
Quid contineat primus Annalium tomus.

tum luculenter exhibet, infinitasque calamitates illius ævi, quo natus est Beatus Pater Benedictus, Cimmericas illas tenebras non suo solum, sed & discipulorum splendore discussurus, Ordinisque monastici propemodum emortui cineres excitaturus. antiqua subinde recenset, quæ in ortu Benedicti extabant in orbe Christiano Cœnobia; illorumque refert foundationem, quæ postmodum per omnes ferme Europæ regiones longe lateque Regum ac Principum munificentia simul & pietate condita leguntur. in hoc demum primo Annalium volumine ducentorum amplius annorum eventa decem & octo libris comprehensa (quorum ultimus in annum septingentesimum desinit) cum duplici appendice referuntur; atque ut narrationi suæ stet autoritas, probationes, quibus fidem faciat, alias ex actis Sanctorum nostrorum repetit; alias, quæ alibi editæ sunt, ad marginem indicat; alias denique in contextu vel summatim, vel integras, aut in appendice refert: nonnullas etiam easque antiquas picturas in æs incisas, quidve quæque momenti contineat, exhibet.

Calcem operis duplex appendix occupat. Prior Apologiam Missionis S. Mauri in Gallias continet, autore inclytæ mem. Theodorico Ruinarto studiorum

Ma-

Mabillonii dignissimo plane socio, laborumque particeps, qui cum molesto editionis hujus labore, magna ex parte levavit, indicesque contexuit, quos sequitur dissertatio de Gregorii Magni monachatu. Posterior appendix nonnullas probationes complectitur, varia scilicet monumenta antehac inedita, quæ in corpore voluminis tantum summatim laudantur. Porro Annales isti non monasticam solum, sed ecclesiasticam quoque, ac civilem historiam complectuntur. neque enim eruditorum expectationi fecisset satis Mabillonius, nisi scite, ut fecit, plurima eaque varia tum ecclesiasticæ, tum civilis historiæ eventa monasticis intermiscuisset.

Primum hoc Annalium Ordinis volumen ingenti eruditorum plausu nec minori gratulatione exceptum, reliquorum cupiditatem in omnium animis excitavit. In primis vero qui litterariæ perinde ac ecclesiasticæ rei pari studio ac sollicitudine invigilat, consulitque utriusque utilitati Clemens XI. Pontifex Maximus, eodem quo cæteri eruditi desiderio inflammatus, cœptum opus, quam posset maxima diligentia, ut prosegueretur, vehementer Mabillonium hortari dignatus est, suis ea de re per Eminentissimum Cardinalem Paulutium litteris ad eum directis, quarum hic summam affer-

LXXXIII
Miro plausu excipitur primus Annalium tomus.

afferre, haud ingratam futuram lectori, visum est. *Tibi*, inquit modo laudatus Eminentissimus Cardinalis, *Sua Sanctitas* susceptum opus, quod illustri ingenio eximiaque eruditione tua maxime dignum putat, ex animo gratulatur; utque illud, quantum rei moles permiserit, urgeas vehementer cupit: rata posteris magno incitamento futurum ad amulanda quæ passim occurrunt egregia majorum exempla, & parem omnino solidamque gloriam tuo nomini comparaturum. hæc respondere me tibi jussit Sanctissimus Pater &c. Dat. 24. Junii MDCCIV.

LXXXIV
Prodit in
lucem se-
cundus
Annaliū
Tomus.

Tanti Pontificis votis juxta ac litteris mirum in modum animatus Mabillonius, reliquis elaborandis Annalium tomis animi studiose adjecit; atque exeunte anno MDCCIV. alterum tomum eodem quo primum litteratorum ac bonorum omnium applausu publici juris fecit. Habet volumen istud res gestas a nostris per centum quadraginta novem annos, ab anno scilicet septingentesimo, in quem primum definit, ad annum usque octingentesimum quadragesimum nonum, quo secundum clauditur. In hoc annorum decursu cum multa ad memoriam insignia contigere, tum quattuor potissimum quæ majori observatione digna videntur. Et primo quidem conversio Germanorum, & Septentrionalium ad Christianam & Catholicam fidem per nostros, itemque vitæ monasticæ

sticæ propagatio per illas plagas, quæ quantum nostris debeant testantur adhuc extructarum ab iis urbium nomina, scholarum publicarum institutio, ex qua literarum & sacre doctrinæ traditio, quatenus illa tempora ferebant, ad posteros promanavit. 2. Sacri instauratio Cœnobii Casinensis per Petronacem Abbatem, & Casinenses monachos, qui post ejus everfionem a Longobardis factam, Romæ in Patriarchio Lateranensi, favente Pelagio Secundo, confederant. 3. Prima Ordinis nostri ad primigenias leges reformatio. 4. Catholicorum dogmatum defensio a nostris suscepta, feliciterque peracta; ex quibus Mabillonius Theodemirum Abbatem, nec non Paschasium Radbertum plurimum laudat: quorum alter legitimum imaginum cultum apud Orientales, subindeque apud Gallicanas partes disceptatum adsevit; alter vero catholicam divinæ Eucharistiæ fidem, Christique Domini carnalem in Sacramento præsentiam strenue vindicavit, ut patet ex insigni ab eo edito libro de Sanctissimo Sacramento; in quo primus inter veteres data opera sic argumentum istud pertractavit, ut eum veluti Apostolicæ traditionis eximium hac in causa interpretem agnoscat Catholica Ecclesia. His adjunctos voluit Mabillonius insignes Ordinis nostri

stri Scriptores, Rabanum Maurum, Lupumque Ferrariensem, quorum laudat eximias animi dotes, ac præclara in Ecclesiam merita.

LXXXV
Tertium
Annalium
tomum c-
vulgat.

Biennio post scil. MDCCVI. in lucem prodiit tertius Annalium tomus, qui posteriores sæculi noni annorum decades, octo vero priores sæculi decimi completitur. In eo primum utriusque sæculi dissimilitudinem, subitoque factam rerum perinde ac morum conversionem demiratus Mabillonius, utrumque simul sæculum confert. & in nono quidem morum elegantiam, reverentiam legum, litterarum amorem, eruditorum virorum, atque præstantissimorum Romanæ Ecclesiæ Pontificum copiam, aliaque ejus ævi insignia suspicienda memorat. in decimo vero crassam ubique ignorantiam, neglectum litterarum, morum depravationem, bellorum exitia, raros, hocque nomine parum dignos Pontifices, immanem demum & ubique grassantem quidvis audendi & agendi licentiam, elegantissime describit. Tantæ porro in duobus illis continuis sæculis dissimilitudinis non unam, sed plures rationes affert Mabillonius; & quidem feliciorum illum noni sæculi statum ex cultu præsertim bonarum litterarum, contra vero nefandam illam sæculi decimi corruptelam,

ex

ex earumdem neglectu profectam existimat. Sublata quippe, inquiebat vir sapientissimus, scientia, non est qui erudiat, non est qui exhortetur, non est qui peccantes arguat. hæc ubi defecerint, impune peccatur, impune violatur religio; desidiaz se dedunt Ecclesiaz ministri, & cæteris, quæ inde scaturiunt, lascivientis naturæ vitiis; nulla denique inter sacros altaris ministros & plebem distantia: ut populus, sic sacerdos. id probe intellexerat eximius ille Princeps Carolus re ac nomine vere magnus, qui subjectorum sibi mores in toto reformaturus imperio, de restituendis litteris in primis sollicitus fuit; certus ex earum instauratione, mores fieri si non statim meliores, saltem politiores: quæ res magnum comparandæ virtuti adjumentum affert: contra vero ex litterarum neglectu, indocilem plerumque ferociam, & indomitam curiositatem oriri, quæ vix ullis monitis & adhortationibus ad virtutem flecti possint. Et sane plures ignorantia corrumpi, quam litterarum cultu, quæ homines saltem humaniores & ad vitam socialem aptiores reddunt, nemo eat inficias. elegantem enim doctrinam liberalis quoque natura & indoles comitari solet. hujus rei testes affert locupletissimos tum Lupum Ferrariensem, virum ut in scribendo doctissi-

Quantum
ignorantia
noceat.

Quantum
juvet scientia.

ctissimum, ita in refellendis adversariis humanissimum, tum Paschasium Radbertum, qui tantam in sublimi eruditione modestiam tenuit, ut non omnium modo se monachorum peripsema dictitaverit scripseritque; sed factis quoque ita se sentire testatus sit. is quippe ad suscipiendum Sacerdotii gradum adduci numquam potuit, levitico gradu contentus.

Quamvis porro in hoc decimo describendo sæculo (quod sui asperitate ac boni sterilitate ferreum, mali exundantis deformitate plumbeum, atque scriptorum inopia obscurum jure ac merito vocat Ecclesiasticorum Annalium. Parens Baronius) rei cum ecclesiasticæ, tum politicæ, quin etiam & monasticæ statum exhibeat longe a superiori diversum, nec paria prioribus Ordinis nostri sæculis eventa referat ac progressus, sed potius cum perpetuis occidentalis Imperii bellis, motibus, flagitiis, ac devastationibus, modo everfa Monasteria, modo dilapidata Monachorum bona, modo exturbata religiosa sodalitia, aliasque id genus calamitates, quibus labefactari solet regularis disciplina, frequens commemoret; inde tamen haud lectoribus ingrata, quin ex tanta potius rerum varietate longe amœnior videri debet sæculi hujus historia: Ideo autem collapsæ disciplinæ causas studuit observare Mabillonius, ut

EX

ex earum notitia , qua ratione tam ex-
tialibus rei monasticæ detrimentis occur-
ri queat , posteros erudiret . haud absi-
mili consilio adversa quæque prosperis e-
venta scite admodum intertexuit , ut nimi-
rum tot inter ævi hujus flagitia , inque mo-
rum licentia tanta non tantum sanctitati ,
quantum pristino Ecclesiæ Ordinisq; mo-
nastici splendori detractum fuisse demon-
straret . Siquidem ut apposite notat Ma-
billonius , vix tot , tamque conspicui Mo-
nachi Episcopali dignitate decorati a-
liis superioribus sæculis reperiuntur . ex
quo quantum pestilentissimis temporibus
ex Monachorum doctrina utilitatis Rei-
publicæ accedat , facile quivis conjicere
potest .

Tertium Annalium tomum brevi sub-
secutus est quartus medium circa annum
MDCCVII. evulgatus , nec minori quam
superiores approbatione exceptus . Com-
prehendit tomus iste annos octoginta ,
scilicet residuos sæculi decimi , & sexa-
ginta sex undecimi , in quo jucundior
longeque serenior , quam in præcedenti
sæculo se se explicat rerum facies . quan-
tum autem sæculum undecimum decimo
præstiterit , cum ex rerum gestarum magni-
tudine , tum ex propagatione Ordinis , tum
Monasteriorum accessione , ac diversa-
rum sub Regula Sancti Benedicti institu-
tione Congregationum , ac tum maxime

LXXXVI
Quartum
Annalium
tomum
publicum
in lucem
emittit.

Qua in re
sæculum
undecimū
decimo
præstet.

ex restituto per Benedictinos Pontifices Romanæ Ecclesiæ splendore, luculenter ostendit Mabillonius; in hoc uno undecimum sæculum decimo infelicius existimans, quod illud sectas aut hæreses saltem diuturnas in Ecclesia Latina parturierit nullas; illud vero, proh nefas! pestilentissimam Berengarii hæresim, quæ ad nostra usque tempora per Henricianos, Petrobusianos, Valdenses, in novissimas Lutheri & Calvini sectas transmissa est, infelici partu ediderit. Verum Divino factum consilio est, ut, quæ monstra protulit ætas, hæc eadem viros pareret fortissimos eosque doctissimos, qui ea virtute fugarent, doctrina vincerent, scriptisque omnino delerent.

Hos inter, nascenti hæresi Berengarii se se strenue statim opposuit Lanfrancus Scholis tum Beccensibus præfectus; quemque suas in partes allicere frustra tentaverat Berengarius; Lanfranco se se adjunxere Guilmundus, Durandus Troarnensis, alique e nostris, dein Algerus Cluniacensis, qui omnes Catholicam Eucharistiæ fidem strenue juxta ac erudite propugnarunt; ex quibus (citra jactantiam dictum velim) colligere est, quantum Majores nostri illis temporibus, uti & superioribus sæculis ad pietatem doctrinamque restituendam & illustrandam contulerint.

Vc.

Verum peculiaris, inquit Mabillonius, nostrorum gloria hæc est, quod Catholicam de Sanctissimo Sacramento fidem & veritatem scriptis suis contra novatores adseruerint, viam aperiente Beato Paschasio Radberto Abbate Corbejensi; quem deinde secuti sunt prælaudati Lanfrancus, Guilmundus, & Durandus Troarnensis; quibus accensendi quoque sunt Gezo primus Dertonensis Cœnobii Abbas, Albericus Casinensis Monachus, qui in Synodo Romana sub Greg. VII. contra Berengarium acerrime disputavit. Volphelmus quoque Breunvillereus in Colonienfi Diœcesi Abbas, qui epistolam scripsit ad Meginbardum Abbatem Gladbacensem. Hæc, inquit Mabillonius, sunt ardentissimi in rem Catholicam studii præclara sanè exempla, quibus insistere, ni degeneres esse velimus, nos oportet, quatenus sinunt instituti nostri leges; quibus neglectis, quævis commendatio a doctrina & eruditione profecta, inanis plane est, & apud æquos rerum aestimatores vilescit.

*Peculiaris
Benedi-
ctinorum
gloria.*

Cæterum ut in tam longo tamque multiplicitate & diversarum rerum decursu, difficile, immo impossibile est, hæc præsertim ætate, non cæspitare aliquando & errare, sic, inquit Mabillonius, errata mea, ubi mihi comperta fuerint, agnoscere & emendare non erubescam, iis omnibus gratiam habiturus, qui eorum me amico & benevole admonuerint. Sane quantum ex amicorum admonitionibus profecerim, argumen-

*Mabillonius
nil in Ec-
clesiam
demissio,
ac mode-
sta confes-
sio,*

to sunt superiorum voluminum emendationes & retractiones ; quas cum ex meis , tum ex eorum animadversionibus ad calcem quarti voluminis apponere visum est ; ne si eas in aliud volumen reservarem , forte mihi memoria exciderent . Verum non omnino rigidos ac se-
veros monitores , censesve , sed benignos mihi adesse velim . multa mihi condonari , quæ quidem tolerabilia sunt , multa indulgeri opto , nisi si quid contra quemquam inofficose , maxime si quid vel tantillum contra debitam Catholicæ Rom. Ecclesiæ reverentiam vel doctrinam mihi incogitanti , & nolenti excidisset . absit enim ut ab hac regulâ veritatis , matre inquam Ecclesia umquam dissentiam , cujus iudicio ac censuræ quæcumque hætenus scripsi , aut scripturus sum lubens ac volens & ex animo submitto ; in cujus sinu & fide semper vixi , & constanter , adjuvante Deo , emori exopto . Talia fuere postrema ac viro planè religioso dignissima verba , quibus quartum , atque utinam non ultimum Annalium volumen conclusum voluit ; hi ad mortem usque fuere ejus animi sensus :

LXXXVII
Quintum
Annalium
Tomum
publicæ
luci tradit
D. Renatus
Mas-
suet.

Quintum typis jam paratum Anna-
lium tomum tenebat Mabillonius , cum
invidente fato nobis ereptus , eum stu-
diorum ac laborum Socio Theoderico
Ruinarto evulgandum reliquit . Verum
eo quoque biennio fere post vita functo ,
qui utriusque continuandis studiis con-
spi-

spirantibus majorum suffragiis præfici meruit D. Renatus Massuet, utriusque fidem nuperrime liberavit; talemque fere publicæ luci tradidit, qualem reliquerat vir clarissimus, paucis exceptis, quæ tum à Ruinartho, tum ab ipso adjuncta sunt. Comprehendit porro volumen hoc annos quinquaginta, triginta scilicet & quatuor residuos undecimi sæculi, & sexdecim duodecimi: ea autem est pars historiæ nostræ, qua jucundior aut utilior vix legi queat, in ea enim cum monasticis scite foederata videas eventa Ecclesiastica juxta ac civilia; ibi descripta gesta & præclara virtutum exempla una cum plurimis, qui Benedictinam simul & Ecclesiasticam Rempublicam illustrarunt, viris insignibus, Hugone Magno Cluniacensi, Bernardo Clarevallesi, Petro Damiano, Lanfranco, & Anselmo utroque Cantuariensi Archiepiscopo, Summis Pontificibus, multis principum sedium Episcopis, legatis Sanctæ Sedis, aliisque clarissimis Ordinis Monachis, quorum doctrina, consiliisque usi non semel sunt Principes, Magnates, Summi Pontifices, & Episcopi. In ea denique longe lateque propagatam suspicias rem monasticam, extracta de novo pia Principum, Magnatum, nobilium quoque ac plebejorum æmulatione monasteria, vetera una cum disciplina regulari restau-

rata; institutas variis in Regnis Congregationes; in quibus cum virtutibus florere litteræ; viguitque in primis mira in servandis veterum operibus sollicitudo, in transcribendis manu exaratis codicibus diligentia, cura denique in conscribendis historiis propemodum singularis, in quo singulare illud est ac memoratu dignum, quod apud Monachos Anglos statutum refertur, in singulis Regalibus Monasteriis deligendum esse peritum aliquem & accuratum scriptorem, qui præcipua Regis gesta, & Regni eventa notaret, & in acta referret; omnia ad proximum generale Capitulum post obitum Regis deferenda, ut ex omnium collatione a sagacioribus quibusdam a Capitulo designatis facta, accurata Chronica conscriberentur, & in archivis monasteriorum diligenter asservarentur.

LXXXVIII
Mabillonius in
monasterium
incidit.

Chelles.

Ineunte mense Decemb. ann. MDCCVII. summo mane, ut ei mos erat, expergefactus Mabillonius, solitisque persolutis pietatis officiis, studio aliquandiu operam dedit; subinde vero devotissime celebrato Missæ Sacrificio * Calam, ad nobile Virginum Benedictinarum Cœnobium haud procul ab urbe Parisiensi positum, proficiscitur. Verum sine me iter suscipere Mabillonium molestissime tuli, quod salutis causa socium ei necessarium fore

LEX-

experimento noveram; imminensque illius incommodum non una ratione augurari posse mihi videbar. & sane non me fefellit opinio: siquidem ex urbe vix egressus, lotii difficultatem expertus est; idque incommodi partim timore ne gravaret itineris socios, partim pudore ne illos offenderet, diu nec sine gravi discrimine tacitus ferens, intempestive tandem indicare, quin etiam ob mali acerbiter in vestigio hære, sociosque itineris, quo tendebant ut pergerent, rogare coactus est. subinde pedetentim pro viribus incedens, ac frustra commodam vecturam expectans, reliquum iter pedibus confecit. quodque gravius accidit, ad prædictum Virginum Cœnobium non sine incredibile morbi, itinerisque molestia adventanti, nullus qui congruum morbo remedium ferre posset, occurrit; unde per reliquum diem noctemque sequentem acerbissimis doloribus excruciat, in vitæ discrimen adductus est, eo quidem gravius quod mali rationem penitus ignorantes ejus loci Medici ægrum non tam levare, quam per dies octo variis iisque interdum contrariis remediis conficere videbantur. quæ ut audivit celebris Medicus Parisiis illuc vocatus, incredibilia passum fuisse Mabillonium palam asseruit. & quidem per dies complures invicto ac religioso plane ani-

mo ea pertulit, quæ a quovis alio vel tolerantissimo per aliquot horas ferri vix potuissent.

LXXXIX
Ruinar-
tus ægro-
tantem
Mabillon-
ium con-
venit.

Audita, quam mihi statim significatam voluit, gravi illius ægritudine, mox ad eum convolavi; nec sine stupore oblata sibi quæque remedia, morbique acerbitate æquo non tantum animo perferentem, sed descentes quoque amicos consolantem inveni. Morbo invalescente, Præpositis nostris non semel autor fui, ut Parisios quamprimum reveheretur. Interim moerentem me, atque ob morbi gravitatem timentem confirmare, hortari, atque hisce verbis consolari studebat: *An, inquit, putas id adversi non fuisse a Deo ordinatum? qui percussit, ipse, si velit & expediat, sanabit humane salutis autor.* Subinde vero divinæ (cui omnia servire debent) voluntati se totum committens, modo hæc, *Dominus est, quod vult faciat*; modo ista Scripturæ verba mente simul & ore proferebat, *Sicut Domino placuit, ita factum est, sit nomen Domini benedictum.* quæ cum in reliquis, tum maxime in rebus adversis ubique usurpare solebat.

Mabillonii
patientia,
ejusque
divinæ
voluntati
suum mis-
sio.

XC
Sacramen-
tis muniri
postulat.

Porro ex morbi gravitate, atque acutissimorum, qui non tam remitti, quam in dies recrudesceere videbantur, dolorum acerbitate brevi se moriturum prospiciens, mox, abjecta omni alia cura, deque u-

na

na animæ salute sollicitus, se totum ad Deum convertit, Sacramentisque muni-ri postulat; quæ ubi Medicorum ac Præpositorum judicio in aliud tempus dilata audit, pœnitentiæ saltem lavacro, quo fructuosius, moderatiusque malum perfe-rat, ut expietur enixe rogat. Tum vero im-minentem, cujus me privatim monuerat, mortem acerbissime deflenti, hæc repo-suit: *Quid tanto mœrore consumeris? an ne-* Mœrentē
socium
cōsolatur.
scis, quod præire tibi debeam? angi mollitia
est, reluctari insania. Si Deus ita jubet,
quid quereris? culpæ potes aliquid in eo,
& ab eo, qui benignitas totus? quod a Deo
factum audis, cogita non temere, non fortui-
to, sed eo consilio factum, quo non modo ni-
bil nisi æquum & justum, sed nihil quoque
nisi quod bonum ac salutare nobis providet ac
decernit. Ubi æquitas, quis reclamare au-
deat? ubi vero cum æquitate nostra quoque
conjuncta salus & utilitas est, quam ingra-
tum foret, non æquo, non moderato animo
suscipere quidquid benigno Patri nostro pla-
cuerit? quid igitur doles? adversus casum
bunc dudum te paratum oportuit, & præmu-
nium. moriturum luges? an id inscens di-
scipulo præire magistrum, filio parentem? His
animi sensibus inflammatus, dissolvi &
cum Christo esse cupiebat, existimabat-
que cum Apostolo mori lucrum.

Is porro erat, quo in Christum æstua-
bat, amor, ea in ejus misericordia spes, XCI
Mabillo-
nil in

ac

Christum
amor, &
fiducia.

ac fiducia, ut in extremo licet vitæ discrimine positus isthæc identidem usurparet Ambrosii verba, *Non timemori, quia bonum Dominum habemus*. Lugebant inter hæc fratres, & in lachrymas solvebantur; at ille castigabat inertes lachrymas, lætoque vultu solus ipse mœstos solabatur circumstantium animos. Rebus interim suis consulens, ac futura prospiciens, ut investigandis ac colligendis iis, quibus, eo demortuo, uti possem, documentis animum diligenter intenderem, eorumque in me curam susciperem, enixe hortabatur. Paulo ante quam in morbum incideret, stranguria se moriturum quasi vaticinando significaverat: quin etiam integro fere ante obitum anno, cum scilicet Annalibus navaret operam, atque Anselmi (cujus eximiam eruditionem, nec minorem eruditione pietatem, ac regularis disciplinæ studium demiratus non semel erat) Acta conscriberet, mihi aliquando cellam subeunti reposuit: Anselmi acta cogito, eodemque quo ipse ætatis anno e vita migrabo. Rem probavit eventus: siquidem, uti Anselmus, septuagesimo sexto obiit. Sed multo etiam ante supremum sibi diem prænotiaverat; quod quidem post obitum observatum est.

Sodalium
solicitu-
do, & ca-

Ne Parisios adhuc remearet Mabillonius non una sane ratio suadebat: in primis

mis vero invicta ejus in ferendis doloribus patientia, Abbatissæ ac Monialium * Calensium in suppeditandis necessariis caritas ac diligentia prope singularis, sodalium denique indefessa sollicitudo, quæque a multis dabatur salutis recuperandæ spes non dubia. in contrarium vero non parum movebat febris, quæ levis licet, haud minus tamen periculosa videbatur; nec non mali pertinacia, quæ nullis jamdiu remediis remitti vincique poterat. Eo Mabillonii discrimine, meisque tandem litteris non mediocriter commoti Præpositi mox exercitatum peritumque Medicum mittunt, qui, cognito Mabillonii morbo, levamen non solum attulit, sed ipsum quoque ad profectionem impulit. hæc quo commodius fieret, lecticam suam, quam, audita Mabillonii ægritudine, non semel pro sua in eum benevolentia perhumaniter obtulerat, suppeditari voluit Eminentissimus deque nostra Congregatione dudum præclare meritus Cardinalis Estræus, procurandæ salutis ejus præ aliis summopere cupidus.

Die igitur conceptæ Deiparæ Sacro ad Sangermanense Cœnobium mecum profectus, incredibili non sodalium modo, sed multorum qui eo confluerant, amicorum lætitia excipitur, atque in spem brevi consecuturæ salutis facile quisque adducitur. verum qui votis nostris longe con-

ritas in
Mabillo-
nie curan-
do.

de Chelles.

XCH
Parisios
revehitur.

contraria meditabatur rerum omnium moderator Deus , infirmo atque ætate confecto Mabillonio vires præter omnium expectationem conferre & augere videbatur , quo melius probatum , diutiusque expurgatum novo quodam martyrii genere digniorem efficeret cœlo victimam.

Mabillonii
patientia,
animique
tranquilli-
tas.

Interim ex incongruis , aut sero paratis remediis morbo renascente , in diesque recrudescente , sic est debilitatus Mabillonius, ut nullum sine vitæ aut saltem gravioris febris discrimine præsens remedium ferre , peneque desperata salute , vix paululum iusculi haurire posset . in hoc porro acerbissimo statu ea erat ejus animi moderatio , illudque silentium , ut non sine adstantium stupore a Chirurgis , quo ferrum securius ducerent , conceptum dolorem verbis aut gemitibus ut indicaret , non semel rogatus fuerit . hæc erat , cæteris ejus vicem dolentibus , Mabillonii tranquillitas , hæc in cruce , cui cum Christo suffigi se gloriabatur , mira sane animi quies . Et quidem in cruce positus videbatur , cum sive ob dolorum acerbicatem , sive ob diuturnam , qua angebatur , remedium molestiam nulla ratione in alterum latus moveri posset . hæc quo æquiore ac moderatiore animo perferret , mentem nunc piis ad Deum pascebat affectibus , nunc sacris lectionibus recreabat , potissimum vero novi Testamenti

Mentem
divino
sermone
pascebat.

ac

ac Epistolarum D. Pauli ; ejus vel nomen audiens supra modum delectabatur. In lectione Dominicæ passionis ardebant in primis ea loca moderandis infirmorum molestiis magis accommodata ; qualia erant quæ scite prorsus selegerat Lucionensis Episcopus ; quorumque ipse nonnulla intexuerat suo de morte Christiana opusculo ; quo tum præsertim usus est . cum enim illud eo consilio edidisset ; ut Christianam mortem ad Christi Sanctorumque exempla efformaret , frequens sibi legi curabat : hujusmodi porro lectione eo magis accendebatur mens Mabillonii , quod in hoc opusculo , illorum dumtaxat collegerat virorum illustrium mortes a gravissimis cœtaneisque autoribus concinnatas . in primis autem non sine quadam animi suavitate , ejus auscultabat epistolæ lectionem , quam ad Romanos scripserat Ignatius Martyr jam jam moriturus . mirabatur in eo clarissimo Præsule immensum quo flagraverat subeundi martyrii studium ; eoque aliquando mirum in modum inflammatus , semel & iterum ea sibi epistola ut legeretur rogabat : adeo insignis Martyris exemplo adductus , adversa quæque atque acerbæ pro Christi amore sustinere , dissolvi & cum eo esse optabat .

Capellæ valetudinarii proximus , Sacrum quotidie
 audiebat ;

XIII
 Sacrum
 quotidie

audir, nec
officia
umquam
intermit-
tit.

bat ; multorumque edoctus Sanctorum virorum exemplis diurna stas horis officia in morbis etiam gravissimis nunquam intermittebat ; aut iis interdum invite omisiss, alias preces sufficiebat . orationes memoriter tenens cuique festivitati proprias devotissime recitabat ; quæ verò memoria excidebant , eas coram se legi postulabat , subindeque resumebat . quam laudandam sane consuetudinem ad extremum usque spiritum non solum ipse tenuit ; verum etiam a sodalibus valetudinario præpositis accurate teneri curavit . neque enim audito divinorum officiorum signo , quemquam sui causa iis abesse patiebatur ; quamobrem quantum poterat paullo ante necessitatibus consulebat ; per idque temporis seipsum intime colligens divinas cum fratribus laudes mente decantabat . nec inde , haud temere dixerim , minorem , quam fratres , qui choro aderant , fructum referebat .

Mabillo-
nii accu-
rata ple-
tas.

Parem cum religione pietatem in extremo vitæ periculo testatus est ; nec ab similem exhibuit in persolvendis pietatis officiis diligentiam . diurnam quotidiani officii recitationem ne in ipso quidem obitu die , quin etiam ne in ultimo quidem ferme instanti prætermisit ; & velut corporis immemor , deficiente natura , hoc uno propemodum pane animam recreabat . Sic moriebatur , ut vivere non
recu-

recusaret ; sic autem vivebat ut supremum non metueret diem , *Et spiritu magno vidit ultima .*

Deo sic erat mente intentus , atque a rebus terrenis adeo alienus , ut de iis differentes non nisi molestissime audiret , id aliquando in valetudinario significavit , cum duobus viris sæcularibus procul licet ab eo positis primum de morbo , deinde de rebus novis colloquentibus , nonnullos , quos ipse pietatis causa ingeminabat , Sæcræ Scripturæ versus (non quidem ut offenderet , vir enim erat omnium urbanissimus , sed ut sermonem alio verteret) opposuit ; huncque in primis alta voce pronunciavit : *Narraverunt mihi iniqui fabulationes , sed non ut lex tua .* Ex quo quam ingrati Mabillonio forent hujusmodi sermones uterque plane intellexit . Haud æquiori animo testatam sibi a multis de se existimationem atque benevolentiam audiebat , unde caute memorandi erant , qui causa inquirendæ ejus salutis ad Sangermanense Cœnobium assidue confluebant viri undequaque conspicui , quod sui quisquam memor foret , per ipsi mirum videbatur ; seque interdum in conspectu Divinæ Majestatis deprimens atque ad cor rediens , non se nisi de Christo aut in Christo lætari & gloriari posse cupiebat . Cave tamen lector , sequius quidpiam inde de Mabillonio suspiceris ;
gra .

XCIV
Uni Deo ,
ac salutis
intentus
mundanos
sermones
illibenter
audit .

Psal. 118.

gratias enim easque maximas amicis suæque valetudinis cupidis diligenter ac liberaliter suo nomine rependi volebat : sed cautum potius , ne delatis sibi honoribus superbiret , intellige . Siquidem plane noverat vir modestissimus , quantum ad vanitatem proclive sit cor hominis : eapropter nullas non adhibebat Ecclesiæ preces , quo donum illud impetraret humilitatis :

xcv
Quo animo officiosos aditus exciperet.

Quo studio virtutem illam coleret , ipsique contraria omnia procul ablegaret , exemplo est vir ei tunc familiaris , a quo plurimi æstimabatur . hunc enimvero desperatam ejus salutem lugentem , atque præclara in Ecclesiam & Congregationem merita , eximiasque animi dotes uberius justo prædicantem castigavit his verbis : *Humilitas , humilitas , humilitas : altum , quæso , de rebus illis silentium* . quo audito qui talia dixerat siluit , moxque , me suadente , ab eo recessit . Hanc ne vel leviter macularet , cui potissimum studebat , humilitatem , illorum nisi invitus non excipiebat officiosos aditus , qui aut egregia ejus in Rempublicam litterariam silere merita , vel suam de ipso celare existimationem , aut ab ejus laudibus abstinere minime poterant : secus vero eos studiose complectebatur , qui majoris studio pietatis , aut melioris frugis desiderio inflammati ad eum confluebant , præ-

præsertim vero plebejos, infimæque sortis homines; quibuscum, dum bene ei esset, eo interdum libentius versabatur, quod in iis luculentius eluceret, quam impense amabat, Christiana simplicitas, ingenuusque animi candor; eosque demum crederet comparando cœlesti regno magis idoneos, utpote a rerum terrenarum sollicitudine, periculisque divitum procul positos. hujusmodi se hominum orationibus commendare, ac congrua cuique pro suo statu & ordine consilia suggerere mirum in modum studebat: & quidem eo amore, eaque humanitate eos alloquebatur, ut tantæ virtutis, nominisque virum vel conspexisse se, vel audisse, gratulabundi quique recederent.

¶ Pari aliquando grati animi significatione lætitiæque sensu adfectum dimisit virum ecclesiasticum, cui recedenti ac benedictionem enixe roganti adeo non indulgit, ut potius ipse ab eo postularit; ejusque se precibus plurimum commendarit. haud ita post, cum extremo nempe morbo laboraret, ab simili modo, etsi non ab simili humilitatis adfectu, se gessit erga virum genere, dignitatibus, ac fortunæ bonis insignem, sed fide ac religione, cujus studio se suæque omnia devoverat, longe insigniorem: huic namque, cujus animum, eximiasque virtutes probe noverat, nec semel fuerat expertus, benedi-

O

ctio-

tionem, cum ipse quoque postularet, quamvis non illico annuerit, haud tamen negandam putavit : unde elevatis sursum oculis, hæc quæ sequuntur verba reposuit ; Scio equidem me miserum peccatorem , verum cum quidpiam me apud Deum posse confidas , Deum precor toto quo possum mentis adfectu , ut fiat tibi secundum fidem tuam : quo dicto , uterque vix a lachrymis temperare potuit.

XCVI
Preces
pro Mabil-
lonii incolu-
mitate.

Interea spem inter & metum suspensos anxiosque tenebat omnium animos continuus absque levamine morbus ; nec eos qui extremum Mabilionii discrimen noverant ; assiduique doloris testes erant confirmare poterat , quam Medici dabant, spes non dubia brevi secuturæ salutis . ubi porro periclitantis Mabilionii rumor Parisios vicinaque loca pervasit, mox non in nostris modo ac Sanctimonialium Cœnobiis, verum etiam in Xenodochiis , Collegiis , aliisque permultis diversorum Ordinum Ecclesiis pro tanti ac tam eruditi viri incolumitate orationes fieri, votis ac precibus Deus obsecrari , adhiberi pauperum simul & puerorum preces, dolere denique omnes. tantis bonorum , maxime vero pauperum & puerorum precibus expetitam licet non obtinuerit incolumitatem ; invictam saltem, qua recrudescentis mali acerbitatē pertulit, patientiam impetrasse haud temere asseri potest.

Subin-

Subinde vero gravi, quo correptus fuerat, sopore liber, supremum vitæ discrimen præsentiens, tempusque instare resolutionis suæ, mox quasi novos collegisset ad pietatem animos, plena fide, cordis effusione pene incredibili Sacramentis Pœnitentiæ, Eucharistiæ, & extremæ Unctionis tamquam optimo viatico muniri se postulat, quove adfectus erat pietatis sensu ad ea suscipienda se accingit.

Ex iis vero quantumvis juxta antiquum Ecclesiæ ritum Oleo prius Sacro inungi, quam viatico refici, in votis haberet; haud vota tamen sua Præpositis aperiri voluit. Ne, quæso, inquit, mihi quidquam ea de re apud Præpositos moliaris; vitanda quippe singularitas; servanda in omnibus, desideriis licet contraria, Congregationis Ecclesiæque consuetudo. Et certe cum omnia a consuetudine regulis-que abhorrentia vivens diligentissime devitasset, ea qua vixerat simplicitate & communi rerum omnium observantia e-mori voluit. Exinde vero ne quis pietatem turbaret suam, ad finem usque vespèrarum, quam in horam indicta erat Sacramentorum administratio, se non tam morbo fractum aut sopore gravem, quam sibi collectum intimeque Deo unitum exhibuit. ea porro erat qua Christi suscipiendi flagrabat cupiditas, ut moræ, quam afferebat Martyris Thomæ Cantuarien-

Oleo Sa-
cro ante
Viaticum
inungi
cupit, nec
tamen pe-
cit singu-
laritatis i-
nemicus.

Ejus Chri-
sti susci-
piendi cu-
piditas.

XCVI
Mabillo-
nii pieras
in susci-
piendis
Sacramen-
tis.

sis Archiepiscopi festivitas ; impatiens , anxius tamdiu fuerit ; donec pietati suæ jam jam satisfactum iri non dubitavit . Decantatis Vesperis ; ingenti sodalium quin etiam & sæcularium frequentia per Superiorem deferretur ipsi Corpus Dominicum ; ad ejus conspectum ; ceu nubes ad Solis radios ; fugari sopor , redire animus , vires mirum in modum augeri : quæ porro inesset ei religio , fidei magnitudo , ardorque caritatis , vel ex summa ; qua Sacramenta suscepit animi reverentia , ac singulari prope , qua consuetas cum ministris Ecclesiæ preces recitavit ; mentis præsentia ; tum in primis palam omnibus fecit . postulata deinde ab omnibus , quos aut verbis , aut actibus ne offenderet verebatur , suppliciter veniam . brevique perinde ac modesto sermone allocutus ad lachrymas usque commotos Sodales , quò purior ante Christi tribunal appareat , expietque anteaactæ vitæ sordes , concessæ Ordini nostro in articulo mortis indulgentiæ ut sibi impertirentur rogavit ; iterumque accepta Sanctissimi Sacramenti benedictione reliquum diem in Dei laudes , pios animi adfectus , assiduamque orationem insumpsit .

XCVIII
Ejus cum
Deo nien-
tis unio .

Cum esset tum Dominici tempus adventus , pias illas , adfectuque plenas (quibus sua in Christum venturum vota gemitusque promere solet Ecclesia) anti-
pho-

phonas assidue ingeminabat, sibique juxta lectum recitari satagebat. Divinas jucunde misericordias in æternum decantandas prælibabat, suaviter *Christi bonus odor* in astantium corda diffundebar, abunde inspirabat omnibus Dei charitatem, uni denique Deo intentus, re nulla ne morbi quidem doloribus impediatur, immo ex iis elevandæ ad eum mentis argumentum undique captabat: si quid vel a fratribus adjumenti, vel a Præpositis indulgebatur solatii, id sane totum non sine grati in utroque animi significatione, Deo acceptum referebat. Quis, inquiebat, sum ego, Deus bone, ut tanta mei cura habeatur? aut quæ de restituenda peccatoris valetudine tanta tamque assidua fratrum sollicitudo? mihi plus æquo indulgetur, indeque ne a Deo puniar, vereor. Sive sanus, sive æger, nihil accipiebat, nisi prævia mentis ad Deum elevatione, quam mox excipiebat de rebus acceptis gratiarum actio.

Ingravescente in dies morbo, quo se magis ac magis ad illum ferendum obfirmaret, nonnulla ut sibi interdum legerentur flagitabat Sacræ Scripturæ loca, ac illustria præsertim eorum exempla, qui curas omnes ac studia in id contulerant, ut pie ac sancte ex hac vita migrarent; scilicet ut in singulorum vitam intuens, cui suam

XCIX
Se parat
ad mortē
subeundā.

conformaret ; similem quoque mortem assequeretur . interim ex febris remissione , sudoribusque opportunis ; spes salutis non modica concipitur ; Natalisque Domini pervigilium nullo fere labore ducit : adeo ut ad tantam religiosius celebrandam festivitatem id ei solaminis ac quietis indultum a Deo fuisse videretur . Id sane eo consilio factum credidisse Ma-
 billonium facile intellexi ex eo exemplo , quod mihi laboribus ejusque causa susceptis *Amoribus* tantisper recreato ; tunc retulit de Venerabili Petro . is enim in pervigilio Natalis Domini morti proximus , ne fratrum in tantæ festivitatis celebritate perturbaret animos , mortis inducias a Deo petiit ; & impetravit : Idipsum etsi se postulasse non dixerit , forte tamen consecuturum non obscure indicavit . & quidem votis annuit qui *voluntatem timentium se facit* Deus : enimvero ut ipsi per totum Natalis Domini pervigilium , ac Sacratissimam noctem quietius agere , ita fratribus , famulisque datum est , eo , quo par erat , pietatis sensu festivitatem celebrare . unde quo tempore antelucanum officium decantabatur in choro ; idem ipse juxta lectum suum recitavi ; subindeque Sacrum , quod in valetudinario celebratum fuit , miro animi fervore audivit ; nec sine ingenti interioris suavitatis sensu cœlesti pabulo animinum

Natale festum tranquille agit.

nimum refecit. recitatis deinde coram eo Laudibus, reliquam noctem tranquille admodum egit; meque ut somno indulgerem non invitavit modo; sed etiam coegit: ea erat ejus non de me solum, sed de famulis quoque omnibus cura ac sollicitudo. *Ministrari* sibi semper recusabat, qui nihil magis habuerat in votis, quam *Christo* in fratrum persona *ministrare*.

Fuit is toto fere Natali Domini die Mabillonii status, ex quo non mediocriter aucta tantæ; quæ agebatur, festivitatis lætitia. enimvero incolumitatis spes affulgebat eo jucundior, quo majori quisque ejusdem studio tenebatur: porro ea firmabatur Medici judicio. is enim ubi pomeridianis horis febris pene destitutum reperiit, mox ut audacter, ita intempestive a periculo liberum pronunciavit. Siquidem vix e valetudinario discefferat, cum Mabillonius sanguinem cepit sputare, viribus destitui, peracutis lateris doloribus acerbissime cruciari, in apertum denique vitæ discrimen adduci. hæc ubi audit Medicus, sanguinis jubet emissionem; penitusque desperata Mabillonii salute, eidem non tam sanando, quam levando animum intendit.

In hoc gravi nec sane dubio vitæ discrimine subtrahitur ipsi levaminis gratia remedium, quo non sine acutissimis do-

C
De ejus
salute de-
spectatur.

C
Summos
dolores
patitur.

loribus diu noctuque utebatur : verum cum inde non tam leniri quam exasperari dolor videretur , iterum atque iterum tentatur , sed frustra , nec sine continuo ad obitum usque cruciatu . Iis laboribus assiduisque corporis molestiis viam sibi ad Christum parabat Mabillonius : iis vicissim Christus quo puriorem cœlo hostiam exciperet , Mabillonium exercebat ; utque sacrificium numeris foret omnibus absolutum , sanguine voluit aspergi . & quidem Mabillonium , ut verbis utar Augustini serm. 286. de Sanctis , *martyrium in lecto passum fuisse baud temere dixerim* .

CH
Mabillonii
patien-
tia.

In his porro ferendis elucebat eo major Mabillonii moderatio , quo inerat ipsi animus acrior , delicatiorque corporis habitudo . & revera ea erat inter acutissimos , quibus cruciabatur , dolores vultus serenitas , ea mentis tranquillitas , ut nisi interdum mali acerbitate pressus dolorem indicasset suum , sensus omnino expertem facile quisque judicasset . Sensim ergo quotidie moriebatur ; at regina sui mens , manebat integra . qui dolores fratrum vel levissimos intimo sentiebat corde , suos idem despiciebat , ut solet humana gens alienos . Cum esset aliquando acerbissime divexatus , nec spes affulgeret ulla levaminis , nec incolumitatis , subjecta , quæ tum proferebam ,
Chri-

Christi Patrem orantis verba , *Pater si possibile est , transeat a me calix iste ; verumtamen non sicut ego volo , sed sicut tu ,* mox repetebat ; potissimum autem hæc ultima , *sed sicut tu* , quæ semel & iterum elevatis ad cælum oculis non sine adstantium lachrymis , atque incredibili pietatis sensu pronunciabat ; nec minori pietatis sensu responsum illud usurpabat toties in adventu Domini ab Ecclesia ingeminatum , *Ostende nobis Domine misericordiam tuam , & Salutare tuum da nobis* . Sic reliquum vitæ spiritum ducebat Mabillonius , de Christo , cujus amore flagrabat , possidendo , quam de recuperanda corporis valetudine longe magis sollicitus . hoc solatio recreatus *in patientia possidebat animam suam* , fidem , pietatem , humilitatem ; pœnitentiæ amorem , perseverantiam in finem , cor proprium , fratrum animos , pacem Christi ,

Nec sane diffitebor , semel & iterum exhoruisse statutum omnibus hominibus mortis supplicium . Verum Hilarionis exemplo exprobrata sua sibi animi parvitate , horrorem mortis non modo superavit , sed fidei quoque ac spei animandæ argumentum inde arripens totum se vel ad vitam vel ad mortem supremo mortalium omnium moderatori Deo permisit . non enim amabat , aut productum cupiebat vitæ hujus exilium , immortalitati , sicut

CIII
Mortem
exhorret.

Hieron. in
vita S. Hilari.

cæ-

2. Corinth. 5. 4. cæteri homines ; natus : qui sumus ; in-
 quiebat ; in hoc tabernaculo ; ingemiscimus gra-
 vati ; eo quod volumus expoliari sed superve-
 stiri ; ut absorbeat quod mortale est a vita.
 Morti jam proximus ; modo hæc cum
 Luc. 11. 13. Publicano ; Propitius esto mihi peccatori ;
 modo ista cum Regio Vate verba usur-
 pabat ; Psal. 129. Si iniquitates observaveris Domine ;
 Domine ; quis sustinebit ? modo demum fi-
 de animatus ; inque Dei ; ac Salvatoris
 nostri Jesu Christi misericordia confisus
 Psal. 88. hæc animo & sermone versabat ; Mife-
 ricordias Domini in æternum cantabo.

CIV
 Mortem
 præsentit
 proximâ.

Die Protomartyri Stephano sacra ; ubi
 audivit festum imminere Sancti Joannis
 Euangelistæ (cujus virtutes ; potissimum
 vero integritatem & caritatem æmulari
 studuerat) mox ingenti animi gaudio ge-
 stiens ; pro viribusque caput & vocem at-
 tollens ; in hæc verba erupit : Sancte Jo-
 annes ; Magne Joannes ; tuam igitur festivi-
 tatem celebrabo : quibus verbis moriturum
 se ea die non obscure indicavit .

CV
 Fratrum
 in Mabil-
 lonium of-
 ficiosa
 caritas,
 quæ etiâ
 & famulo-
 rum.

Interim periclitanti Mabilionio aderant
 Sodales omnes ; nec ; nisi aut divitiarum
 officiorum ; quæ nusquam sui gratia in-
 terturbari voluit ; aut exercitiorum regu-
 larium causa ; ab eo discedebant : Haud
 absumili in eum studio & adfectu ducti fa-
 muli omnes ; quo cibo vel somno indul-
 gerent ab eo divelli vix poterant ; diuque
 ac noctu juxta illum excubare atque ad
 mor-

mortem usque ei adesse summopere cupiebant; ministrare gestiebant. tantum amabant, quem humilem perinde ac humanum non sine admiratione experti toties fuerant. Ex iis uni; cujus mores optimos ac eximiam pietatem probe noverat, consilia professioni suæque saluti congrua roganti haud denegata voluit; diuque illum hortatus, qua ratione Christianæ vitæ officia digne obire, moresque deberet efformare suos, mira caritate edocuit.

Multa memoratu digna, eaque ad pietatem accendendam non parum utilia; quæ, imminente jam morte, protulit Mabillonius; tacitus prætereo, quippe non satis accurate collecta; ea tantum memoraturus; quæ juniori ecclesiastico consanguineo suo (ad cujus efformandos mores non parum studii contulerat ac laboris) pia atque salubria præbuit vitæ ecclesiasticæ documenta: & primo quidem illum ad Dei, qui sperantes in se numquam deserit; fiduciam & humilitatem plurimum adhortatus; subjecta potissimum documenta commendata ipsi voluit. *Fili;* inquit; *quis ac qualis sis, animo nunquam excidat tuo; proque certo habeas, parem te apud Deum humilitati gloriam adepturum: Christiani viri decus in eo situm intellige; ut seipsum probe cognoscat, miseriam ac infirmitatem profiteatur suam,*
quæ

CVI
 Monita
 salutis vi-
 ro eccle-
 siastico
 data.

quæ mundus offert blanda licet ac præclara
 flocci faciat; aspernetur honores, divitias,
 amplissimosque dignitatum gradus; pro Christi
 amore deprimi, & adversa quæque ferre gau-
 deat, immo cum Apostolo gloriatur. Humilitas,
 humilitas, in omnibus humilia teipsum. amat
 Deus de stercore erigere pauperem, de-
 jicere superbum, potentes de fede depone-
 re, & exaltare humiles. Alta a longe
 cognoscit, humilibus infundit gratiarum cha-
 rismata, regna cælestia parat, beatos præ-
 dicat pauperes spiritu, quoniam ipsorum
 est regnum cælorum. Virtutum omnium
 comes est ac moderatrix humilitas, gressus i-
 psa dirigit, componit oculos, vocem temperat,
 cuncta demum in homine Christiano rite mo-
 deratur. In omnibus, iterum dico, humilia
 teipsum, paupertatem cole, ama simplicita-
 tem. pauper natus es, pauper quoque forsi-
 tan morieris: non alia quam invisibilia in vo-
 tis habeas gratiæ bona. Divitiæ si affluant,
 noli cor tuum apponere. Sis in habitu
 simplex, in suppellectile modestus, moderatus
 in rebus etiam licitis. A propria cave cupi-
 ditate, malorum enim omnium radix cu-
 piditas. paupertati quæ Dei dona conciliat,
 potissimum stude. Dilige veritatem, esto ubi-
 que verax, ubique ad religionem usque sincere.
 præclarum sane ac vere magnum donum
 est veritatis amor: precibus ac gemitibus
 obtinetur. Ne deficias in magnis, parva
 numquam despicias. Esto vigilans & sollici-
 tus,

tus, omnique custodia serva cor tuum, quia ex ipso vita procedit.

Inter ea invalescit febris, variisque simul malis pene confectus Mabillonius, gravi sopore seu potius deliquio corripitur, quo non parum permotus, Monachum doctrina perinde ac pietate conspicuum, eique dudum familiarem, ut juxta illum excubaret enixe rogavi. hunc de rebus cœlestibus, deque supremo quod jam jam oblaturus erat vitæ sacrificio vix loquentem audivit, cum resumpto spiritu, de hujus ipse sacrificii præstantia, necessitate, integritate, aliisque, quibus acceptum Deo fiat, opportunis dotibus non sine adstantium stupore, egregie admodum cœpit differere; Sacræ Scripturæ, Sanctorumque Patrum ad rem prorsus accommodatas sententias in medium proferre, demumque ostendere, qua ratione Christianus quilibet cruci cum Christo configi debeat, ut simul cum eo æterno Patri offerri mereatur. habens in deliciis sanctos libros, cum Joanne recubabat supra pectus Jesu, ac nonnulla quæ assiduus scrutabatur, suisque animadversionibus illustrabat, Scripturæ loca sibi interdum legenda curabat, ex quibus quo vota tenderent sua non obscure significabat. nihil demum non agebat quo *veniente Sponso, ornatis cum eo lampadibus introiret ad nuptias*. Hinc sciscitanti Præposito utrum

CYII
Pii animi
sensus.

trum cœlesti iterum pabulo refici vellet, illud se toto mentis adfectu suscepturum respondit; moxque, qua præditus erat eximia pietate, mentem adornans, hoc potenti sane viatico, quo salutis humanæ hostis detegat insidias, impetus frangat, aperiatur artes, iterum muniri non mediocriter gaudet.

CVIII
Sacrum
audit.

Sacrum subinde audiens, Missæ orationes cum Sacerdote recitavit, ea pietate animique contentione, quam sanus quisque ferre vix potuisset. Communioni Sacræ proximus, Christum qua par erat reverentia adoraturus pro viribus erexit se, ac facta confessione, solitisque Ecclesiæ precibus singulari prope humilitate recitatis, Dominicum Corpus suscepit non sine interna suavitate, ac ingenti quem celare non poterat pietatis lætitiæque sensu. Totus exinde in se rediens, divinis laudibus continuisque pro tanto beneficio gratiarum actionibus occupatus divina recitantibus officia pro viribus se adjunxit. atque ubi ad psalmos & cantica perventum est, ea potissimum ad extremum usque spiritum ingeminavit, quæ gratum in Deum animum magis aperiunt, qualia isthæc sunt: *Benedicite omnia opera Domini Domino, laudate & superexaltate cum in secula. Benedicite Angeli Domini Domino. Benedicamus Patrem, & Filium cum Sancto Spi-*

*Spiritu, laudemus & superexaltemus eum in sæcula, Benedictus es Domine in firmamento cæli, & laudabilis, & gloriosus in sæcula. Iis mentem pascebat suam jam moriturus Mabillonius: animum autem præ doloris acerbitate ab oratione interdum relaxanti legebatur brevis aliqua oratio, aut Sacræ Scripturæ locus ad patientiam corroborandam magis accommodatus, quem ipse cum intermissis psalmis & canticis resumebat, subjecta Joannis Apostoli verba identidem interserens, *Veni, veni Domine Jesu, veni. Exhibitam sibi quandoque Christi e cruce pendentis imaginem singulari prorsus adfectu arripiens, nunc pedes, nunc latera, nunc manus, nunc sacratissimum Crucis lignum eximia pietate osculabatur. In me aliquando hæc Apostoli verba proferentem, Christo confixus sum cruci, nec alia prosequenter amanter oculos convertens, benigneque increpans, quæ casu omiseram, ipse prosecutus est: Vivo ego jam non ego, vivit vero in me Christus.**

Penitus tandem desperata salute, ac hora qua ab invicem divelli oportebat, instante, benedictionem roganti non indulsit modo, verum etiam quæcumque in ipsum forte peccaveram, aut per diuturnam cum eo consuetudinem si quidpiam molestiæ creaveram libentissime con-

CIX
Ultima ejus verba.

condonavit; suasque mihi ad Deum preces pollicitus, nihil ultra adjecit cum ne longiori sermone, nimio forte moveretur adfectu; tum etiam ne mens cœlestium jugiter dedita rerum contemplationi vel minimum alio distraheretur. Et quidem exinde nihil nisi necessarium protulit, immo ne invictum ab oratione spiritum relaxaret, oculos in cœlum, Deumque unice intendit:

CX
In extre-
mis posi-
tus.

Interea paullatim deficienti ultima impertitur absolutio: mihi vero utrum ad illam attendisset sciscitanti, diligenter animum se intendisse reposuit: adeo etiam in extremis erat sui compos, animoque præsens. Psalmos elevatis interdum ad cœlum oculis, eo fervore ingeminabat, ut non tam prophetæ quam proprios animi sensus exprimere videretur. Confectum macie corpus vix hærebatur ossibus, pectus dolor laniabat: nullus interea gemitus, ac ne doloris quidem signum ullum; impatientia nulla, eadem vultus hilaritas, animus cœlesti lætitia delibutus, plenus divinarum laudum sermo, cum gratias immortales agere non cessaret amantissimo Servatori, quod immerenti servulo suo crucis particulam impertiret, cum eo denique colloqui suavissime perrexit ad extremum usque spiritum: *Spe gaudens* ad consumptionem corporis, in quo peregrinabatur, quot-

quotquot habebat partes, tot immolabat Deo victimas; lætusque aspiciebat se in dies aliqua sui parte *Christo configi cruci.*

Hora post meridiem tertia, deficiente pene natura, solus, ut olim in Ambrosio moriente, labiorum motus advertitur. in hoc extremo vitæ discrimine, veritus, ne absentibus, qui tum vesperras decantabant, fratribus, e vita migraret, nonnullos qui juxta illum præscriptas ab Ecclesia preces recitarent convocare animus erat. verum mutato consilio, tum ne divini perturbaretur cursus officii, ac tum maxime ut Mabillonii (qui nullum sui causa intermissum umquam voluerat communitalis exercitium) votis indulgerem, rem tantisper protrahendam duxi; neque in animum inducere meum poteram, passurum Deum tam religiosi viri morientis conspectu & exemplo privari Sodales. Ne morte tamen improvisa occuparetur, solitas una cum adstantibus preces recitare cœperam, cum, decantatis vespersis, mox ad campanæ signum congregati Sodales una cum plurimis iisque pietate perinde ac dignitate conspicuis sæcularibus viris, qui mœstissimo huic spectaculo adesse dignati sunt, ad Mabillonium confestim accurrere, precesque non sine adstantium lachrymis denuo inchoatæ sunt;

P quas

*Paul. id
vit. S. Ambrosii.*

Tranquil-
la Mabil-
lonii mors.

quas deinde exceperere aliæ multæ, quæ, perseverante animæ certamine, recitari solent. Dum ultima porro in Rituali notata recitabatur oratio, sensim sine sensu animam efflare visus est, dumque ingeminaret ad Deum consociatas preces fratrum corona, divinas ipse laudes, inter mortua licet voce, ardentissime persequens, benigne semel & iterum aperto ore, nullo conatu aut molestiæ signo emisit spiritum. mox inchoatæ universis amare plorantibus solitæ orationes. Sic inter fratrum simul & amicorum preces ac suspiria expiravit Mabillonius; ex quibus nonnulli viro religiose pieque adeo morienti adfuisse se non semel Deo gratias agentes sibi gratulati sunt. Equidem sperare licet eum tanta morbi acerbitate ac diuturnitate divexatum, & sicut aurum in fornace probatū, misericordiam a Patre misericordiarum consecutum esse. Idipsum sane sperasse videtur qui de Mabillonii obitu non tam dolendum, quam de futuro nobis apud Deum intercessore lætandum litteris suis significare dignatus est ei jamdiu amicissimus S. R. E. Cardinalis Leander Coloredus. Obiit Joannes Mabillonius in Cœnobio Sancti Germani a Pratis Ann. Incarn. MDCCVII. Die 27. Decemb. paullo ante horam quintam serotinam, ineunte ætatis anno septuagesimo sexto.

Haud

Haud ita post obitum, non meo tantum, sed omnium quoque adstantium judicio visus est Mabillonius vultu solito elegantior, micantiorque oculis, stupenti, ac singulare quidpiam attento animo spectanti similis; formam denique, quam quæ in corporibus exanimis apparere solet, longe augustiorem & amœniorem in eo effloruisse una cum observarunt viri quamplurimi, Demortuo tandem parentandum fuit, unde osculato prius ejus pectore una cum manibus, quibus tot præclara gesserat, corpus juxta antiquum Ordinis ritum abluitur; subindeque ad valetudinarii capellam reverenter delatum, diuque expositum, votis, orationibus, sacrificiis, suspiriisque Sodales omnes pie prosequuntur.

CXI
Demortuus Mabillonius vultu elegantior apparet.

Ubi primum tanti viri obitus tota urbe percrebuit, omnium animos mœror occupavit: nobiles juxta ac ignobiles demortuum luxerunt; mortem ejus tanquam communem jacturam lamentati sunt, ac doluerunt eruditi omnes; immo ipsa, cui haud ignota erant præclara viri merita, quamque dum viveret studiose adeo declinaverat, Aula regia. Quid memorem Christianissimum Regem, summorum virorum, si quis alius, æquum æstimatorem; qui ut viventis fidelitatem eximiamque doctrinam pari cum mode-

CXII
Omnium mœror de Mabillonii morte.

stia conjunctam commendare, ita deestortuum deslere, publicoque elogio illustrare dignatus est? quid majoris Britanniae Regem, ac Reginam, a quibus dum viveret nullis non honoribus, nullis non benevolentiae regiaeque plane benignitatis argumentis adfectus est? quid denique Virum undequaque spectatissimum, qui vitam hanc in publicum suae erga Mabillonium amicitiae ac existimationis testimonium, adornari, publicique juris fieri voluit?

CXIII
Mabillonii
exequiae.

Solemnes admodum Mabillonii exequias, non pendentium aulaeorum magnificentia aut vana magnatum pompa; non Funalium multitudo, non magnificus feretri splendor, sed cujusvis professionis, conditionis, dignitatisque hominum frequentia illustravit, commendavitque plurimum. nec inde, ut ipse vivens in votis praesertim habuerat, interturbata ullatenus est, Natalitiorum Domini anniversaria solemnitas: siquidem nocte tota ac etiam die S. Joannis in capella valetudinarii asservatum ejus cadaver, non inde more Ordinis in Capitulum nisi circa horam meridianam delatum est, ibique custoditum ad finem usque vesperarum; quibus decantatis, ritu & ordine solito in Ecclesiam deportatum, atque in medio Sanctuarii, quandiu in Choro decantatum est defunctorum officium, exposi-
tum

tum concurrenti undique populo patuit ; Interea urbanæ cohortes nobilium turmæ , religiosi Ordines , civium innumera bilis multitudo Templum Sangermanense implebant , qui certatim ad fere trum , quo poterant propius , accedere conabantur , ut virum hunc conspicerent veneratione perinde , atque admiratione dignum . & quidem omnium oblectabat oculos , animosque rapiebat , quæ solito lætior in eo elucebat frontis serenitas , atque vultus amœnitas.

Quæ porro foret apud omnes probita-
 tis atque integritatis ejus fama , tum ma-
 xime patuit , cum modo in Capitulum ,
 modo in Ecclesiam manus aut pedes ejus
 exosculaturi , vestesque pie laceraturi a-
 vide omnes currebant ; ex quibus qui id
 beneficii assequi non poterant , cum quod
 aliquandiu saltem conspexissent , læta-
 bundi recedebant ; permulti vero pietate
 conspicui viri quidpiam vel exiguum , quod
 usui ei fuisset , se obtinuisse , gestiebant , stu-
 dioseque asservabant . Absoluto defuncto-
 rum officio , precibusque decantari soliti-
 tis , ad tumulum sepeliendus deferitur , fu-
 nus prosequentibus (præclarum sane , sed
 dignum lachrymis spectaculum) quam-
 plurimis , qui Parisios , rûmore nuncio ,
 confluerant , Cluniacensis ac nostræ quo-
 que Congregationis Monachis , aliisque
 omnium pene Ordinum religiosis , viris-

CXIV
 Ejus inte-
 gritatis fa-
 ma.

Præclarū
 Mabillonii
 funus.

que etiam undequaque spectatissimis, qui luminibus accensis, eodem ac Monachi ordine, nec minori super tanti viri casu animi mœrore incēdebant. mœrorem tamen non parum levabat, qua quisque intus lætabatur, spes non dubia acquisitionis ab eo salutis æternæ. Eo ordine, eaque solemni pompa ad privatum Beatæ Mariæ Sacellum intra Monasterium positum, delatum est Mabillonii corpus; ibique non sine adstantium omnium precibus, lachrymis fratrum, ac litteratorum præsertim omnium mœrore, ac desiderio conditum. Confluxit ad funus civitas fere tota; eoque apertius ad prædicandas ejus virtutes, potissimum vero modestiam cum mira eruditione conjunctam, omnium studia quasi numinis instinctu conspirarunt, quo fuerat ipse in iis occultandis sagacior.

CXV
Populi atque
ornatissimorum
virorum
concurfus.

Postera die innumera prope pro defuncti salute celebrata Sacra; incredibilis sæcularium ac regularium Sacerdotum multitudo, quam ingens porro fuerit sive in Ecclesia populi concursus, sive in choro omnium prope religiosorum ac virorum insignium frequentia vel ex triplici sedium ordine hinc atque hinc, præter sedilia chori, disposito facile quisque conjiciat. quilibet namque se choro psallentium jungere, lachrymas suas ac preces cum nostris miscere certatim studebat, quo suam

suam in Mabillonium pietatem, observantiam, studiumque palam faceret.

Pari subinde honore ac pietate Mabillonio parentatum voluere pene omnes Regni Provinciæ, ac præsertim omnium Vitonenſis, a qua plurimum colebatur, tum nostræ Congregationis Cœnobio, diversorumque Ordinum, quin etiam sæcularium Sodalitiorum, quibus haud incelebris erat, religiosæ familiæ. Illum in pulpitis concionatores, in suis ad populum sermonibus Parochi, in Collegiis & Academiis Oratores & Poetæ miris certatim laudibus exornarunt: in primis vero biduo post obitum claruit qui in Sorbonica Academia, plaudente ac plurimum gratulante spectatissimorum hominum cœtu, Panegyricum dixit. Illum Eminentissimus Cardinalis Bullonius Sacri Collegii Decanus magna doloris significatione prosecutus est, immolataque pro ejus animæ salute cœlesti hostia, iis quæ in sua Sancti Audoeni Rothomagensis basilica celebratæ fuerunt, exequiis interesse non est gravatus.

Inter cæteras porro Galliarum Ecclesias excelluit, quæ illum fere a puero primis morum ac litterarum rudimentis imbuerat, Remensis Metropolis: siquidem ut publicum suæ in illum daret existimationis argumentum, conspirantibus ultro

CXVI
Honore
Mabillo-
nio de-
mortuo
delati.

Canonicis, eosdem Mabillonio, ac viris clarissimis, delatos ex decreto Capituli voluit exequiarum honores. Exemplum secuti Præfules non pauci varizque Galliarum urbes, demortuo Mabillonio una cum Sodalibus nostris parentari voluerunt. ejus denique gratia in Cœnobiis nostris instaurata est vetus Ordinis nostri consuetudo, qua nempe audito Abbatum aut insignium Monachorum obitu, mox publicis in qualibet communitate commendabantur elogiis: quibus subinde ad singula Cœnobia transmissis, ad communem dolorem, precesque socias pro defuncto se se mutuo excitabant. Id in honorem Mabillonii non nostri modo, verum etiam multi diversorum Ordinum Religiosi, immo & sæculares Viri abunde præstiterunt. utque extaret diuturna facti gratia, elogia multa publice recitata, vel exposita typis etiam commiserunt: ex quibus nonnulla a * viris haud exigui apud litteratos nominis stricta & soluta Oratione, Græce, Latine, & Gallice concinnata, plane digna videri possunt, quæ ad æternum Mabillonii decus, virtutumque ac meritorum monumentum ære sculpantur.

D.D.de la
Monpoie,
Herfan,
Boivin, de
Villiers, le
Roy, le
Compte,
Coffin, Bo-
squillon,
Gourdan,
&c.

CXVII
Dolent
exteri Ma-
billonii
casum.

Mabillonii casum non una deflevit Gallia; doloris æmulas sociasque habuit quotquot jam tum inter se digladiabantur bellis undequaque grassantibus

bus dissociatæ Europæ nationes , in hoc sane uno concordēs , ut tanti viri memoriam publicis laudibus ubique commendarent . una hac in re fuit animorum consensio , una hæc Catholicorum perinde ac heterodoxorum vox , sententia una ; nulla ab utrisque non data existimationis ac desiderii significatio : hinc illorum preces , inde horum præconia tum publica tum privata , ut testantur quamplurimæ diversarum regionum ac præsertim Germaniæ litteræ . Effudit se potissimum litteratorum publica pietas erga hominem ad Reipublicæ litterariæ decus natum . omnibus demum mœstitiæ argumentis , omnibus monumentis pietatis , eum certatim , Urbes , Regna , Provinciæ , Academiæ , Cœnobîa profecuta sunt .

Quantum apud viros etiam principes , non solum Italiæ Litteratos moverit Mabillonius sui desiderium , cum ex multis Serenissimi Magnæ Etruriæ Ducis , ac Cardinalis Medicæi ad clarissimum Abbatem Renaudotum , a quo uterque acceperat mortis ejus seriem , rescriptis litteris , tum maxime ex iis , quas ejusdem obitum nunciaturus Romam misit ornatissimus , multisque jam nominibus clarus Abbas Passionæus , facile colligitur . Tanti viri jacturam , quam nemo non doluit , quamque non publicis
modo

modo luctus significationibus, sed privatis quoque precibus prosequi dignati sunt nonnulli Romanæ aulæ Eminentissimi Cardinales Præsules spectatissimi, primus omnium tota qua late patet Italia disseminavit præclari apud eruditos nominis Justus Abbas Fontaninus per subjectam, qua piæ memoriæ Theodericum Ruinarum nostrum dignatus est Epistolam, alias sæpius editam.

R. P. D. Theoderico Ruinaro M. B.

Epistola
clarissimi
Abbatis
Fontani-
ni.

Justus Fontaninus S. P. D.

Ubi litteris ornatissimi Abbatis Passionæi nunciatus est obitus Mabillonii nostri, a lacrymis temperare non potui. Quis enim non doleat jacturam, quam tanti viri decessu patitur Respublica litteraria, & Ecclesia ipsa, quas ille eximiis & numquam interituris lucubrationibus illustravit, nemine ex vere doctis & probis magno autori non plaudente & longissimam vitam non adprecante? Cordis mei dolorem sane maximum tibi, Vir clarissime, significare non valeo; nec equidem deo, ne tuum augere ipse videar, dum potius duplici consideratione mulcendus est; quod nempe vir integerrimus jam apud Deum Optimum Maximum fruatur præmio, quod sanctis & doctis laboribus sibi comparaverat; quodque, te illustri successore & egregio alu-
mno,

muo, tanto ante providerit, ne, eo absente, diu moreremur: Hoc non ego unus, sed literati omnes sentiunt, qui utriusque vestrum indolem dudum perspectam habent. Certus autem sis velim, in hac caterarum principe urbe, illum semper plurimi habitum, semperque habendum donec litteræ in pretio erunt, in quibus tot pietatis suæ & doctrinæ monumenta nobis reliquit.

Atque id silentio præterire minime decet, quod elapso anno exeunte, dum Mabillonius, nobis insciis, jam ad Superos evolasset, mihi testatus est Eminentissimus noster Cardinalis de Colorado, quocum eximium senem memoria relegebam, se nimirum haud ita pridem apud Summum Pontificem sermonem habuisse de eodem inter S. R. E. Cardinales cooptando. quo etiam tempore Josephus Thomasius, qui apud nos est alter Mabillonius, libere fassus est, Si sibi optio daretur unum aliquem proponendi, se statim properaturum ad Summum Pontificem, ut ad Ecclesiæ ornamentum is esset Mabillonius. Sed vir beatus hæc vota jam anteverterat ad bonoris gradum longe præstantiorem evocatus.

Hujus nuncii fama jam per totam urbem percrebuit; nosque de eo certiores reddidimus amicos per Italiam constitutos, ubi multi ex illis adhuc supersunt, qui tribus & viginti ab hinc annis cum propius venerati fuerunt, cum urbes effusæ ad eum adirent, primique subsellii homines ad visenda quæque insignia Cime-

Cimeliarchia, Gazophylacia, & Bibliothecas cum honoris causa certatim comitantes deducere, quod ille in itinere *Italico* pro sua modestia parce admodum indicavit.

Hæc memorasse libuit ad mutuum nostri solatium. interim ad meum, illud superest; ut mihi in animo tuo locum illum assignes, quem in demortui benevolentia assignatum fuisse non uno argumento didiceram; nunc vero potissimum ex litteris tuis ad hunc vestrum Procuratorem Generalem datis, in quibus me ejus nomine jam morti proximi salvere jussisti. Vale vir optime, & in tua præclara studia prompto & alacri animo incumbe. te enim sospite, non plane videbitur Mabillonius perisse. Iterum sapius vale, Romæ xv. Kal. Febr. MDCCVIII.

CXVIII
Mabillo-
nii obi-
tum dolet
ipse Sum-
mus Pon-
tifex, mo-
netque di-
stincto lo-
co inhu-
mandum
esse.

Quam acerbe demum pro paterno quo Mabillonium dignabatur adfectu, ejusdem jacturam doluerit Litteratorum princeps perinde ac patronus Clemens XI. Pontifex Maximus, hisce ad Ruinartum nostrum epistolæ verbis significatum voluit Cardinalis de Colorado. Seriem, inquit, morbi & mortis illius magna spiritus devotione, non semel, sed iterum percurrere voluit Sanctissimus Dominus noster; hominemque tam præclaris imbutum moribus, tamque de ecclesiasticis litteris bene meritum, paterno suscepit adfectu: jucundumque illi esset si talem virum aliquo magis distincto loco humaretis, cum ipsius fama per omnia voluit ora,

ac litterati omnes quotquot Parisios venerint interrogabunt vos ; Ubi posuistis eum ? dolcibuntque maxime si confusos illos agnoscerent cineres , qui singularem adeo virum , dum viveret , contexerunt , nec aliquo lapidis indicio admoneantur .

Is igitur , suadente modo laudato , nec umquam sine laude nominando Summò Pontifice , præter morem at non præter meritum Mabillonio concessas est Sepulturæ locus , qui præclaris nec umquam interituris ejus in Congregationem nostram meritis jure debebatur . Voluit enimvero humilium remunerator Deus , ut hic etiam centuplum gloriæ acciperet , iisque , quibus primi subsellii homines , honoribus donaretur , qui tanto , dum viveret , humilitatis studio , vanos mortalium effugerat honores , eo sibi magis debitos , quod nec generis , nec dignitatis splendore , sed virtute pariter & doctrina , ac singulari prope quæ in eo refulsit utriusque consensione , eos demeruisse in confesso est apud omnes . Et re quidem ipsa quis non miretur simplicem monachum , nullo generis , ut dicebam , aut dignitatis titulo conspicuum , tantum apud omnes Europæ nationes famæ & existimationis fuisse adeptum ? id nempe permisit Deus , ut una sua in eo dona , morum integritas , doctrina , virtutes cohererentur . Et quidem divino factum consilio

filio est, ut Mabillonius ad nullum umquam euectus sit muneris aut dignitatis gradum, quamvis communi suffragio omnium longe dignissimus haberetur. Hinc ad obtinendam illi regularem Ordinis Abbatiam irrito conatu tentata atque a clarissimo Galliarum Antistite adhibita autoritas. Hinc demum votis parum consona sollicitudo, quam ad eum inter Purpuratos Patres cooptandum, una cum multis Romanæ curiæ viris gravissimis, adhibere voluit piæ mem. Cardinalis de Coloredo, cujus jacturam probi quique nobiscum lugent. Sic porro ab omnibus honorum ac dignitatum gradibus alienum habebat animum Mabillonius, nullum ut umquam vel intra vel extra claustrum se obtinuisse, non semel nec sine quodam lætitiæ sensu, ceu de maximo beneficio, Deo Optimo Maximo gratias ageret. mereri enimvero dignitates præclarius existimavit quam adipisci; obedire quam imperare longe tutius. Et vero, ut pulchre quidam dixit, alienis non indigebat ornamentis vir sua virtute, omniumque existimatione ornatissimus. Hi fuerunt Mabillonii ad extremum usque spiritum sensus humilitatis; iisque, quæ humilibus repromissa est, assecutum confido, immarcescibilem gloriæ coronam.

Supereſt, Vir illuſtriſſime, ut gratias
tibi

tibi referam, easque maximas, quod sub tuo clarissimo nomine, hoc quaecumque opusculum in lucem prodire volueris. te enim illud adprobante, a cunctis quodque probatum benigneque exceptum iri plane confido. Nosti præ cæteris, Vir amplissime, præclara viventis merita, virtutes ægrotantis, patientis moderationem, morientis denique suspexisti animi fortitudinem, pietatem, pene dixi vultus & mentis hilaritatem. egregium sane fideque dignum, ac mihi quidem, quo cæteris fidem facerem, necessarium testimonium. Hoc tandem occurrit haud leve mihi solatium, quod, quem dignis ipse laudibus prosequi non valui Mabillonium, illum uno (quæ summa laus est) omnium ore celebrari, ac litteratorum præsertim elogiis ubique commendari audiam.

Eapropter, ut tibi morem gererem, fidemque meam liberarem, eo, qui virum decet religiosum, humili nempe stylo, Mabillonii acta recensui; eaque dumtaxat ex ejus editis operibus excerpta retuli, ex quibus illum mira eruditione nec minori modestia, viros inter ævi sui doctissimos floruisse facile quisque cognoscat. Cæterum eximias ejus dotes, virtutes, opera, vastissimamque ejus eruditionem in Regia Inscriptionum Academia elegantissime cunctisque plaudentibus exposuit

fuit ornatissimus D. le Boze perpetuus laudatæ Academiæ Secretarius; nihilque sane hac in re, si præscriptum Academiæ legibus tempus excurrere licuisset, desiderandum reliquisset. viri præterea eruditi non pauci, quæcumque complectuntur Mabillonii opera, suis in libris accurate memorarunt; eaque de re quidpiam publica luce non indignum aliquando proditutum plane confido.

Multa eaque egregia in demortui Mabillonii laudem concinnata encomia, ac epicedia, quæ charissimo capiti quasi tot corollas contexuere amici quamplurimi, adornata demum a viris eruditis elogiam, quæ in medium proferri mererentur, Mabilloniumque non parum exornarent, missa facio: quippe, Vir Clarissime, non tam Mabillonii laudes, quam memoranda illius acta, virtutes, exempla, germanosque & humiles animi sensus exhiberi tibi voluisti. Si quam porro injunxisti mihi provinciam, nec pro voto, nec pro argumenti dignitate sustinui, id amabo. non materiæ (quæ certe amplissima est) sed imperitiæ potius meæ tribuas yelim.

Ambr. in orat. de obitu Theo- doxi pag. 2199. Ergo Mabillonius recessit a nobis, sed non totus recessit; reliquit enim nobis liberos suos, subiectos scilicet libros, in quibus cum debemus agnoscere; & in quibus eum & cernimus, & tenemus.

CATALOGUS OMNIUM MABILLONII OPERUM.

Sancti Bernardi opera omnia. Parisiis ann.
1667. to. 2. in fol.

Eadem eodem anno to. 8. in 8°

Eadem secundis curis edita Parisiis .
ann. 1690. to. 2. in fol.

*Acta SS. Ordinis S. Benedicti per seculo-
rum classes distributa . Parisiis ann.
1668. & seqq. to. 9. in fol.*

*De Re Diplomatica cum figuris &c. Parisiis
ann. 1681. in fol. majori.*

*Editio secunda ab ipso autore recognita,
emendata, & aucta. Parisiis 1709.
fol. majori.*

*Supplementum ad libros de Re Diplomatica
cum figuris &c. Parisiis ann. 1704.
in fol. majori.*

*Annales Ordinis S. Benedicti cum variis In-
strumentis, & antiquis Monumentis
in appendicibus relatis. in fol. Pari-
siis ann. 1703. & seqq. to. 4. in fol.*

*Volumen quintum opus posthumum . Pa-
risiis ann. 1713. in fol.*

Liturgia Gallicana &c. cum disquisitione de
Q cur.

*cursu Gallicano &c. Parisiis an. 1685.
in 4°*

*Museum Italicum, seu Collectio veterum Scrip-
torum ex Bibliothecis Italicis . in pri-
mo tomo præmittitur iter Italicum lit-
terarium; in secundo Commentarius in
Ordinem Romanum. Parisiis an. 1687.
& 1689. to. 2. in 4°*

*Duo scripta de Jure præcedentiæ Benedic-
tiorum supra Canonicos Regulares in
Comitiis Burgundiæ. 1687. in 4°
Eadem Scripta , in Latinum translata
a D. Hermanno Sckenk.*

*Epistola de primario Romarici-montis Institu-
to . Parisiis ann. 1684. in 4°*

*Tractatus de Studiis Monasticis . Parisiis
ann. 1691. in 4°*

Idem . Parisiis to. 2. in 4°

Idem in 12. Bruxellis an. 1692.

*Idem Italice versus sub hoc titulo: Scuola
Mabilloniana &c. dal P. Mae-
stro Nicola Girolamo Ceppi Ago-
stiniano . In Roma ann. 1701.
in 12.*

*Idem in Latinum translatus a R. P.
Udalrico Strandigl. Campoduni ann.
1702. in 12.*

*Idem in Latinum translatus a P. D.
Josepbo Porta. Venetiis in 4°*

*Item ex eodem tractatu , Dubia histo-
rica &c. latinitate donata a D. Her-
manno Sckenk edita in Germania in 4°
Ani.*

- Animadversiones ad tractatum de Studiis
Monasticis. Parisiis ann. 1692 in 4°*
Eadem. Parisiis 1693. in 12.
*Epistola encyclica de obitu Mariæ de Ble-
msæ Sanctimonialis Benedictinæ. in 4°*
*Eusebii Romani epistola de cultu Sanctorum
ignotorum. Parisiis 1698. in 4°*
*Item altera editio, eodem anno ibidem
in 12.*
*Eadem a variis autoribus in Gallicum
idioma conversa. Parisiis, Bruxellis,
Turone, Gratianopoli &c. in 12.*
*Altera item editio typis edita Trajecti.
Eadem in Gallicum sermonem translata
ab Abbate le Roy. Parisiis 1705.
in 12.*
*De Azymo & Fermentato ad Eminentiss.
Cardinal. Bona. Parisiis ann. 1674.
in 8°*
*Vetera Analecta. Parisiis an. 1675. & seqq.
to. 4. in 8°*
*Dissertatio de Monachatu S. Gregorii M. ad
eruditum Valesium ex primo tomo A-
nalectorum seorsim edita. in 8°*
*Eadem recognita, in appendice tom. I.
Annalium.*
*Iter Germanicum in tomo 4° Analectorum
editum*
*Animadversiones in Vindicias Kempenses.
Parisiis 1677. in 8°*
*Epistola Blesensi Episcopo inscripta de Lachry-
mæ, ut vocant, Vindocinensi. 1700 in 8°*
Q 2
San-

Sancti Bernardi de Consideratione jussu Clement. XI. Pontificis Maximi. Parisiis an. 1701. in 4°

Mors Christiana, Reginae Majoris Britanniae nuncupata. Parisiis in 12. Gallice.

Tractatus de vocibus Missae & Communionis, in Regula Sancti Benedicti adhibitis. Parisiis an. 1689. in 12. Gallice.

Regula Sancti Benedicti, & Constitutionum Stephani Poncher Gallica versio in gratiam usumque Sanctimonialium Calamensium, vulgo de Chelles. Parisiis 1697. in 18°



INDEX RERUM.

A

- A**bbates de Mourry, de la Pierre, & Beata Mariæ in Germania. pag. [68](#)
 Abbates S. Floræ Aretinæ, Proculi, & Joannis Mabillonium honorifice excipiunt. [77](#)
 Academia Regiæ Inscriptionum in Mabillonium adfectus. [178](#). Elogium ejus edit. ibidem.
 Acta Sodalium publicata a Monachis [S.](#) Mauri alienum. [3](#)
 Acta Ordinis S. Benedicti. [26](#). Vide Præfationes.
 Adalbardus Corbejenfis Abbas. [17](#), [18](#). Ejus ope sanatur Mabillonius. [18](#)
 Aguirre Cardinalis Josephus laudatus. [52](#)
 Albericus Monachus Eucharistiam defendit. [195](#)
 Alcuinus. [37](#), [38](#)
 Alexander VIII. Mabillonio favet. [53](#). Studia monastica approbat. [109](#)
 Algerus Cluniacensis Eucharistiam vindicat. [195](#)
 Amandus Regulæ Benedictinæ apud Belgas propagator. [32](#)
 Ambrosii S. corpus Mediolani asservatum.

I N D E X

| | |
|---|--------------------------|
| <i>Analeſta.</i> | 54-55 |
| <i>Annales. Vide Benediſtini.</i> | |
| <i>Anianenſis Abbas Benediſtus regularem diſciplinam reſtaurat.</i> | 37 |
| <i>Anſelmus Cantuarienſis Archiepiſcopus.</i> | 203 |
| <i>Antiſſiodoreſe Cœnobium.</i> | 39 |
| <i>Aubuffon Georgius Remenſis Archiepiſcopus.</i> | |
| 6 | |
| <i>Auguſtini S. corpus Papie aſſervatum.</i> | 87 |
| <i>Aurelianenſis Ducis in Mabillonium humanitas.</i> | 125. 126 |

B

| | |
|--|------------------------|
| B <i>Accbinus Benediſtus.</i> | 81 |
| <i>Baluzius Stephanus.</i> | 54 |
| <i>Barbadicus Cardinalis Gregorius.</i> | 78 |
| <i>Baſilica Remenſis ceterarum Gallie norma.</i> | 7 |
| <i>Beda Venerabilis.</i> | 4 |
| <i>Belvallenſis Abbatie ſitus.</i> | 3 |
| <i>Benediſtus & Bernardus SS. laudati.</i> | 86. |
| 179 | |
| <i>Benediſtini Monachi. 34. eorum ope florent cum pietate ſcientiarum ſtudia. 167. 168. defendunt catholica dogmata. 189. eorum Regule per Gallias propagatio. 38. Regule verſio. 164. Diſcipline inſtauratio. 37. Regule diverſe. 30. 31. Pontifices. 165. Scholæ. 38. Scriptores. 40. Annales. 185. 186. 187. 188. 189. 190. 192. 193. 196. 197.</i> | |
| <i>Bernardi S. Libri de Conſideratione.</i> | 126 |
| <i>Beverinus Bartholomæus.</i> | 81 |
| <i>Bibliothecæ Romanæ celebriores.</i> | 83. 84 |
| Bigo- | |

R E R U M.

| | |
|---|---|
| <i>Bigotius Emericus.</i> | 54 |
| <i>Blanchinus Franciscus.</i> | 84. 133 |
| <i>Blemur Maria Sanctimonialis.</i> | 164. ejus o- pera. ibid. |
| <i>Boivin.</i> | 232 |
| <i>Bollandiani.</i> | 43 |
| <i>Bona Cardinalis Joannes novam S. Bernar- di editionem laudat.</i> | 23. Acta SS. Ordi- nis eorumque methodum approbat. |
| <i>Bonamicus.</i> | 81 |
| <i>Bononia.</i> | 71 |
| <i>Bosquillon.</i> | 232 |
| <i>Boucherat Franciæ Cancellarius.</i> | 103. 104 |
| <i>Bouchier Remensis Ecclesiæ Præpositus.</i> | 4 |
| <i>Bourlon Carolus Sueffionensis Episcopus.</i> | 13. |
| <i>Bozius Mabillonium elogio commendat.</i> | 178. 240. |
| <i>Britanniæ Rex Jacobus II. Mabillonio fa- vet.</i> | 141 |
| <i>Bruno S. Cartusiensium institutor.</i> | 167 |
| <i>Bullonius Cardinalis Emanuel Theodosius Missam pro defuncto Mabillonio celebrat, ejusque exequiis adest.</i> | 231 |
| <i>Burgundiæ Ducis in Mabillonium benevolen- tia.</i> | 125 |

C

| | |
|---|----------|
| <i>Canonica Romari-montenses.</i> | 173 |
| <i>Canonici Regulares.</i> | 115. 116 |
| <i>Cangius Carolus.</i> | 54 |
| <i>Capassius Gerardus.</i> | 81 |
| <i>Capetus Hugo eligendorum Abbatum regula- rium facultatem Monachis restituit.</i> | 166 |

Q 4

Ca-

I N D E X

- Carolus Magnus laudatus* . 34. *ejus in rem litterariam merita* . ibid.
Carpinus Marchio Prorex Regni Neapolitani . 77
Carpineus Cardinalis Gaspar Martyris corpus erui jubet in gratiam Mabillonii . 85
Casanata Cardinalis Hieronymus . 85
Casinenſium in Mabillonium ſtudium . 77. *eorum Cœnobium cura Summorum Pontificum inſtauratum* . 34. *Patriarchium Lateranenſe olim habitabant* . 189
Catholici & heterodoxi Mabillonii candorem prædicant . 134. *cum mortuum deſcendunt* . 233
Cella ſubterranea S. Mauri . 8
Ceppius Auguſtinianus . 98
Cimeliarchium Sandionyſianum . 21
Clarevallenſe Cœnobium . 180. 181
Clemens XI. laudatus . 49. *ejus litteræ in gratiam Actorum Ordinis* . ibid. *in laudem Studiorum Monaſticorum* . 109. *Annaliſium* . 188. *ad iſtos continuandos Mabillonium hortatur* . 187. *ejus in Mabillonium exiſtimatio* . 133. *ejus juffu eduntur Bernardi libri de Conſideratione* . 165. *Mabillonii jacturam deſcet* . 236. *coinnuente diſtincto loco humatur Mabillonius* . 237
Cluniacenſis Congregatio . 166
Cointius Carolus . 36. 43
Colbertus Jo. Bapt. opus de re diplomatica laudat . 62. *Mabillonii opera utitur, præmia ei offert* . ibid. *Illum in Burgundiam, ſubinde in Germaniam mittit* . 66
Communione vox quid in Regula S. Benedicti ſignificet . 171. 172
Con-

R E R U M.

- Confessiones pugnis olim præmitti solitæ.* 35
Controversia inter Aurelianenses Episcopos & Abbates Floriacenses. 168
Controversia de cultu Imaginum. 37
Controversia sæculi noni. 39
Conversio Germanorum per Benedictinos. 188
Corbeja vetus. 14. *ejus Bibliotheca.* 16
Cunegundis Imperatrix pudicitiam suam probat per ignitum ferrum. 169
Christina Alexandra Succorum Regina Mabilonium colloquio dignatur. 83. *Bibliothecam ad ejus usum referari jubet.* 84

D

- D** *iplomaticæ rei dignitas & utilitas.* 56.
57. prima diplomatici operis editio. 59.
probatur. 60. *illud laudat Papebrochius.*
ibid. Impugnatur. 61. *vindicatur.* ibid. a
Colberto plurimi æstimatur. 62. *iterum impugnatur.* 184
Duellum a quibus olim adhibitum. 169
Durandus Troarnensis Eucharistiæ defensor.
 194

E

- E** *ccllesia nunquam a Deo deseritur.* 41
Ecclesiæ status decimo sæculo. ibid.
Ecclesiæ Remenses cur a Flodoardo Basilicæ nuncupata. 7. 8
Editiones SS. Patrum laudat Summus Pontifex, eas promovent Præpositi nostri. 24
Erasmus a Cajeta Casinensis laudatus. 82
 Estræus

I N D E X

- Estræus Card. Cæsar Mabillonium diligit.* 83. 203
Etruriæ Dux Mabillonium honorifice excipit. 75. 86
Eucharistiæ fides a Benedictinis vindicata. 189
Europæ status octavo sæculo. 87
Exemplorum bonorum utilitas. 158
Exteri omnes Mabillonii jacturam desunt. 233

F

- F** *Abrettus Raphael.* 84. 85
Faurus Franciscus Ambianensis Antistes. 13
Felicianæ hæresis damnatur. 37
Ferrariense Cœnobium. 39
Filioque, verbum a Gallis symbolo additum. 37
Floriacense Cœnobium. 30. ejus Bibliotheca. 174
Floriacensis Abbo. 167. 168
Florentinorum monachorum & Fulienſium amica contentio. 77. 78
Fontanellense Cœnobium. 39
Fontaninus Justus rem diplomaticam vindicat. 62. delatos Mabillonio honores memorat. 80. Dolorem suum de Mabillonii obitu litteris ad Theodericum Ruinartum aperit. 234
Fulbertus Carnutensis Episcopus. 168
Fürstemberg Ferdinandus Paderbornensis Episcopus. 53

Gal.

R E R U M.

G

| | |
|--|--------|
| G allia demortuum Mabillonium dolet. | 232 |
| Gallie status octavo seculo. | 33. 34 |
| Gualterius Cardinalis Philippus Antonius. | |
| 133. 134 | |
| Geissarius Mabillonio conjunctissimus locuple- | |
| tandis Annalibus studet. | 71 |
| Gelasius II. Pontifex. | 165 |
| Genesis. | 81 |
| Gerardus Abbas Silve Majoris. | 167 |
| Gerburtus Aurelianensis monachus. | 168 |
| Germain Michael Mabillonii socius. | 67 |
| Germanorum ex Mabillonii adventu letitia, | |
| in illum & Ordinem amor. | 68 |
| Gersen Joannes Abbas Vercellensis. | 116 |
| Gezo <u>Dertonensis</u> Abbas. | 195 |
| Gonzata. | 81 |
| Gourdan. | 232 |
| Gorziense Cenobium. | 39 |
| Gregorius IV. Pontifex. | 29 |
| Gregorius VII. celibatum restituit. | 166 |
| Guinifius Fabius Ravennæ Archipræsul Ma- | |
| billonium comiter excipit. | 78 |
| Guitmundus divinæ Eucharistiæ vindex. | 194 |

H

| | |
|-----------------------------------|-------|
| H erbelotius Bartholomæus. | 54 |
| Herovallius VVion. | ibid. |
| Hersan. | 232 |
| Hirsaugiense Chronicon. | 70 |
| Hispaniæ status. | 33 |
| Ho- | |

I N D E X

| | |
|---|------------|
| <i>Homelinus Redonensis Episcopus.</i> | <u>169</u> |
| <i>Honores Mabillonio delati in Germania.</i> | <u>68.</u> |
| <i>69. In Italia. 75. 76. 77. 78. 79. 80. honores eidem demortuo delati. 231. 232. 233. 234. 235.</i> | |
| <i>Hugo Cluniacensis Abbas.</i> | <u>167</u> |

I

| | |
|--|-------------|
| <i>Jesuitarum in Mabillonium humanitas.</i> | <u>83</u> |
| <i>Ignorantia quantum noceat.</i> | <u>191</u> |
| <i>Indicia martyrii.</i> | <u>131</u> |
| <i>Innocentius XII. studiis monasticis favet.</i> | <u>109.</u> |
| <i>iis monasterium designari jubet.</i> | <u>110.</u> |
| <i>Joanna Guerin Mabillonii mater.</i> | <u>3</u> |
| <i>Italia Mabillonium honorifice excipit. 75. demortuum luget.</i> | <u>233.</u> |
| <i>Italie in exteros humanitas.</i> | <u>75.</u> |
| <i>Iter Germanicum.</i> | <u>67</u> |
| <i>Iter Italicum.</i> | <u>74</u> |

K

| | |
|-------------------------|-----------|
| <i>Keptensis Abbas.</i> | <u>68</u> |
|-------------------------|-----------|

L

| | |
|---|------------|
| <i>LAnfrancus heresi Berengarii se opponit.</i> | |
| <i><u>194</u></i> | |
| <i>Lauretana Ecclesia.</i> | <u>87</u> |
| <i>Lazzarinus Dominicus pro vindictis diplomatum scribit.</i> | <u>61</u> |
| <i>Lectionarium vetustum ritus Gallicani.</i> | <u>72</u> |
| <i>Leo IX. Pontifex Canonum scita restituit.</i> | <u>166</u> |

Le-

R E R U M.

Lotharingus Cardinalis Carolus Seminarium Remense instituit. 6

Ludovicus XIV. Rex Galliarum Mabillonium laudat, demortuum deflet. 227. 228

Lupi Ferrariensis in adversarios humanitas. 191. 192

M

Mabillonius 70. nascitur. 3. 4. ab avunculo eruditur. 4. Remos studiorum causa mittitur. *ibid.* Sodalibus virtutis exemplar proponitur. 5. ejus progressus & animi dotes. *ibid.* Publicè dicit. 5. Clericali militiæ adscribitur, Remis Theologiæ studet, Magistri artium laurea insignitur, Chori ministerium amat. 6. quantum discendis ritibus intentus. 7. Remenses Ecclesias frequentat. 8. Decollationem S. 70. Baptistæ præcipuè colit, Remense Archicœnobium lectus adit. 9. habitum suscipit. 10. Professionem emittit. *ibid.* Ardor pietatis. 11. campestre Cœnobium adire cogitur. *ibid.* Vincentii Marsollii merita scriptis mandat. 10. sub ejusdem disciplina eruditur. 11. exemplo suo tirones animat, ardori ejus pietatis non respondent fluxæ corporis vires, capitis doloribus divexatur. *ibid.*

Mabillonius in Monasterium Beatæ Mariæ de Novigento mittitur. 12. Minores Ordines suscipit. 13. villioribus curis delectatur. 14. Ecclesiæ pavimentum effodit, Corbejam veterem mittitur. *ibid.* ejus ingenium rei antiqua-

I N D E X

tiquariae natum . 14. amor in pauperes . 15.
 ad Sacerdotium promovetur . *ibid.* Præci-
 puum studium . 16. Corbejensem Bibliothe-
 cam frequentat . *ibid.* studet historiæ Adal-
 bardi, cujus ope sanatur . 17. illum præci-
 pue colit , in ejus honorem hymnos condit .
18. rerum temporalium curam deponit . 18.
19. Ad Sandionysianum Cœnobium mittitur .
20. Cimeliarchæ munere fungitur . *ibid.*
 Mabillonius S. Bernardi opera cum MSS.
 confert . 21. editionem parat . 22. Socius
 D. Luca de Achery Spicilegio collaborat .
ibid. fama ex hac editione parta . 23. Al-
 teram S. Bernardi editionem concinnat . 24.
 tertiam S. Bernardi editionem meditat .
ibid. Acta SS. Ordinis edit . 25. cur ab iis
 historiam Ordinis inchoaverit . *ibid.* Litter-
 atos per epistolam monet de ratione operis .
26. In aliorum opera suos labores confert .
 S. Petri Cellensis editionis præfationes ad-
 ornat . *ibid.* ejus oratio in laudem Regine
 Anne Austriacæ . 26. In Acherium obser-
 vantia . 27. 28. Monachos vi & vii. sæcu-
 li Ordini adserit . 36. Catholicos & hete-
 rodoxos sibi conciliat . 42. Adversa mode-
 rate sustinet . 43. ejus studium veritatis .
45. 46. 47. partes tuentur Prepositi nostri .
48. Dissertationem de Pane Azymo & fer-
 mentato elucubrat . 50. eidem opera nuncu-
 pantur . 51. 52. Analecta publicat . 54.
 Cum eruditis consuetudinem init . *ibid.* opus
 de re Diplomatica evulgat . 59. supplemen-
 tum edit . 61. a rerum cupiditate alienus .
62. inter Beneficiarios Regis describi recu-
 sat .

R E R U M.

fat. *ibid.* paupertatis specimen singulare
præbet. 63. studium paupertatis. 64. ca-
ritas erga Pauperes. 65.
Mabillonius in Burgundiam se confert. 66.
iter Germanicum suscipit. 67. ei ubique
patet facilis ad Archiva aditus. 69. Au-
tographum Chronici Hirsaugiensis a se re-
pertum, edendum suadet. 70. vetustum ri-
tus Gallicani lectionarium evulgat. 72. ius-
su Regis ad iter Italicum se accingit. 73.
Normanniam petit. 74. in Italiam profe-
ctus magnis in ea honoribus afficitur. 75.
A Magno Etruriæ Duce honorifice excipi-
tur. 76. A litteratis viris colitur. 79. er-
ga Litteratos Italiæ gratus. 80. 81. 82.
Bibliothecam Oratorii Romani frequens ad-
it. 84. Fit Consultor Sacræ Congregationis
Indicis. 85.
Mabillonii pietas in perlustrandis Sacris Ita-
liæ locis. 86. 87. mentis ejus collectio. 88.
asscurata in itinere observantia. 89. zelus.
90. in recitando officio pietas, probandis u-
bique moribus cura. *ibid.* Pia exercitia e-
jusque mores. 91. ex Italia in Gallias re-
meat. 94. Muscum edit. 94. 95. tracta-
tum elucubrat de Studiis Monasticis. 96.
suam de iis sententiam vindicat. 103. Ani-
madversiones in Abbatem de Trappa. 104.
ejus modestiæ specimen singulare. 105. Ab-
batem Trappensem adit. 106. eum laudat
Abbas Marsollier. 107. moderatio ac pru-
dentia Christiana. 113. jura præcedentiæ
contra Canonicos Regulares vindicat. 115.
Librum de Imitatione Christi suis autori

I N D E X

& Ordini adserit . 116. pacis studium .
117. humilitas & caritas . 118. 119. in ad-
 versarios humanitas . 120. quam humilis in
 adornandis operibus . 122. In Ecclesiam &
 Sedem Apostolicam observantia . 123. pie-
 tatis specimen . *ibid.* fuga laudis . 124. 125.
 modestiam & doctrinam commendant viri
 Principes . *ibid.* Bernardi libros de consi-
 deratione edit . 126. 127. Epistolam evul-
 gat de cultu Sanctorum . 128. Novam hu-
 jus epistolæ adornat editionem . 131. 132.
 zelus pro conversione hæreticorum . 135.
 Epistolam scribit fratribus Anglis catholi-
 cis . 137. fidem suam vindicat . 138. 139.
 zelus pro Religione & Missionariis Apo-
 stolicis . 140. Britanniae Regem Jacobum
 II. præcipue colit . 141. Propagandæ reli-
 gionis cura ac sollicitudo . 142.
 Mabillonius juvenum institutioni promovendæ
 intentus . 143. sollicitudo ejus de Parochis
 vicorum . 144. Orationem assiduam com-
 mendat . 145. Adulationem horret . 146.
 Solitudinem amat . 147. observantiæ mona-
 sticæ tenax . 148. ad Comitia Cleri Gal-
 licani vocatur . *ibid.* prudentia in dandis
 consiliis . 149. consilia expetita . *ibid.* lau-
 dis impatiens . 150. morbo affectus studia
 non intermittit . 150. 151. Morti obeundæ
 paratus . 152. Opusculum edit de morte
 Christiana . *ibid.* ejus in perfectione progres-
 sus . 153. penitentiæ studium . 155. disci-
 plinæ regularis studiosus . 156. ad obser-
 vantiam & vota *monachos* adstrictos osten-
 dit . 157. regulas etiam minimas observat .

R E R U M.

159. ejus caritas erga proximum. **160.** se-
 cessum meditatur. **161.** Operum S. Cy-
 priani editionem suscipit. **162.** Annales Be-
 nedictinos adornat. **163.** varia ejus opu-
 scula. **164.** Lachrymam Vindocinensem vin-
 dicat. *ibid.* duo postrema Aëtorum volumi-
 na publicat. **165.** ejus Epistola nuncupa-
 toria novæ S. *Augustini* editioni præfixa.
171. Tractatum adornat de vocibus Mis-
 sæ, & Communionis. *ibid.* Epistolam
 edit de primario instituto Romarici-montis.
173. ejus operum dignitas. **174.** Stilus,
 & in discernendis operibus sagacitas. **174.**
175. Solertia. *ibid.* in Regiam Inscriptio-
 num Academiam cooptatur. **177.** gratu-
 lando scientiarum Academiæ deputatur.
ibid. Sepulchra SS. Benedicti & Bernar-
 di perlustrat. **179.** Floriacense Cœnobium
 petit. *ibid.* ejus pietas erga locorum &
 Ecclesiarum patronos. **180.** Clarevallense
 Cœnobium adit. *ibid.* ejus in S. Bernar-
 dum pietas. **181.** Primum Annalium to-
 mum in lucem profert. **182.** Remos prosi-
 ciscitur. *ibid.*
Mabillonius a curiositate alienus. **183.** ejus
 in Ecclesiam demissio & modesta confessio.
195. in morbum incidit. **198.** ejus patien-
 tia. **200.** Sacramentis muniri postulat. *ibid.*
 merentem socium consolatur. **201.** ejus in
 Christum amor. **202.** Parisios revehitur.
203. in dolore animi tranquillitas. **204.**
 mentem divino sermone pascit. *ibid.* Sa-
 crum quotidie audit, nec officia in morbo
 intermittit. **205. 206.** uni Deo intentus.

I N D E X

| | |
|---|------------|
| 207. quo animo officiosos aditus exciperet. | |
| 208. cum plebeiis ultro conversatur. | 209. |
| mundanos sermones illibenter audit. | 207. |
| Olco sacro inungi cupit ante Viaticum. | 211. |
| ejus pietas in suscipiendis Sacramentis. | |
| 212. se parat ad mortem. | 213. |
| Natalem Christi Domini tranquille agit. | 214. |
| summos dolores patitur. | 215. |
| ejus moderatio. | |
| 216. mortem exhorret. | 217. |
| illam præsentiit proximam. | 218. |
| monita salutis amico præbet. | 219. |
| pii animi sensus. | 221. |
| ultima verba ejus. | 223. |
| tranquilla mors. | 226. |
| demortuus apparet vultu elegantior. | 227. |
| Exequiæ. | 228. |
| Fama integritatis. | 229. |
| præclarum Funus. ibid. ejus jacturam deslet Magnus Etruriæ Dux. | 233. |
| innuente Summo Pontifice, distincto loco humatur. | 236. |
| Magliabecus Antonius laudatus. | 75. 76. 81 |
| Marsollier Abbas Mabillonium laudat. | 107 |
| Marsollius Vincentius. | 10 |
| Mauri S. Missio in Gallias. | 31 |
| Mauricius Tellerius Carolus Remensis Archiepiscopus. | 73 |
| Maximini S. Cœnobium. | 39 |
| Metzgerus Salisburgensis Academiæ Vicecellarius. | 70 |
| Minorellus Thomas Maria. | 81 |
| Missæ vox, quid significet in Regula S. Benedicti. | 171. 172 |
| Mitra usus Abbatibus concessus. | 168. |
| non omnibus olim Episcopis communis. | ibid. |
| Monachium. | 183 |
| Monachorum Germaniæ in Mabillonium adfectus. | 68 |

Mo-

R E R U M.

Monasteria scientiarum splendore olim conspicua. 39. ante ortum S. Benedicti condita.

186

Monastici status antiquitas apud Belgas. 32.

Mons Casinensis Ordinis caput. 87

Mons-Dei Cartusienſium Cœnobium. 3

Monumenta in Germania collecta. 72

Mummolus Gaufridus Archicœnobii Remensis Prior. 10

Museum Italicum. 94. 95.

N

Nationes quæ monachismum susceperant ante S. Benedictum. 30. 31

Neapolis. 76

Neapolitanus Prorex Mabillonium magni facit. 76. 77

Nemours Remensis Archiepiscopus. 5

Neuclo Corbejensis Monachus. 40

Nicodemus Franciscus. 81

Noailles Cardinalis Ludovicus Antonius.

147

Norſius Henricus Mabilloniæ Librum nuncupat. 51

Notgerus Leodiensis Antistes. 168

Notkerus Santigallensis Monachus. 40

Nuce Angelus a, Rossanensis Archiepiscopus. 84

O

Odilo Abbas Cluniacensis. 167

Odo Abbas Cluniacensis. 40

R. 2

Ordo

I N D E X

| | |
|---|-----|
| <i>Ordo Benedictinus propagatur.</i> | 167 |
| <i>Ottobonus Cardinalis Petrus Mabillonium litteris dignatur.</i> | 134 |
| <i>Oversham Germaniæ Monachus.</i> | 53 |

P

| | |
|---|----------|
| P <i>Alatium Versallicum.</i> | 183 |
| <i>Palatium Ducis Bavariæ.</i> | ibid. |
| <i>Papebrochius Daniel.</i> | 60 |
| <i>Parisienses Scholæ.</i> | 38 |
| <i>Parisiense Cenobium.</i> | 39 |
| <i>La Parre Guillelmus Procurator Generalis.</i> | |
| 133 | |
| <i>Paschalis II. Papa.</i> | 165 |
| <i>Passioneus Dominicus Abbas.</i> | 233 |
| <i>Patavium.</i> | 78 |
| <i>Patriarchium Lateranense. Vide Casinenses.</i> | |
| <i>Pelagius II. Papa.</i> | 189 |
| <i>Pertb Dux I.</i> | 228. 239 |
| <i>Petrus venerabilis.</i> | 214 |
| <i>Pignatellus Cardinalis Antonius.</i> | 79 |
| <i>Placidi S. Missio in Siciliam.</i> | 31 |
| <i>Ponchartrain litteris Mabillonium dignatur.</i> | |
| 177 | |
| <i>Poncherius Stephanus Antistes Parisiensis.</i> | |
| 164 | |
| <i>Poppo Abbas Stabulensis.</i> | 167 |
| <i>Porta Josephus Casinensis monachus.</i> | 98 |
| <i>Præfationes Actorum Ordinis quid singula quæque contineant. 30. 31. 32. 33. 34. 35. 37. 38. 39. 41</i> | |
| <i>Præpositi S. Mauri editiones patrum promouent. 24. eorum de Mabillonii reparandis viri-</i> | |

R E R U M.

viribus sollicitudo. 11. meditantur genera-
lem totius Ordinis historiam. 25. tuerentur
Mabillonii partes. 48

R

- R**abanus ex Abbate Fuldensi, Mogunti-
nus Archiepiscopus. 40. 190
Radbertus Paschasius, scriptis fidem Eu-
charistiae defendit. 189
Ravennae Archivum. 79
Remense Seminarium. 6. Archicœnobium. 9
Remensis Metropolis Mabillonio solemniter pa-
rentat. 231
Remigii S. corpus. 8
Remigius monachus. 39
Renodotus Eusebius. 54
Robertus Abbas Casæ-Dei. 167
Robertus Molismensis. ibid.
Roma. 83
Roy Abbas. 134. 232

S

- S**acramentarium Gallicanum. 95
Seculum xi. 193. 194
Salisburgensis Academia. 69
Sanctimonialia Germaniæ. 68
Sandionysianum Cœnobium. 20. 39. ejus Ci-
meliarchium. 20
Sangermanense Cœnobium; 39. in eo moritur
Mabillonius. 226
Sardinia Insula status; 33
Schisma Scotorum, 35
Scho-

I N D E X

| | |
|--|---|
| <i>Scholæ publicæ in Germania.</i> | <u>189</u> |
| <i>Scientia quantum juvet.</i> | <u>191. 192</u> |
| <i>Silvester II. Pontifex.</i> | <u>165</u> |
| <i>Sithiense Cœnobium.</i> | <u>39</u> |
| <i>Skenk Hermannus Santigallensis monachus.</i> | <u>70. 98.</u> |
| <i>Sirmundus Jacobus.</i> | <u>50</u> |
| <i>Solitudo quantum animæ confert.</i> | <u>176</u> |
| <i>Spicilegii auctores.</i> | <u>26</u> |
| <i>Spinula Cardinalis Lucensis Episcopus.</i> | <u>79</u> |
| <i>Stabulense Cœnobium.</i> | <u>39</u> |
| <i>Stephanus Grandimontensis.</i> | <u>167</u> |
| <i>Stephanus Mabillonii Parens.</i> | <u>3</u> |
| <i>Stephanotius Claudius Procurator Generalis Congregationis S. Mauri.</i> | <u>74. 75</u> |
| <i>Stephanus IX. Papa.</i> | <u>165</u> |
| <i>Studia Monastica.</i> | <u>96. 97. 98. 99. 100. 101. 102. 103. 104. 105. 106. 107. 108. 109</u> |
| <i>Sublacenſis specus.</i> | <u>86</u> |
| <i>Supplementum rei Diplomaticæ.</i> | <u>61</u> |
| <i>Synodus Ticinensis.</i> | <u>35</u> |
| <i>Synodus Gentiliacensis.</i> | <u>37</u> |
| <i>Synodus Urgelitana.</i> | <i>ibid.</i> |

T

| | |
|--|--------------------|
| T <i>Ansus Seraphinus monachus</i> | <u>Casinenſis.</u> |
| <i>Theodemirus Abbas cultum imaginum vindicat.</i> | <u>189</u> |
| <i>Thomasius Cardinalis Joſephus Maria.</i> | <u>52</u> |
| <i>Ticinense Cœnobium.</i> | <u>39</u> |
| <i>Tractatus de Studiis Monasticis.</i> | <u>97. varia</u> |
| <i>ejus editiones.</i> | <u>97. 98</u> |
| | <i>Tra-</i> |

R E R U M.

| | |
|---|-------------|
| <i>Tractatus, quo monachi ad vota & observan-</i> | |
| <i>tiam adstricti ostenduntur.</i> | 157 |
| <i>Tractatus de vocibus Missæ & Communio-</i> | |
| <i>nis.</i> | 171 |
| <i>Trappa Abbas, de.</i> | 98. 99. 107 |
| <i>Turonense Cœnobium.</i> | 39 |

V

| | |
|---|-------|
| <i>V Alletta Josephus.</i> | 81 |
| <i>Vallis-umbrosa.</i> | 86 |
| <i>Vandelbertus Prumiensis monachus.</i> | 40 |
| <i>Udalricus Bavaricæ Congregationis mona-</i> | |
| <i>chus.</i> | 98 |
| <i>Veri Claudius de, tractatum Mabillonii im-</i> | |
| <i>pugnat.</i> | 173 |
| <i>Victor II. Papa.</i> | 165 |
| <i>Victor III.</i> | ibid. |
| <i>Villiers, de.</i> | 232 |
| <i>Vindocinensis Lacryma.</i> | 164 |
| <i>Urbanus II. Papa.</i> | 156 |
| <i>Urbes a Benedictinis in Germania extructæ.</i> | |
| | 189 |
| <i>Usuardus.</i> | 40 |
| <i>Weisenburgense Cœnobium.</i> | 39 |
| <i>Wolphelmus Abbas.</i> | 195 |



Errores, qui irrepperunt, sic emenda.

| Pag. 6 | lin. 26 | Lotharingus | Covige | Lotharingus |
|--------|---------------|----------------|--------|------------------|
| 19 | 14 | Severioris | | ac severioris |
| 30 | 24 | Ilirico | | Illyrico |
| 36 | ad marginem | secundi | | tertiū |
| 39 | 23 | | | in |
| 39 | ad marginem | tertiū | | quartū |
| 49 | 8 | dignatus | | dignatus est |
| 70 | penultima | Metzerum | | Metzgerum |
| 72 | antepenultima | Merovingiacis | | Merovingicis |
| 81 | ultima | Ianij | | Ianſio |
| 86 | 11 | Crypta ferrata | | Cryptaſerratenſi |
| 109 | 1 | Dilecto Filio | | Dilecte Fili |
| 167 | antepenult. | Pafchafius | | Pafchalis |
| ibid. | 11 | recensendus | | accensendus |
| 168 | 12 | controversia | | controverſias |
| 179 | ultima | quoque | | quaque |
| 181 | 26 | imperatæ | | imperatas |
| ibid. | 27 | peropportuna | | peropportunas |
| 194 | 5 | illud | | hoc |
| ibid. | 7 | illud | | illud |

Ubique pro *Archiona* & *Archivia* repone *Archiva*.
 Cæterum quoniam, ut initio monuimus, Lati-
 nus Interpres addidit plane multa, noli mirari,
 ſi pagg. 181. 186. 196. quædam invenies de Rui-
 narto hujus Vitæ Autore, quæ nec dicere ipſe
 potuit, nec ita dicere debuit: ſed pro tua ſapien-
 tia dicendi ordinem ad tempora compone.





